

41
6 B
22



Collg. Rom: Soc. Iesv Catal. inscrip.

ANNVAE

LITTERAE
SOCIETATIS
IESV

ANNI. M. D. LXXXIII

AD PATRES, ET FRATRES
eiusdem Societatis.



ROMAE,

In Collegio eiusdem Societatis.
M. D. LXXXV.

Cum facultate Superiorum.

A S A. D. Orlandinus

ON THE HISTORY OF THE

REPUBLIC

OF THE

STATE

OF

THE

REPUBLIC



IN TWO VOLUMES.
THE FIRST VOLUME.
CONTAINING THE HISTORY OF THE
REPUBLIC, FROM THE
FUNDATION OF THE CITY
TO THE PRESENT TIME.
BY
JAMES HARRISON, ESQ.
OF THE BARR.

LONDON, 1784.

ANNUAE LITTERAE
SOCIETATIS IESV


ANNI. M. D. LXXXIII.



PATRIBVS FRATRIBVSQVE

Societatis Iesu, gratia, & pax

Christi Domini, &c.



ERIVS omnino quam par erat Patres Fratresque carissimi laborum vestrorum fructus mittuntur ad vos: nihil tamen de fructum iucunditate tarditas ipsa decerpet, qui quanto avidius expectantur, tanto iucundius degustantur. Mora autē non vna causa fuit: primū litterarū provincia- liū expectatio, quae & si à plerisq. tēpestine fortasse dantur; non tamen ab omnibus tempestine redduntur. Deinde tum eius, qui hanc annuam vniuersae Societa- tis memoriam colligabat, tum eorum, quibus postea ea mandata res est, vel valetudo vel occupatio. quorum illi valetudinis causa à scribendo fuit omnino cessan-

A 2 dum;

4
dum; hisce partim morbo implicitis, partim occupatio-
ne presenti, impositum subire onus non prius licuit,
quam fere lapsus est annus. itaque cum dandæ fue-
rant litteræ, tum denique scribi sunt coeptæ. Sed in his
quæ mittuntur ad nos is delectus habetur, quem &
scribendi formula nobis tradita, & ratio ipsa præ-
scribit: ut minimè mirum videri debeat, si & ea præ-
tereantur, quæ fortasse commemoranda, & ea com-
memorentur interdum, quæ non nullis tacenda videan-
tur. Verum quia in ijs quæ aliena videntur reijcen-
dis non nostrum iudicium sequimur sed aliorum;
nemo mea quidem sententia iure condemnet, quæ
vnius quidem labore, multorum tamen approbatio-
ne collecta sunt. Nam si quid dignum totius Socie-
tatis auribus afferatur; quid est quod quisquam
malit quam carissimorum labores fratrum litteris
commendari suis, eaque maxime ratione in partem
vocari meritorum, qui particeps non sit laborum? E-
quidem hoc in me recipio quicquid sine controuersia
dignum litteris fuerit, in eo nec fidem scribentis desi-
deratum iri, nec diligentiam. Iam vero ut ad rem pro-
pius accedamus. Ex tribus & viginti prouincijs, qui-
bus omnis Societas continetur, nec à Belgica, nec à
Peruana Prouincia acceptæ sunt litteræ. In his vero
quæ acceptæ sunt, inita est sociorum summa quinque
millium nongentorum ac vigintiquattuor. Eorum ve-
ro quibus aucta Societas est quadringentorum circi-
ter ac septuaginta. Eorum qui interierunt, si eos quos
Martyrj laurea donatos accepimus, eximamus, fere
centum ac quattuordecim. Collegia multa & quidem


cum

5

*cum opulentis redditibus sunt reiecta. Tria vero dum-
taxat admissa si sedes quasdam quæ nunc primum in
Collegij formam redactæ sunt excipiamus. Vnum Ba-
rij in Neapolitana Prouincia, Rigæ alterum in Polo-
nia, Tertium Dolæ in Comitatu Burgundiæ. Profes-
sorum domus vna Panbormi. Angrense ve-
ro Collegium in Lusitania superiore anno
amissum, recuperatum. Hæc de vni-
uersa Societate. Nunc de eius
partibus prouincijsque
dicendum.*



Handwritten text, likely a list or inventory, with several lines of cursive script. The text is mostly illegible due to fading and bleed-through from the reverse side.



PROVINCIA ROMANA



Omiciliorum in Romana Prouincia
numerusidem qui superiore anno. So
cij autem quingeni circiter ac nona
ginta. In Domo Professa centum. In
Romano Collegio centum & octogin
ta. In Domo Probationis octoginta.

In Lauretano Collegio quadraginta. In Seminario Ro
mano triginta. In Collegio Florentino tres & viginti.
In Perusino viginti: totidem in Penitentiaria. In Ma
ceratensi septemdecim. In Senensi quindecim. In Reci
netensi quattuordecim. In Collegio Germanico trede
cim. Vndecim in Anglicano. In Tyburtino nouem. In
Illyrico, & Amerino, & Tusculana sede in singulis se
ni. Admissi sunt in Societatem quattuor & quinquag
inta. Morte amissi quattuordecim.

DOMVS PROFESSA ET Collegium Romanum.

ATque vt ab ea Domo capiamus exordium, vnde
omnis Societas ortum habet, Hoc anno demum
excelsa Farnesiani templi moles absoluta est: cumq
proximis annis pars duntaxat ædis vsui esset, nequa
quam nostris satis apta muneribus; nunc in suam am
plitudinem patefacta, maiorem nobis aperit campum
bene merendi de proximis. Vnum desiderari videba
tur ad commendationem nouæ Basilicæ, vt quemad

modum candentibus est exornata lapidibus; ita sanctorum Reliquijs tamquã gemmis illustraretur. Quod quidem à summo Pont. pro ea qua est in nostrum ordinem voluntate facile est impetratum: itaque eius iussu BB. Martyrum Abundij & Abundantij corpora è SS. Cosmi & Damiani basilica in eadem nostram ingenti ciuitatis lætitia celebrique pompa translata sunt. Quæ res quoniam in eorum Martyrum vita, quæ non ita pridem edita est, accurate describitur; nos eius narratione supersedebimus. Idem Pontifex Max. cū per æstiuos calores ad D. Marci de more versaretur, incidissetque dies B. Virginis Assumptioni sacer, quo die sacrorum solemnia in sacello Pontificio celebrantur; eadem nostram, quæ cum D. Marci penè continēs est, ad eum agendum celebrandumque diem sibi delegit. itaque tum primum in ara maxima magnifico extructa opere sacrificari cœptum est. Aderat Cardinalium corona ceteraq. Pontificalis curiæ pompa; multitudo vero tanta, quantam noui templi facies, & nouus ille confessus allegerat. Magna sane est habenda gratia Farnesio Cardinali, cuius summam liberalitatem cum semper experti sumus in tanti operis molitione, tum hoc anno ad eius operis absolutionem septē ab eo scutatorum millibus donati sumus. Nec desunt alij, qui præcipuo quodam liberalitatis studio huic tēplo munera deferant: præcipueq. vnus solido ex argento lampadam eximio opere elaboratam dono dedidit. Quod ad animarum fructum pertinet, si Pœnitentium numero metienda res est, satis est argumēti operam in hac domo non inutiliter collocatam, vbi quin-

gen-

gentis amplius repetita ab incunte atate peccata per confessionem expiarunt. Quibusdam etiam adiumento nostri fuerunt, ut huius vitæ spretis illecebris sua studia Societati dicarent. qui quoniam magnis quibusdā sunt instructi præsijs ad res præclare gerendas, multum in ea re lucri existimatur fecisse Societas. Nimirum compensanda iactura fuit, quæ è P. Ioannis Maldonati interitu facta est. qui propter eximiam virtutem ac reconditam sapiētiā maximum apud omnes sui desiderium reliquit. De professorum domicilio satis. quamquam illud quoque videtur huc facere, quod Carthusianæ familiæ magister ad nostrum P. Generalem litteras dedit religiosæ charitatis plenas, quibus à Patre petebat, ut pristina inter suum & nostrum ordinem amicitia renouaretur, eaque publicis testata codicillis posterorum memoriæ commendaretur. Rescriptis ad eas litteras Pater & per honorificum diploma dedit, quo meritorum communionem Societatemq. inter utrumque ordinem confirmabat.

In Romano Collegio idē hoc anno rerū cursus. Scholæ noui expectatione Gymnasii magna auditorum frequentia & nobilitate sunt auctæ. Quo tempore Beatorum illorum corpora, quos supra nominaui in Professorum templum transferebantur; Nostri, quoniam antè Collegium pompa illa traducenda erat, ut eos Beatos litterarum etiam munusculis honorarent, vniuersam Collegij faciem tum varietate ac copia carminis tum alijs artis ingenijq. operibus exornarunt. Magna ad spectaculi nouitatem multitudo concurrit. & vero lætior res fuit quam quæ possit oratione depingi.

E Gym-

E Gymnasio atque è Sodalitio Dei Matris tum in Societatem sunt recepti non nulli, tum alij ad alias familias cœnobiazq. dimissi. In his adolescens claro loco natus, & cum philosophia perpolitus in primis, tum præclaris quibusdam naturæ donis ornatus. is cum Societatis cupiditate flagraret diu multumq. iactatus est à domesticis, ut quo diuturnior esset cum parentibus pugna, eo virtus redderetur illustrior. Sed quoniâ sponsione voti sese obligauerat Deo, Patres & ne quid discriminis in medijs fluctibus tenera ætas adiret, & ut omnem à se suspicionem inducti iuuenis remouerent; reddita ei votorum formula, quam in scriptis acceperant, pro iure potestateq. sibi concessa ab omni eum sponsione liberarunt. Ille vero non modo liberari se nō est passus, sed paucis post diebus tanto arctius voto se religionis obstrinxit, schedulamq. retulit eam, quæ votorum formulam cum renouata sponsione contineret. Diem sibi parentes sumpserant satis laxam ad explorandam, ut illi aiebant, adolescentis constantiâ, ut alij interpretabantur, ad infirmendam ac labefactandam. Sed tantum abest, ut is aliquid de suo ardore studioque remiserit, ut deuictis iterum diuturna pugna parentibus ad Nouitiorum domum duplicata gloria reuerterit.

Missi sunt ex hoc Collegio non nulli in agrum Picenū Episcopi Camertini rogatu, qui suam in eo agro diœcesim habet. Ac cū alijs rebus, tum tradendis christianæ disciplinæ præceptis perutiliter laborarūt. accipiebantur quibusdam locis tam auidis animis, ut ad eorum aduentum pulsarentur æra campana, publica-
que

que edicta fierent, ut intermissis ludis ad Catechismum se quisque conferret. Lustrata sunt præcipua Recinetum ac Tolentinum: sed è finitimis pagis paganorum veniebat caterua hanc vnā ob causam, ut Christianæ legis præceptis imbuerentur. Habebantur doctrinæ conuentus primis fere tenebris cum vulgus opificum ab opere conquieuit. templum plurimo lumine collucebat, auditoribus ita refertum, ut nocturna Natalis Christi celebritas videretur. His rebus ubi ubi nostri fuerunt, mirum quantum sibi omnium animos adiunxerunt. itaque ægre illi diuellebantur à nostris: quin etiam easuit in digressu vis lacrimarum ac precum, ut nisi ante lucanis horis nostri discederent, cogerentur morari diutius.

DOMVS PROBATIONIS ET Pœnitentiariorum.

Accesserunt ad Societatem in hac domo varijs è nationibus quattuor & quinquaginta: atque in his multi doctrina, nobilitate, virtuteq. præstantes. Vincentius Ducis Terræ nouæ, eiusdem Mediolanensis Gubernatoris filius Societatis ineundæ consilio simul ac Romam attigit, vna cum Duce militum rerum peritissimo ac probatissimo, tribusque famulis ad D. Andreæ recta contendit. P. Generalis ne quid eius parentem offenderet, noluit hominem nisi ab eo potestate facta recipere. Dum responsum expectatur adolescens apud nos diuersans ex maris & itineris afflictatione periculosum in morbum incidit. Id ubi Farne-

sius

*ſus Cardinalis reſciuit pro ea, quæ illi cum eius parē-
 te neceſſitudine intercedit, & quo commodius cu-
 raretur in palatium ſuum abducere ſumma ope cona-
 tus eſt. peruicit tamen Vincētij conſtantia præſertim
 medicorum nixa conſilio ne loco moueretur. Cardi-
 nalis per ſtromatis conueſtiri cubiculum eoq. ſuum le-
 ctum deferri iuſſit, & peritos medicos ventitare. Ve-
 rum cum placita eſſet Deo anima illius raptus eſt ne
 malitia immutaret cor eius. itaque paucis diebus ela-
 tus in Profeſſorum domo tamquam Societatis noui-
 tius ſepulturæ mandatur. Dux autem eius Pater eo-
 dem fere tempore, & de conſilio & de obitu filij cer-
 tior factus, non modo domeſticum vulnus ſapienter
 moderateq. tulit, ſed plurimū etiam ſe Societati de-
 bere per litteras ſignificauit. Ille vero Dux militū de
 quo diximus Societati ſeſe adiunxit. E ſeruis vnus ad-
 buc Turca cum ſimul cum domino ægrotaret, nec in
 ipſo morbo chriſtianus vt fieret adduci poſſet; tandem
 fratrum noſtrorum qui illi aderant humanitate & ſci-
 licet ſuſis ad Deum precibus emollitus Chriſtiana ſa-
 cra ſuſcepit. Vir nobilis præcipuoq. muneri in Roma-
 na Curia præpoſitus, data à Pontifice Max. poteſtate
 ad Societatem noſtram ſe contulit:is præclara præbet
 ceteris documenta virtutis: homo delicate enutritus
 ſingulares commoditates fugit, & Sacerdos ac bene do-
 ctus cum ſit demiffione ceteros vincit: obſoletis indu-
 tus veſtibus ſtipem corrogat: idq. in celeberrima non
 numquam trapezitarum via vbi notiſſimus erat non
 ſine ſuorum lacrimis ac rubore. denique nihil eſt in
 nouitiorum vita tam humile; nullum tam leue munus,
 quod*

quod studiose & cumulate non expleat. Multi sunt
huiusmodi, qui repudiatis vitæ cōmodis nudi ad vexil-
lū Christi. Crucis aduolant; sed quia non est satis fun-
damēta iecisse, nisi inchoato operi fastigium imponas,
optandum à Deo est, vt cuius nutu ædificare cōperūt,
eiusdem ope consument. Et Societatis meditationibus,
magnus & à nostris & ab externis perceptus est fru-
ctus; ex quibus vnus cum mirifice affectus esset, affir-
mauit fore vt Lutherus ipse, si illis commentationibus
vteretur ad sanitatem rediret. Andreas Batorius cū
à Rege Poloniae patruo ad Summū Pont. legaretur,
antequam Pontificem ipsum adiret, ne Cardinalium
& præsulum salutationes anteuerterent, huc se con-
tulit: vbi quæ est eius ad pietatem propēsiō vita illa ti-
ronum admodum delectatus; etiam sortitioni sanctoriū
quæ cuiusque mensis primordio fieri solet interesse vo-
luit, citariq. de more, vt quem fors tulisset Beatum,
eū ipse colendum susciperet. Hæc domi. Illa foris. Fe-
rentillum oppidum est non longe ab vrbe distans, huc
Sacerdos cum comite missus magnam è suis laboribus
utilitatē cepit. In agro Ferentillo duo sunt oppida, tam
inter se coniuncta situ, quā disiuncta animis incolarū.
Veteres enim inter eos intercessere discordiæ. Vtrumq.
oppidum solo amne discernitur. accidit per id tempus
vt auctus imbribus annis fluctibus oppositas moles
euerteret ac disiceret. Conuersa vis est aquæ ad alte-
rum oppidum tāto cum frugum agrorumq. periculo,
vt ea prohiberi ab incolis nullo modo posset. Pater qui
in aduerso morabatur oppido ad ferendam fratribus
opem populum cohortatus, cum dicendi finem fecisset

ad

ad coercendam vim fluminis sequi se iussit. Hæc res tantum valuit ad exemplū, ut quamquam gens illa ut diximus ab altero oppido veteri odio dissideret; depositis tamen inimicijs sublatiſq. in humeros lignorum fascibus ad auxilium pene tota concurrerit. Itaque factis ex materia quæ comportabatur aggeribus cohibita vis est fluminis in præſetia, ne suo alueo excederet.

E Collegio Pænitentiariorum quicquid ad proximos utilitatis manat, id totum munus est confessionū. Hæretici tres à corrupta & deprauata ad integram & sinceram religionem traducti sunt. Cænobitæ quinque, cum à suis familijs abiecto suauissimo Christi iugo turpiter defecissent, ad eas iterum noſtrorum hortatibus redierunt. Duo autem non infimæ conditionis homines cum per dæmonis fraudem induxiſſent in animum alter laqueo, alter fluctibus interire; fraude à noſtris patefacta ad meliorem mētem reuocati sunt.

COLLEGIVM GERMANICVM

& Seminarium Romanum.

E Germanorum Collegio tres Romæ ad Societatem aggregati sunt, ijque Theologi omnes. In patriam rediere duodecim; in his Sacerdotes quinque, de quibus omnibus ut item de alijs aliàs dimiſſis optimi nuntij perferuntur ad nos. Summi Pont. in hos Alumnos studium tamquam parentis in filios, & cum eos omnibus fouet officijs, tum die illo qui B. Apollinari sacer est, quoniam Collegij patronus est, in eius templum venit ut sacris adesset. inde migravit in ædes, ubi repen-

te sese illi obtulit *Alumnorum* corona, qui lintheati omnes ut è templo prodierant Pontificis morabantur ingressum. substituit ad id spectaculū Pontifex una cum Cardinalibus, ex eoque mirificam visus est cepisse animo voluptatem; letariq. se vehementer significavit, si *Alumnorum* numerus augetetur. Quoniam vero & summo Pont. & Cardinalibus qui Collegio præsunt visum est, ut nemo in illud admittatur, quin aut inter nobiles numeretur aut insignem aliquam ingenij indolem præferat; data est à nostris opera ut huius generis adolescentes potissimum conuocentur. ij iam numerantur ad quadraginta alijque expectabantur in dies. Et quanquam nobilitate à ceteris distinguuntur; omnes tamē eodem cultu corporis, eodemq. victu mirifice gaudent. Nec vero studijs pietatis ceteris cedūt *Alumni*, sed plerumq. palmam ipsi præripiunt: tamen si laus hæc non tam horum propria est quam vniuersorum. Quo tempore *Coloniensis* ille motus exitiit; & res Catholica laborare vehementius videbatur, nūquam desitum est frequentandis pijs in urbe locis, subeundisq. sua sponte pœnis felices à Deo rerum exitus comprecari. ad eam rem indicta est de more supplicatio in horas quadraginta distincta. cui non modo frequentes interfuerūt *Alumni*, sed ad eam quoque ciuitas pene tota conuenit. Sed *Alumnorum* is erat ardor, ut eorum aliqui certis temporum spatijs non contenti, quæ cuique ad orandum finiebantur, longiora etiam spatia requirerent; alij vero nudis genibus nudā prementes humum; non nulli asperis induti cilicijs in precatione persisterent.

E Seminario præter eos, qui ad alias familias transierunt ad nostrâ adiuncti sunt quinque. Itemq. alius qui Societatem habebat in votis reuocatus à suis, cum ex contracto in itinere morbo diuertisset ad nostros; apud eos etiâ magna sua cum voluptate tum pietatis significatione decessit.

SEMINARIUM ANGLICANVM

E Seminario Anglicano Sacerdotes septē pari pietate ac doctrina præditi in patriam remigrarunt. Pro his septem duos & viginti misit Remense Collegium, præclaræ indolis adolescentes. In his quemdam, qui Martyres in Londinensi turri, in qua Campianus noster socij. fuisse dicuntur, custodire solitus est; quorum meritis ac suffragijs nemo dubitare potest, quin ex hæresum tenebris in quibus ante iacuerat, in lucē veritatis emergerit: cōstat enim in eos officiosum fuisse cum muneri illi præesset, & cum duceretur ad mortem, præstans quoddam potionis genus, paratū à Catholicis, detulisse; nec destituisse eos, cum cōmodum esset, re atque oratione solari: ut mirum videri non debeat, si is tandem lucem veritatis aspexit, in quem grati esse voluerunt, qui pro veritate ipsa sanguinem profuderunt. Qui vero ad suas sedes remearunt, ita se gerunt, facile ut appareat vel ipsis tacentibus, quæ ex disciplina prodierint. Sacerdos quidam ut vitæ sanctimonia sanctitati muneris responderet, præter assiduas preces atque vigilias, tam asperū viuendi genus instituit, ut ipsis hæreticis admirationi esset. Cuiusmodi

bi len-

bi lentis ignibus adurebat, & cum nocturnæ quieti se daret, cratem quandam excogitavit è funibus multiplici nodo contextam, qua lectum suum cubicularē sterneret, ut inter cubandum totum corpus inæqualis illa nodorum asperitas cruciaret.

In hunc ipsum annum Gulielmi Harti præclara mors incidit, huius Alumni collegij, & volo tanquam vnius e nostris. Is est vnus è duodeviginti, qui vitam in Angliâ pro Catholica religione profuderunt. quæ de re quanquam superioribus annis liber est editus; nos tamen de Harto aliqua etiâ præcipua, quæ nondû mandata sunt litteris, complectemur. Hic cum inter suos ciues magno cum animarum lucro annû iam integrum versaretur eiusq. fama tum propter eius concionandi vim, tum propter eximias virtutes in dies magis inter hæreticos percrebesceret, non defuit desertor aliquis religionis & Catholicis inimicus, qui ei moliretur interitum. Eboracum venit, vbi tum commorabatur Hartus, postulatisq. a Præfecto vrbis ad conquirendum hominem satellitibus, noctu venit ad ædes fores effringit, ædes irrumpit, dormientem, quem quærebat, offendit. ad hos strepitus excitatus Hartus rogatusq. de nomine, nomen indicat. Hic confestim littorum turba in eum manus iniicit. Ille vero sacerdotij sanctitate fretus Presbyterum se dicit esse, proinde videant etiam atque etiam in quem impetum faciant, si mulq. paulisper faceessant rogat, dum vestibibus induatur. Inde ad Præfectum vrbis, qui eum ad multam noctem expectabat, adducitur. Rationibus primum atq. argumentis res agitur, quæ cum Hartus perite scien-

terq. dissolueret, vicissimq. ea obijceret quæ refelli à Præfecto nullo modo possent. aduocantur auxilia ministrorum, qui simili inscitia cum argumentationum nodos expedire non possent, ad conuitia & maledicta confugiunt. Tum ad carcerem trahitur, vbi compedibus cathenisq. constrictus multisq. alijs acceptus incommodis, dies ipsos quattuordecim transigit. Sed Decani iussu eductus è carcere per plateas vicosq. traducitur cathenis oneratus, quæ frequenti attritu non sine ingenti dolore tibias excarnificarūt. Vt hominem Decanus aspexit compedibus exui iubet, blandaq. oratione ad suam sententiam conatur abducere. Hartus autem argumentorum pondere ita Decanum premere, vt suæ aduersarios iam taderet inscitia. mutatur subinde, qui dimicationis impetum sustinere queant alij alijs habetiores. Ergo reducitur in custodiam reus, vt qui argumentationum laqueis irretiri non potuit, vinculis & compedibus constringatur. Cineraryia cum aduenissent quo tempore ad comitia Iudices coeūt, producit Hartus, ac de maiestate duobus nominibus peroratur. Primum quod in regnum nescio quas à Pontifice litteras intulisset: Deinde quod sacrificium Missæ fecisset, quod confessiones excepisset, quod multos Ecclesiæ Romanæ reconciliare studuisset, & ad deflectionem animos sollicitasset. Rogatus à Iudice quid ad hæc responderet, Quod ad litteras, inquit, attinet nullas alias ab vrbe curavi nisi quæ fidem facerent sacerdotij mei. Itaque caput hoc nihil mihi iure potest obesse. Quod ad maiestatem pertinet si seruire Deo idest crimen Maiestatis, non diffitetor me in eius sacramentis admi-

administrandis procurandisq. diuinis, sacerdotis munere functum; sin autem in id crimen incidi quasi ab Regina imperio disiungere ciuium animos sim conatus, id mihi falso obijcitur, nec tale quicquam in Reginam vnquam meditatus sum. Hic disputationem Iudex orditur sed cum per doctrinam progredi disputando non posset, suam excusans inscitiam quod iuri non Theologiæ operam dedisset, iniquissimam pronuntians de tribunali sententiam, Quoniam Hartus Maiestatis crimen incurrerit, videri eum ea pœna dignum, quæ tali crimini proposita sit; vt reus primum patrio more suspendatur ad alienationem vsq. sensuum, deinde spiranti adhuc, intestinis exectis in ignemq. proiectis caput a ceruicibus abscindatur, ac demum reliquus truncus disseccetur in partes; quarum vnaquæq. feruenti aqua elixa portis oppidi præfigatur. Hanc sententiam magnū populi murmur excepit, & quia multi suspicabantur, Hartum clandestina morte multatū iri, eum ad carcerem prosequuntur. Cum admoneretur de morte reus, æquo libentiq. animo se mori dixit postulans illud vnum, vt antequam suspenderetur, populum sibi fieret alloquendi potestas. Postero die, quæ dies erat neci dictus ad supplicij locum raptatus, antequam patibulum iuberetur ascendere, graui cauetur edicto ne quis propius ad carnificinam quadraginta pedes accedat. Scandit ille patibulum alacer ex eoq. gratissimam populo disputationem exorsus de miseria hominis, deq. eius creationis causa, interpellatus est à ministris frequenter, nec facta perorandi potestas. Insus ab hæreticis supremo illo vita tempore vna cum

ipsis orare. Nequiquam, inquit, nec enim ex eadem sumus ecclesia. Tum iniecto laqueo carnifex suspensum deturbat è gradibus: cumq. de more accurrerent qui præciso repente laqueo viscera spirantis extraherët; confestim illuc neglecto edicto populus vniuersus irrumpit, ac ne id facerent vehementer obsistit. Vix dici potest quantus fuerit populi amor aduersus Hartum quanta eius virtutis opinio, vt etiam certatim vniuersi contenderent, si quis quid posset reliquiarum loco ex eius vel vestibus vel carnibus auferre: quorum aliqui vel ob hanc ipsam causam dedere pœnas. Duæ fœminæ, quod apud eas frustra quædam ex Harti carnibus reperta essent, in eundem illum carcerem in quo Hartus fuerat, detrusæ sunt. Nec defuerunt qui numerata pecunia carnifici imbutas sanguine vestes emerent. Atque hic exitus Harti fuit. Tertium fuit huius Collegij decus Georgius Gilbertus, qui in Societatem antequam moreretur acceptus, iure à nobis videtur exigere, vt de ipso quoq. pauca dicamus. Is simul ac Collegium attigit, ea pietatis documenta dedit, vt non tam missus videretur à Deo vt rude pectus disciplina virtutis excoleret, quam vt suo ad virtutem exemplo ceteros prouocaret. Nam ex quo tempore adolescens in hæreticorum sinu educatus cuiusdā nostri Patris opera ad Catholicos sese adiunxit, nihil habuit antiquius, quam vt se incorruptæ atq. integræ religionis fautorem exhiberet: itcirco in eo totus erat vt sacerdotes & qui religionis causa coniecti essent in carcerem suis opibus subleuaret. Domus eius dies noctesq. Catholicis patebat hospitibus. Et cum in Angliam

glia ex Romano Gallicone Collegijs aliqui reuertissent, ijs splendida vestimenta, ne in suspicionem venirent hæreticis comparabat; si hæc vnde quæreret non haberet, detractis sibi ipse vestibus Catholicos induebat. Sæpe famulari veste ementitoq. amictu, quo tutius Catholicorum res gereret, usus est: cum hospitum numerus augetur, ne quid cuique deesset, suo se cubili fraudabat. Bona, fortunæq. eius erant veluti commune quoddam Catholicorum patrimonium: vix annuos exegerat reditus, cum eos in eorū usus ac necessitates erogauerat. Hæc aliaq. complura cum cognouissent hæretici tam multas illi struxerunt insidias, ut sæpe in speluncarum tenebras sese abdere, sæpe habitu mendicantis incedere, ne posset agnosci, sæpe solū vertere cogeretur. Sed quoniam insequentium hæreticorum & animus & numerus in dies magis augebatur, cuiusdam nostri Patris hortatu suasuq. præsentī furori cedens ex Anglia Rhotomagum discessit, inde Remos ad Alanum, à quo deniq. missus in urbem cōuictoris nomine in hoc collegium receptus est. Hic ea in obsequendo fuit alacritas, ea custodia legum ac disciplinæ ut non tum primum parere didicisse, sed diu vixisse ad aliorum videretur arbitrium. Statis diebus tam acriter se cædebat, ut sanguinē euocaret, id quod indicat etiam nūc atra cruore flagella: sub nitido amictu vestes Cilicinas occultabat, & externo cultu fallēbat aspectum, qui sese intus setis rigidis atterebat. Non numerauerim in edias vigilias, & alia huiusmodi pœnarum genera, quæ ad coercendum corpus a sanctis viris excogitata sunt. De studio tantum depreca-

tionis breuiter dixerim: Cuius mens diuinis intēta colloquijs quattuor quinqueue horas ne abūsse quidem sentiebat, sepeq. ad multam noctem cum in suis lectulis cubarent alij, ipse coram augustissimo Christi corpore precibus excubabat. Duo d. Deo vehemēter optabat vt aut in societate IESV diē suū obiret, aut si id non pręstaret, certe in causa religionis. Consecutus est alterum; nam non ita multo ante quam migraret ē vita, Societatis factus est particeps. Ex hoc precandi studio congressuq. diuino nascebatur tum incredibilis quędam cupiditas obeundi martyrii, tum amor singularis in eos qui pro Catholica religione occubissent. iccirco Martyrum basilicas lustrare frequenter, eaque loca celebrare solitus est, in quibus tam preciosi sanguinis sunt impressa uestigia, ob eamque causam suis ipse sumptibus, quotquot iam inde d. prima Anglię conuersione ad hanc vsque etatem vitā pro religione dedissent, eorum imagines in Collegij templo pulcherrime depingendas exprimendasq. curauit. Sed hunc ardorem fundendi pro Christo sanguinis maxime vitę exitus declarauit. Nam cum d. Summo Pontifice ad eiusmodi munus legaretur, in quo maximā spes Martyrii ostendebatur, dum nimia sollicitudine ne laberetur occasio se parat ad iter, pridie quam discedendum ei esset peracuta febris corripitur, ex qua non ita multo post excessit ē vita. Hunc igitur ille casum adeo grauiter tulit, vt cum eo die, qui mortem antecessit amicos flentes spectarent, fletu eos & lacrimis prohiberet; quod diceret nullam ijs lacrimarum esse causam, quibus adhuc integrum es-

set vitam pro Christo ponere: sibi vero maximam, quæ in tam præclara bene moriendi occasione in suo lectulo moreretur. Nec continere se potuit quin moestis vocibus quereretur, & simulacrum Christi complexus, quo subinde conuertebat aspectum, illud Propheticum vsurparet, Quis dabit capiti meo aquam & oculis meis fontem lacrimarum. quibus ille querelis, mirum est, quantos motus in eorum qui aderant animis concitavit. Moriens efferri voluit ad D. Andreæ, & in Nouitiorum condi sepulchro, eiq. Domui aureos reliquit circiter octingentos. & si hanc pecuniam visum est postea P. Generali in Anglos inopes ad arbitrium Alani distribui. De Urbanis Collegijs hætenus. nunc ad externa pergamus.

TYBURTINVM ET SENENSE Collegium.

Q Vanquam Collegiū hoc in summis iam diu rei familiaris versabatur angustiis: hoc anno tamē quæ est admirabilis Dei in suos famulos providentia Summus Pont. vere parens vniuersæ Societatis prioratum S. Sabæ Tyburtinæ diœcesis attribuit, unde annum vectigal capitur aureorum circiter quingentorum. In hanc ciuitatem cum alia constant nostrorum officia, tum illa præcipua; quod cum multi ex infima turba summa inopia premerentur, Quidam è nostris certam pecuniæ summam cogendam curauit, eaque in panes pauperum erogata est: quibus cælestis doctrinæ cibus adiectus magnam horum hominum multitudinem

dinem à præfenti non modo corporis ; verum etiam
 animi periculo liberauit. Postquam omnium necessi-
 tati consultum est ; multæ tamen & panis & pecunia-
 rum reliquæ supersuerunt. ut non ex aliò fonte subsi-
 dia illa profecta viderentur, quam ex eo ipso, qui quon-
 dam multitudinem in solitudine paucis piscibus pani-
 busque satiauit. Senense Collegium vberem hoc an-
 no fructum cum ex alijs Societatis muneribus , tum
 maxime ex erudienda iuuentute collegit. declarant le-
 tissimi quique. è nobilitate discipuli, tum vero frequen-
 tia tanta , ut cum tam multos capere Gymnasii angus-
 tiæ non possent ; viri nobiles duas nobis exhedras am-
 plas & elegantes suo ære construxerint. Duo non par-
 uæ spei & expectationis adolescentes , non vulgari
 quadam officij laude contenti ad perfectam in Socie-
 tate virtutem animum adiecerunt . Sed cum in omne
 hominum genus suæ pietatis officia Societas nostra cõ-
 tulit ; tum in eos qui capitali sententia damnati duce-
 bantur ad mortem. In his vnus cum de quadam animi
 obstinatione nihil remitteret , ne hortatu quidem Sa-
 cerdotis nostri, qui ad eum postremus venerat ut vlti-
 mum desperatæ vitæ perfugium ; Pater commutata
 medicamenti ratione, lenitatem illam suam qua primo
 hominem aggressus erat, in speciem quamdam summæ
 seueritatis conuertit . Obiurgare eum vèbementer in-
 sistit, hortariq. qui aderant, ut eo neglecto discederent.
 Quod si sua sponte animum præcipitaret in tartara,
 fore, ut eius post mortem corpus in sterquiliniũ & fe-
 ces abijceretur. Hoc ille nouo orationis genere permo-
 tus illico manus dedit, & quanto antea fuerat obstina-
 ior

tior tanto postea exitit in genere ipso conuersionis illustrior.

COLLEGIVM FLORENTINVM

IN Florentino templo auctus est numerus confitentium, in ijsq. non nulli nobiles ac primarij viri. Senis cuiusdam est excepta Confessio, qui iam septuagenarius, nunquam ad Sacerdotis pedes acciderat, Nā de alijs multis quos viginti ipsos annos suis astrictos sceleribus malus demon tenebat, nihil attinet dicere. Flagitia è ciuitate multa sublata sunt. Quidam autē, cum ex ipsa coniuge cognouisset, quos sibi pepererat filios, ex adultero peperisse, ignarus quid consilij caperet, nostros consulit: nostri hominem ubi placarunt solatiq. sunt, auctores fuerunt, vt non solum coniugi condonaret iniuriam, alienamq. prolem duceret tamquā suam, cum hoc sine cuiusquam iniuria fieri videretur; sed etiam vt vxorem ipsam & ad dolorem adduceret admissi dedecoris, & ad reliquā vitam caste integreque in cœnobio mulierum traducendam. Multæ feminae, quarum pudicitia periclitabatur opera hortatuq. nostrorum ad cœnobiorum claustra perfugerunt. Sed præclaris actionibus pares sæpe difficultates aduersantur: Itaque dum Pater è nostris feminam, quam Eques quidam perditæ deperibat ad meliorē frugem renocat, Eques ipse prædam sibi dolens ereptam, Patrem statuit nocturno pugione confodere: vt cum domum suam noctu, tamquam ad ægri confessionem excipiendam accersisset, tum demum cogitata perficeret.

Scd

Sed cum forte concionantem è Societate quendam au-
 disset, repente commutatus animo, ad Collegium aduo-
 lat; rem totam patri ipsi cui necem meditabatur expo-
 nit, suppliciq. veniam petit. Quod ad templum attinet
 recens ædificatum, illud admiratione non vacat. Offi-
 cinam Faber habebat cum nostris ædibus continentem
 ea ad reliquam exædificationem maxime opus erat.
 Sed ille vendebat inuitus, ac ne inuitus quidem, nisi ad
 conditiones descenderes iniquissimas. Nummos popo-
 scit aureos mille, aut agri iugera quæ tanti essent. ea
 non sine magna rei nostræ iactura à reliqua possessio-
 ne distrahebantur. Augebat iniquitatem, quod in æsti-
 matione soli suo stare volebat arbitrio, & qui suam
 nobis officinam maioris duplo vendebat, agrum ille no-
 strum triplo minoris emebat. Ac rem ille quidem pro
 voluntate transegit, sed non ita multo post grauiissimo
 morbo corripitur, atque eo morbo, qui & corpus ex-
 deret vniuersum, & ne leuari medicina posset, artem
 fugeret medicorum. Causam suspicatus pertinaciæ cul-
 pam, in quo se ipse flectere debuit, in eo maxime ani-
 mum obfirmavit. Ira incensus testamento cavit, ne no-
 bis officina alijs conditionibus præter eas, quas ipse tu-
 lerat, venderetur. In hac tam pertinaci obstinataque
 mente cum mortem iam metueret impendentem, cre-
 brisq. à Deo admonitionibus terretur; tandem mu-
 tato consilio nostros aduocat, usq. ædes, quibus ante
 poposcerant conditionibus, nulla facta agri mentione
 concedit. Vix ad sanitatem redierat mentis cum sani-
 tati restitutus est corporis. Qui autem ad vendendas
 ædes huius flexit ingenium; is ad suppeditandum gra-
 tis

eis argentum, unde ædium domino solueretur, ceteros incitauit. itaque statim templum non sine diuino consilio nutuq. exedificari cœptum est.

COLLEGIVM PERVSINVM.

Multa huius Ciuitatis in Societatem extant officia. Atque vt genus tantum attingā. Patres duo ante quam publicis se religionis votis obstringerent, dum pendentibus manticis stipem rogitant ostiant, rati ciues, eos ad quærenda vitæ subsidia stimulante necessitate compulsos; tantum panis nummorūque temporis pene momento contulerunt, vt sepe onerari, exonerariq. manticas oporteret. Qui vero suis domibus absuerunt, re postea cognita, suam quoque stipem ad Collegium submiserunt. nec prius benignitati factus est modus, quam vt certiores de Societatis instituto facti sunt. Sed dum ciuibus de nostrorum corporum salute, nobis de illorū & animis & corporibus curæ fuit. Et vt leuiora mittamus, insigne Sacerdotis nostri facinus non præteribo, Cauponi cum mors esset illata, & in quæstionem famulus datus, ad motis tormentis, annuit à se commissum esse facinus, sociosq. habuisse rusticos duos. postulati in quæstionem rustici, vi cruciatuum pari imbecillitate vincuntur. Sententia capitali damnatos mors sequebatur: sed vt iniectos innocentium iugulis laqueos falsus index aspexit, intimis religionum stimulis agitatus, erratum suum Patri detegit. cuius consilio vt religione animum solueret, coram ijs, qui præsentibus aderant, rusticorum prodidit

inno-

innocentiam. Nec tamen Iudex sententiam, quam tolerat, reuocabat. ducebantur nihilominus infantes ad mortem, nec procul aberant à suspendio, cum commonefactus à Patre iudex de re tota cœpit animo vehementer addubitare; reuocatisq. ex itinere reis, iubet iterum constitui de cæde quæstionem. Cognita quam diligentissime causa cum iure damnati viderentur, iterum trudentur ad mortem. Sed diuino consilio fusis repente imbribus, iterum dies necis extrahitur. interim proditur cædis auctor & rusticorum innocentia patefit. Ita tres homines simplices non sine peculiari diuinæ providentiæ beneficio, quæ numquam deserit sperantes in se, præsentissimo periculo liberantur. & si illi quidem æquisimo animo se mori dicebant, quia quamuis homicidij culpa vacarent; tamen quoniam multa peccassent in vita, quotidieq. apud Deum offenderent, merito plecterentur. Hoc nostrorū factum mirifice vniuersa ciuitas extulit: Quin ipse Quæstor nostris hominibus gratias egit, quod per eos vitam innocentibus reddidisset, iussitq. consolationem aliquam adhiberi tormentis & carcere fatigatis; & vero ipso metu mortis exanimatis. Beneficium Dei Matris hoc fuit, vt homines iam collum in laqueum inferentes incolumes seruariantur. quare paucis post diebus è tormentorum laboribus recreati ad Lauretanam adem, vt pro incolumitate sua vota persoluerent, suspensa de collo restæ, nudis pedibus incesserunt. Atque bis quidem vita corporis restituta, alijs etiam animi. Mulier erat infamis, quam etsi regius morbus vrgebat; tamē ciues ad se nobiles forma & lepore pellexerat: ita

Una muliercula pestis erat otiosæ ac lubricæ iuuentutis, tum propter iacturam rei familiaris, tum propter morbi contagionem, quæ non modo ad honestas adulterorum coniuges, sed etiam ad teneros liberos permabat. quin etiam inter ipsos quoque riuales eæ sunt exortæ discordiæ, ut quotidie spectare viderentur ad eadem. Dei miseratione factum est ut nostris adiutoribus & sacerdote quodam externo non sine omnium admiratione è turpitudine sua mulier emergeret, & una extincta face plura restingerentur incædia. Hæc in hoc Collegio præcipua. Octo autem ad Societatem adiuncti sunt.

L A V R E T A N V M E T

reliqua Collegia.

E*st hoc Sanctissimæ Dei Matris beneficio Lauretanæ ædi præcipuum, ut qui huc religionis causâ confluxerint, quorum ex omni terrarum ora infinitus est numerus, eorû fere nemo ante discedat, quam magno quodam animi sensu confessione maculas abluat. Sic ingens meritorum campus nostris Sacerdotibus aperitur, dum in excipiendis confessionibus matutina tempora cum vespertinis, diurna cum nocturnis sæpe coniungunt. Quadringenti circiter auditi sunt, qui iam inde à primis annis peccata repeterent. Nam qui animum triginta & quadraginta annorum sordibus obsoletum confessione lustrarint, eorum nullus certus est numerus. Vir nobilis, domi suæ princeps, qui alieno animo erat à nobis cum Dei Matrem salutatum venisset, multisq. nostrorum exceptus esset officijs, ita Societati conciliatus est vniuersæ, ut cum do-*

num

inum redisset, ab eius loci Prouinciali duos postularit è nostris, quos cum impetrasset, in omnem suæ ditionis oram concionandi docendique causa dimisit.

E Maceratensi Collegio Pisaurū missi sunt duo Urbini ducis rogatu, qui ita se Duci ipsi nobilitatiq. probarūt, vt in digressu magnū apud eos Societatis desiderium reliquerint. Tradita sunt meditationes nostræ Religioso cuidā viro sui Moderatori canobij, qui postea in sermone significans, quanta in ijs meditationibus vis inesset, Quam mihi, inquit, mei dissimilis videor, ex quo vestris meditationibus vti cæpi? In Recinetensi Collegio Episcopi rogatu schola instituta est eorū qui conscientie casibus operam dant.

M I S S I O C O N S T A N -

tinopolitana.

PEræ quæ cum Constantinopoli pene continens est (solo enim maritimo portu seiungitur) septemdecim fere Christianorum familiæ versantur, præter magnum numerum captiuorum. Hi cum de nostrorum cognouissent industria fructuq.; ne inter Christi hostes animorum salus periclitaretur, datis ad summum Pont. litteris, aliquos postularūt è nostris. Ad eorum domicilium coenobium quoddam a coenobitis iam ante desertum vna cum templo B. Benedicto sacrum, certamq. pecuniæ summam in annuos redditus obtulerūt, summumq. Pont. obsecrarunt, vt nisi id esset satis, reliqua ipse suppleret. Hæ litteræ quo plus haberent ponderis Gallie legatus ad eum, qui eiusdem Legatus est Regis ad Pontificem Max. Romam scripsit, causamque nostram seu potius illorum Christianorum studio-

diſſiſſime commendauit. Pontifex pro paterna cura ac vigilantia non modo rem vehementer approbauit, verum etiam noſtris abeuntibus ad eum, quem dixi legatum litteras dedit; quarum ille vi atque auctoritate id quod nominaui coenobium ad nos tranſtulit. Quinque eo ſunt miſſi de noſtris, qui Peram cum attingeſſent, & ſi morbo implicatum Gallie legatum offenderant, à Venetorum tamen legato perhumaniter ſunt excepti. Hic omnium maxime auctor fuiſſe dicitur noſtrorū aduentus, induxiſſeque tum Chriſtianos illos ad eas quas dixi litteras conſcribendas, tum Gallie legatum ut huic ipſi rei adiutorem ſe fautoremque præberet. Sed alterius legati beneficentia cum alterius humanitate certauit. Venetus inſtrumentum ferre omne domesticum apparauit, commeatum perpetuo miſit, agris medico medicamentiſque ſubuenit. Templū multa variaque veſte ditauit. Gallie legatus cum multa huiusmodi largitus eſt munera, tum ornatus quoſdā Sacerdotis è veſtis genere pretioſo, quā à Rege Turcarū muneris loco cum in Galliam reuerteretur, accepit.

Per æſtatem ſeu peſtilentia laboratum eſt, & quanquam illa quidem late ſerpebat, & ædes prope noſtras inuaſerat: tamen ſingulari diuinæ providentiæ munere, liberi ab ea noſtri fuerunt. Sed non ſemel diuina bonitas ſuos famulos à periculis vindicauit. Iam Noſtris parabantur inſidiæ tanquam exploratoribus Romani Pōtificis, cum eos venetorū legatus admonuit, ut diuinis ſe ſe præſidijs armarent, cuius conſilium noſtri non negligendum rati ardenti ſtudio ſe contulerunt ad preces. Dedit Deus felicem exitū rei.

nam

nam idem postea legatus cum ad nos venisset gratias sunt, inquit, vobis agenda Deo, qui certum à vestris capitibus exitiū repulit. Ille ipse qui Regi primus est à consilijs, quiq; vniuersas res administrat sua voce defendit, testatusq; est vestram innocentiam sibi esse perspectam. Nostros autem Turca ille tum nouerat, cum ad eum à Galliæ legato deducti eius patrociniq; commendati sunt, quod fidem legatus faceret, nostros esse homines religiosos simplicesq; quorum munus esset aliorum commodis salutiq; seruire, eosque iuuentutem nulla mercede bonis artibus bonisque moribus instituere. quam rem ille admiratus, Viros bonos necesse est, inquit, esse qui aurum nummosque repudient. Atque ita eorum se patronum fore recepit.

Præcipuus fructus è captiuis seruīsque colligitur, quorum vt dixi magna est multitudo. Sed Italorum pars maxima: ij duceni triceniq; varijs in ergastulis retinentur. Quibus vt opis aliquid afferatur quoniam ad opus prima luce discedunt, pernoctandum cum ipsis est. In ijs multos reperias, qui diu sacramentorum munere careant. Non nulli tamen quibus est aliquid æris custodem suum eo sibi conciliant vt exire liceāt aliquantisper ad templum, vbi & sacramentis animos expiāt & de more sacris intersunt. Perq; Christianorum templa libera sunt, Campanas tamen Turcæ non ferunt. ceterum diuina peraguntur officia æque libere vt in Italia. E Christianis multi, præsertim mulieres cum Italice nesciant aliquem requirunt è nostris, qui Græce norit. ita magna speratur vtilitas. Hæc de Romana Prouincia. nunc de ea, quæ proxima est Neapolitana dicamus.

P R O .

PROVINCIA

NEAPOLITANA.



Continet Neapolitana Prouincia locis
septē socios ducētos ac triginta quat-
tuor. In Domo Professa Neapolitana
duodequingenta. In Collegio quin-
que & octoginta. In Nolano duos &
quadraginta. In Catacensi nouemde-
cim. In Aletino vnum & viginti. In Cirinolano quin-
que. In Bariensi quattuordecim. Societate recepti sunt
fere quindecim. quattuor autem in domino quicuerūt.

DOMVS PROFESSA ET Collegium Neapolitanum,

DOmus hæc quamquam non habet illa quidē mul-
ta præcipua, quæ memoriæ mandari possint; ta-
men vt in ea vrbe est, quæ ciuium multitudine nullis
Vrbibus est inferior; ita ipsa siue vbertate frugum
siue bene merendi facultate ceteris domibus nihil ce-
dit. Expiantium peccata tantus fuit hoc anno concur-
sus, vt qui vniuersæ vitæ maculas confessione elue-
rint, cētum amplius numerati sint. Institutum est præ-
terea principum ciuium sodalitiū, quorum munus
est frequenter tum valetudinaria publica interuifere
tum salutaria Ecclesiæ sacramenta percipere; quoti-
dieq. sub vesperam tradita sibi d nostris meditationis
cuiusdam capita, cui postridie vacent, accurate susci-
piunt:

piunt: vt plane sperandum sit, si his principijs reliqua consentiāt fore vt instituti operis fructus constet. Mis-
sus est in vicinum oppidum Sacerdos vnus, a quo cum
alia in hominum salutem gesta sunt, tum centum am-
plius controuersia sedatæ. In his Filius qui parentem
contumeliose pulsarat, nudato capite, sine pallio, re-
uinctis a tergo manibus, obligatisq. fune ceruicibus,
tanta vi lacrimarum tāta doloris significatione ad pa-
rentis genua prostratus veniam sceleris postulauit, vt
in eundem prope fletum Episcopum, & eos qui circū-
stabant adduxerit.

Huius collegij socij tum ceteris Societatis instructi
præsidjs, tum spiritalibus exercitijs mirum est quan-
to fuerint proximis adiumento. Nobiles aliquot gras-
satores, quorum aliqui quindecim ipsos annos ferarū
more per occultas sylvarum latebras vagabantur, &
subinde prodeuntes è latebris, vt inimicorum sangui-
nem haurirent, familijs vniuersis exitium afferebant;
tandem fide publica accepta in nostrum Collegium se
receperunt: ibi nostris meditationibus exercitati reco-
gitarunt Deo omnes annos suos in amaritudine ani-
mæ suæ, vt quæ flagitia voluntaria confessione patefe-
cissent, ea benignus Deus obliuione sempiterna obrue-
ret. A prima luce ad tenebras partim in aliqua diui-
narum rerum meditatione partim pijs cum fratribus,
patribusq. colloquijs perseuerabant, spectaculū Deo,
& angelis sane gratum, quod tum diuitias bonitatis
Dei, tum Societatis nostræ curam in proximorū quæ-
renda salute perfecte representabat: in ijs enim vnus
propter effrenatam audaciam, & immania facinorum
mo-

monstra toto hoc regno celeberrimus cētum amplius
 cædes suis ipse manibus perpetrarat. Sunt & manci-
 pia seruique ad Fidem eruditi nonnunquam. in his
 Turca, qui ob eam causam aiebat se à Mahometica
 superstitione ad Christiana sacra conuersum; quod cū
 sibi grauitè ægrotanti Christianus homo, cui vix de
 facie notus erat, quæ necessaria essent ad victum sup-
 peditasset; venit in mentem Christianorum legem, quæ
 in quemlibet officia charitatis imperat, ceteris legi-
 bus oportere præstare. E sodalitate Deiparæ, Virgi-
 nis, quæ è natu grandioribus constat, non minores in-
 terdum fructus tulimus, quam ex ipsa nostra Societa-
 te. A multis carcer inuisitur, nec solum vinctis cor-
 poribus, sed etiam animis subuenitur. Tam multi ad
 exsoluenda peccatorum vincla pijs sodalium collocu-
 tionibus excitati sunt, vt cum per sacerdotum penu-
 riam tot audiri non possent, Archiepiscopi iussu singu-
 læ religiosorum familiæ Sacerdotum auxilia supple-
 rint. Ne illud quidem ad declarandos huius sodalitij
 progressus prætereundum est. Vnus e sodalibus Sacer-
 dos cum accepisset, fratrem ab inimicis occisum esse,
 nullo perturbati animi motu prodito, postridie sacrifi-
 cavit; nec modo fraternam cædem sibi ipse non vlcis-
 cendam, sed parentes etiam ab ea cogitatione reuo-
 candos existimauit: à quibus cum per litteras veniam
 inimicis impetrare non posset, eo consilio discessit in
 patriam, vt eorum animos sua præsentia delinitos ab
 vlciscendi studio retraheret. Vnus & viginti varia
 sunt Religiosorum instituta complexi; quorum præcla-
 rus euentus facit, vt huius sodalitatis fructibus faci-

les ad Religionem quamlibet aditus pateant . In Minore sodalities pari cursu contenditur ad virtutem . ac præter alios , qui in alios Religiosorum ordines transierunt , in nostrum ingressi sunt octo . In his adolescens illustri loco natus , præclaris naturæ donis instructus : cui quidem magno stetit societas . nam cum eius de societate consilium rescisset Pater , furore percitus & pugnis eum verberibusque contundens ; Moriere flagris , inquit , priusquam abeas . At ille . Non mihi erit India aut Anglia martyrii causa peragrandæ , si paternis manibus interficiar . cum animaduerneret patrens nihil se asperitate proficere , ad lacrimas , blanditijsq. deflexit . ne hæc quidem firmum animum abducere ab instituto possunt . reditur ad acerbicatem , reditur ad minas . domestica eum custodia Pater includit , ut tanquam noxium aliquem , vinctum proprium in oppidum , quod tridui abest , amandet . Sentit hoc perspicax adolescens , & fugam attente meditans non sine vitæ discrimine edito de loco confestim desiluit ; inde ad Collegium nullo pallio , nullo in publicum prodeuntis ornatu insequentibus à tergo famulis transuolat : Ita primis prælijs victoria domestica terminatis , alia grauiora coepit inire certamina , ut , quod est omnium difficillimum victoriæ genus , gloriosum etiam agat de se ipse triumphum . Nec minus strenue fortiterq. se gessit alius adolescens ex hac eadem virtutis schola profectus , qui postquam Patri se in societatem nostram receptum esse significauit , nolletq. patrijs bonis , quæ sibi hæreditario iure veniebant , inconsultis patribus cedere , verberibus male acceptus ad Collegium

gium brachio semifracto confugit. tum accersito tabellione, Provincialis permissu atque etiam iussu nuntii paternis bonis patriq. ipsi remisit: tanto melior hæres futurus si in sententia permanserit, quanto sunt filij Dei filijs hominum meliores. Ad hæc duo sodalitia accedit tertia quedam sodalitas ex opificibus ferme quingentis, qui ad explanationem Christianæ doctrinæ festo quoq. die conueniunt: tanta sunt autem aviditate discendi, ut extra urbem euocati complures ad suum quisque opificium; tamen ne qua fiat salutis iactura spem maioris quæstus abijciant. Ex hoc opificum cætu quindecim coenobitæ facti sunt; suoq. exemplo ceteris non mediocriter prosunt. Adolescens dum inimico cædem molitur, cum huc se forte contulisset, mutata repente sententia pietati se dedit, ac prostre mo perfectioris studio virtutis in coenobium se se inclusit, ut cum animam suam odisse didicerit, proximorum odia inimicitiasq. dediscat.

COLLEGIVM NOLANVM]

& Cyrinolanum.

EX ijs qui ad Societatem nostram diuino afflati Spiritu vocati sunt, admirabilis fuit nobilis cuiusdam adolescentis vocatio. Qui quamquam voto senestræ Religionis obstrinxerat; prauis tamen familiaritatibus (ut est illa ætas improvida ac maxime lubrica) de virtutis curriculo declinavit. Sed quæ Dei est in eos quos ad veram vitam destinat, providentia, remanebant adhuc in adolescente quasi quidam pieta-

is igniculi, & malefactorum conscientiae animum stimulabant, ut toto ferme biennio numquam liceret quieta mente persistere. quare in animum induxit Rectorem adire, ab eoque vehementer contendere, ut Societate reciperetur. qua tandem impetrata omnis tumultus animi conquieuit. E Societatis Meditationibus idem perceptus est fructus, qui ubique solet. Prouectus ætate Parochus earum beneficio eam sui ipsius cognitionem adeptus est, ut manantibus lacrimis affirmarit se ad eum diem, totum & Sacerdotis, & Christiani hominis munus ignorasse. Obijt in Cyro nolano Collegio Hieronymus Sorianus eximia probitate Sacerdos. Hunc ad Societatem nostram exemplum Ioannis Maldonati, quem hoc eodem anno Romæ obijisse diximus, excitauit. nam cum in Hispanijs & vitæ consuetudine, & studiorum similitudine iam inde ab adolescentia coniunctissimi inter se fuissent; conuenerat inter eos, ut qui prior perfectioris vitæ genus amplexaretur, is alterum ad sui imitationem traheret Romæ igitur multo post in Societatem Maldonatus admissus veteris passionis memor, à Soriano, quem in Hispanijs reliquerat, per litteras promissa repetit. Is de statu hominis amicissimi certior factus, nihil habuit antiquius, quam ut idem iter, eandemq. vitam ingrederetur: ut diuino propemodum consilio factum putes ut quem sequi non dubitauit in vita, eundem quoque sequeretur in morte. paucis enim mensibus post Maldonati obitum, quasi amici monitis iterum ad meliorem vitam vocatus, tanta occubuit animi alacritate; ut videretur cuius exemplo in terris vulgarem vitam cum

reli-

religiosa mutarat, eiusdē in cœlo precibus religiosam cum cœlesti mutasse.

COLLEGIVM CATAENSE

Civitatis Episcopus cum alijs rebus suam in nos benevolentiam testificatur, tum quod sepe nostros ad res gerendas adhibet. eius rogatu Clerus uniuersus conscientiae casibus eruditur, quo tempore & ipse & Vicarius semper intersunt; idemq. mandauit, ut in Episcopatus sedibus, quæ à nostro tradita sunt, à Clericis recolantur. Nec vero amicior nobis Episcopus, quam cuncta Ciuitas, quæ cum tutum aliquem locum requireret, ubi plena diplomatibus capsula litterisque publicis asseruari posset, eam nostris tectis potissimum credidit. Cumq. in nostra fullonica omnis fere linthea vestis incendio conflagrasset, familiares certatim damnum hoc resarciendum curarunt; paucisq. diebus tantum eius generis vestium suppeditatum est, quantum ad usus domesticos satis esset. Sacerdos dum iter facit, multas in vrbe quadam Episcopi rogatu confessiones excepit. Erant enim Iubilæi dies. Venit ad confessionem mulier graui obstricta scelere, sed pudoris magnitudine victa, cum cetera patefaceret, hoc consulto præterijt. Pater ex eius verbis occasione sumpta sepe eam de eo scelere interrogauit, sed ex eius confessione nihil expressit. imo tanta asseueratione mulier impudens affirmabat à crimine se abesse ut cogere-
retur Pater conceptis de more verbis, eam, quæ se ar-
tione vinculo obligabat, absolvere. Nondum è tem-

plo digressa ad patrem regreditur ore tristi ac perturbato. narrat ut è templo pedem efferre nequeat, & ut senserit nodo quodam adstringi fauces, quod commissum à se facinus pernegasset: proinde se & nouissimi mendacij culpam, & id ipsum facinus confiteri. ita & corpus ab angustijs, & animum à scelere vindicauit. Adolescens cum magnā vim pecuniæ lusionibus amisisset, rebus omnibus desperatis, diabolo sese dedit. affuit diabolus, iussitq. adolescentem ter certo quodā in prædio deditiōem illam miseram renouare. facit semel imperata, dæmonemq. familiariter alloquitur: In reditu ecce tibi noua de cælo benignitas: repente tāquam è somno excitus agnoscit erratū. doluit, & apud nostros, plena lacrimis confessione tantam maculam eluit. Rogatus postea qui nam è dæmonis potestate incolumis euassisset, id causæ fuisse respondit, quod ante quam scelus illud admitteret, corpus domini suscepisset: ideoq. sibi à dæmone imperatum, ut ter se conferret in prædium, ter sibi se dederet. Nimirum non est passus Deus Christi templum fieri dæmonis domiciliū.

COLLEGIUM ALETINVM.

A Letinæ Ciuitatis in nostros homines obseruantia cum ipsorum in Ciuitatem officijs certasse quodammodo visa est. ciues enim æstiuis temporibus, crebris, ijsq. periculosis morbis afflictati tam auide nostrorum operam expetebant, ut si illi non animis tantum sed etiam corporibus mederentur. nostri vicissim tum in ægris audiendis, tum in ijs, quos morbus

bus exstingueret confirmādis nullum laboris genus re-
fugerunt. quod ut commodius ab ijs fieret, illustri qua-
dam Dei providentia incolumēs servati sunt omnes.
Egenorum præterea necessitati subgentum; præsertim
ijs, qui retinentur in vinculis, qui cum aquæ penuria
laborarent, & torrogata stipe, exstructa est servandis
imbribus satis ampla cisterna. Impetratū est etiam à
Prorege, ut per multi, quos exiguum æs alienum mo-
rabatur in carcere, emitterentur; emissique sunt ad
quingenta. Par in aduenas charitas; cū enim Ale-
tium duodecim circiter adolescentes Chaldæi è suis
profecti sedibus appulissent, eorum inopiæ, atque ege-
stati (erant enim rebus omnibus spoliati) per pios ho-
mines Societas nostra subuenit. Hi Pontificis Max.
iussu Romam eo consilio proficiscebantur, ut in Maro-
nitarum vel Græcorum Collegium cooptarētur: cum-
que per id tempus duo de nostris Hierosolymam con-
tendissent, ijs cogendis & à parentibus abducendis
suam quoque navarunt operam. Cum igitur dies ali-
quot navigassent, essetq. in animo Venetias appellere;
ubi necessaria itineris subsidia ex mandato Pontificis
acceperant; aduersa tēpestas iactati deferuntur Ale-
tium. hic tum nostrorum industria vii dixi, tum ci-
uium liberalitate recreati sunt. paucis post diebus vr-
bem cum Chaldæis Rector obambulans, multam eis
pecuniā proviatico corrogauit. Sublatæ præterea si-
multates & odia sunt. Quidā cum ad eadē inimici per-
ditum hominem conduxisset, nostro tamen Sacerdoti
confessus, ad eum confestim, quocū de nece pactus eras
contendit; nec modo retraxit a cæde, sed pecuniam,
quam

quam ei dederat, ultro remisit, modo animum expia-
ret, quod ille fecit non sine magno animi sensu motu-
que. E duobus sodalitijs superiore anno institutis
maior captus est fructus, quam ex huiusmodi cœtibus
postulandum sit. Ab ipsis sodalibus impurissimæ inter
dum semine conquisita ex eleemosynis dote ad bone-
statem traductæ sunt. Ter singulis hebdomadis Vale-
tudinario ministrant, bis vicatim stipe coacta publicis
custodijs subsidio sunt. Ad hæc duo sodalitia tertium
clericorum accessit, in quo quinque & viginti præby-
teri numerantur, quibus æque aliena, ac sua cuique sa-
lus cara est. Horum fama Hydruntinus permotus Epi-
scopus vehementer contendit, ut in eorum numero si-
bi esse liceret. Det Deus incrementa qui tam præcla-
ra dedit exordia.

B A R I E N S E C O L L E G I V M.

Bariense Collegium nunc primum magna civium
gratulatione constitutum est. Civitas est plane
nostra: Et præter annuos redditus, quos decrevit, mul-
tum etiam argenti in unam Collegij ædificationem con-
tulit. à privatis vero tum mille aureorum octingento-
rum summa coacta est, tum domesticum instrumentũ
suppeditatum. templum denique nostris muneribus
satis aptum à Canoniorum Collegio donatum. Habitæ
sunt primæ conciones Aduentus tempore, magno cum
fructu concursuque omnium ordinum. frequens autẽ
Sacramentorum consuetudo in his partibus pene om-
nibus inaudita, in uniuersam fere civitatem inducta
est.

est. itaque ea est in ade nostra virorum mulierumque
celebritas, ut operarij potius quam mēsis desideretur.
Altamura Vrbs est finitima Bario, fuerunt in ea
nostri pacis concordiaq. auctores: Nā cum viri Prin-
cipes tum inter se ipsi, tum cum Archipresbytero si-
multates grauissimas exercerent, misit ad eos Bariensis
Archiepiscopus, ciuitate ipsamet deprecante, Colle-
gij nostri Rectorem, qui tempestatem illam mutuis po-
puli odijs excitatam, quatrduo, sed non sine magno la-
bore, sedauit: in eaque ciuitate tam eximia reliquit
sue virtutis documenta, ut statim de extruendo Socie-
tatis Collegio cogitarit, in eamque rem, & tem-
plum vltro deferat iam extructum, & au-
reorum redditus nongentorum. De
Neapolitana satis. cōsequens
est ut de Siciliensi di-
camus.



PROVINCIA

SICILIENSIS.



Constat Siciliae Prouincia domicilijs vndecim, Secijs amplius trecentis. Accessit hoc anno Professorum domus Panhormi, vbi tres & quadraginta versantur. In Collegio vero Panhormitano nouem & triginta. In Messanensi quinque & septuaginta. In Domo probationis eadem in vrbe vnde triginta. In Siracusano quindecim. In Catanensi viginti. In Collegio Montis Regalis tredecim; totidem in Rhegino. In Biuonēsi duodeviginti. In Calactensi vnus & viginti. In Drepanitano sexdecim. Adiuncti sunt ad societatem sexdecim, obiere quinque.

DOMVS PROFESSA ET Collegium Panhormitanum.

Cum ad perfectam absolutamque Prouinciā diu iam in Sicilia Professorum domus desiderari videretur, hoc anno primum Dei Optimi Maximi beneficio magna tum nostrorum, tum externorum gratulatione Panhormi sumpsit exordium. & quamquā ad eam rem ædes amplissimæ superiore anno coemptæ sunt, id quod annuæ litteræ prodiderunt; tamen hoc anno placuit eas cum collegij sedibus commutare, vt quod discipulorum Gymnasium fuerat, domicilium esset Professorum. Itaque Kal. Maij venit in templum

plum nostrum Prorex, curiaque vniuersa cum ceteris magistratibus. Regnique proceribus ad eum diem celebrandum, qui & nobis professorum domum inchoantibus festus, & Beatis Iacobo, & Philippo Apostolis sacer esset. Pro concione, exposita est instituti nostri ratio, quæ res magna omnium approbatione excepta est. Sed quantis studiis huius Domus institutione ciuitas vniuersa Complexa sit, illud aperte declarat, quod cum ea conditione suis sedibus Collegium cederet, ut facta rerum omnium æstimatione, pretij summam domus professi persolueret; quattuor vix mensibus aureorum millia vndeviginti, quanti steterant ædes illæ, tum Proregis, tum ciuitatis, tum Dynastarum, priuatorumque ciuium liberalitate persoluta sunt. Postero die Collegium in alterum domicilium, quod Professorum causa emptum esse significauimus loco sane nobili ac celebri se transtulit: cumq. simul suppellex domestica transferretur, permoti ciues certatim aliam nobis locupletiores suppellectilem compararunt. vna Ducis Montalti coniunx de nobis iam pridem optimæ merita cubiculares lectos rebus omnibus instructos ad viginti summisit. Aedes etiam quædam nouo Collegij domicilio coniunctæ, quæ ad laxandam habitationem pertinere videbantur mille circiter aureis nummis emptæ sunt. Concessaque a senatu Aquæ iugis domesticis vsibus opportuna.

Pœnitentium numerus tantus est, ut cum satis multi sint Sacerdotes, vix tamen omnibus satisfaciat: celeberrimis quibusque diebus tria millia circiter audiuntur, totidemque Eucharistia distribuitur. ad ægros au

tem confessionis causa quotidie mittitur: d quibus tam
 saepe nostri homines euocantur, vt constet aliquando
 duodecim eodem die ad eos audiendos fuisse dimissos,
 & vt alijs ægris satisfieret expectandum fuisse nouis-
 simum quemque dum reuerteretur. Societatis medi-
 tationibus instituti sunt multi. Quarum beneficio in
 duobus Virginũ coenobijs admirabilis morum, uitæq.
 mutatio cõsecuta est. Quinquaginta amplius Virgines
 ab vniuersæ vitæ noxis per confessionē absolutæ sunt.
 In his quedã clarissimo loco nata, eo cõsilio coenobiũ
 ingressa, vt de statu vitæ deligēdo decerneret, vix Socie-
 tatis meditationes, quæ prima hebdomada tradi solēt
 degustauit, cum sic exarsit in amorem celestis spon-
 si, sic in huius seculi odium, vt suos ipsa crines superio-
 ris vitæ decora atque ornamenta fæde abraferit, eos-
 que in argenteo vasculo collocatos, tanquam sui pro-
 positi testes ad parentes miserit: atrox facinus visum
 parentibus, dignum miseratione, dignum lacrimis.
 Itaque ad cœnobium subinde profecti, Filiam a susce-
 pto consilio deterrere conantur. at illa diuinis instru-
 cta præsijs, vt quæ ab illis Meditationibus recens
 venerat, quicquid contra obijciebatur, acriter repulit
 ita illi re infecta cesserunt; ea vero perstitit in senten-
 tia, & inter nouellas Dei famulas magna cum laude
 versatur. Concionum eadem frequentia quæ solet. So-
 dalitium B. Virginis centum iam quinquaginta sode-
 les numerat, ex eoque multi religiosi cœnobitæ pro-
 dierunt. vnus in nostrum ordinem, septem in alios re-
 cepti sunt. ex altero autē sodalitio, quo minores natu
 conueniūt, etiam tres, alij alijs sunt adscripti familijs.

MESSANENSE COLLEGIVM.

IN Messanensi Collegio latum est præcipuum e concione præsidium periclitanti multorum salutis. Quidam cum ad duorum eadem inimicorum perditos homines cōduxisset, nostro concionatore audito, ita permotus est, vt statim inimicos ipsos conuenerit, cum usq. de pace suppli^{ter} egerit.

E sodalitia anno Superiore instituto fructus operis constituit. sunt in eo ad quadraginta præcipua nobilitate sodales, quorum pietatis studium, magnum scilicet calcar fuit ceteris ciuibus. Bacchanalibus cum plurima est vulgi licentia, ipsi sæpe ad horarum quadraginta supplicationem conuenerunt. vnus è sodalibus cum in negotiatione quadam quæstum facere posset aureorum quattuor millium, religioque iniecta esset a nostris, quæstum illum minus honestum videri: is etsi ea de re alij aliter sentiebant, maluit tamen nostrorū stare iudicio, quàm aliorum. Alius sæpe à matrona nobili sollicitatus ad facinus, non modo induci nullo modo potuit, sed eam ipse potius vt peccata confiteretur induxit. Profectus est sacerdos vnus in oppidum ab hac vrbe quattuor & viginti mille passibus distans, vbi dū consitentium turbæ dat operam, quædam in his audiit, qui annos duodeuiginti graue facinus reticuerat. impulit hominem ad nudandum vulnus concionatoris oratio. obstabat tamen salutari consilio antiqui serpentis astutia; sæpe conantem adire medicum, sæpe ille prehenso brachio retraxit: cumq. munere aliquo sibi aperire ad patrem aditus decreuisset, vas vbi munus de-

deserebatur effractum est noua demonis fraude, nouo consilio: quod tamen ille sentiens, adhibita sibi ipse vi, domum, in qua pater morabatur irrupit, ad eius pedes magna cum lacrimarum profusione, tum doloris significatione prostratus, vniuersæ vitæ scelera confitetur. Missus est alter in Calabriae oppidum: vbi omnium fere oppidanorum confessiones excepit: & cum alios corruptos mores, publico priuatoq. sermone correxisset, tum prauissimam quandam furandi consuetudinem sustulit. Est in his regionibus ingens bombycum copia, vnde sericum depecti solet: Horum pastus sunt mori folia, quæ cum primum emicant, emicant autem oriente Martio, rara admodum sunt. Raritas facit ut alendis suis quisque bombycibus, primis ab ortu diebus alienas Mori frondes occultè præripiat. Cui incōmodo ut occurreret Pater, Eucharistiam populo præbiturus, imprecatus est eis pœnas, qui non ab eo furto temperassent. Non defuit contumax muliercula, quæ patris iussa contemnens, bombyces furtiuus frondibus pasceret. Sed eo ipso die industrijs vermibus interemptis, vim illarum comminationum experta est; agnouit erratum, frondes abiecit, alienis didicit abstinere. Sed ut hæc suæ contumaciæ pœnas dedit; ita qui dicto audientes fuerunt, ijs ex animi sententia res cessit. Constat enim magnam sericorum abundantiam eo anno præter consuetudinem, præterq. spem omnium, qui eius rei penuriam potius & caritatem, quam copiam & vilitatem animo præceperant, consecutâ. Nec minus vitiosa consuetudo simili in re extincta est. multi anticipata pecunia frondium pabula vilius emebant, & eo-

dem

dem sepe die dimidio carius vendebant, idq. quoniam
passim factitabatur, qui sibi religioni duceret, erat ne-
mo. Obiecta est illis à Patre religio, & quàm non es-
set honesta ea pecuniæ conficiendæ ratio, & quatenus
honestæ esset, ostensum. Hic ipse Pater etiam tum, cū
domo aberat, ad alterum vocatus oppidum, nonnullas
in eo conciones habuit, quibus correctæ & emendatæ
sunt multa. Teneræ puellæ vix octauum, nonumq. an-
num egressæ ob lautam dotem in matrimonium collo-
cabantur, fiebantq. sponsalia præsentè Parocho & te-
stibus; sed quoniam per ætatem tenellæ coniuges ad
domesticam curam minus erant idoneæ, alteram quis-
que ducebat, quam huic procurationi præficeret: hu-
ius generis nuptiæ erant amplius viginti, quas vt irri-
tas esse persuaderet Pater, multo labore impetravit.
Quo res ex sententia magis succederet, Archiepisco-
pum Rheginum, cuius obedientiæ diocesis illa subiecta
est, de re tota commonescit, eiusq. auctoritate nutu-
que perfectū est; vt quæ commoda ac legitima essent
ætate, eæ iterum matrimonij fœdere iungerentur; qui-
bus vero ætas matura non esset, eæ disiungerentur à
viris; cautumq. seuerissime ne quid tale in posterum
fieret. Idem Pater cum ad B. Bruni corpus, cuius tem-
plum Catazorio diei iter abest, peregrinationē susce-
pisset audissetq. Sacerdotem quemdam inimicitias
cum altero gerere, à quo esset sclopo percussus, ob eā-
que causam, quoad iniuriā persequeretur, sacrificio
Missæ abstinere; nihil prius sibi faciendum putavit,
quàm vt Sacerdotem hunc conueniret, eumq. ad con-
donandam hortaretur iniuriam; sed cum priuatis col-
loquē

loquijs nihil proficeret, rogatus interim ab Oppidi Gubernatore vt ad Populum verba faceret, ipsa concione vsque eo Sacerdotis animum perpulit, vt iniuriam Christo concedere non dubitaret.

Habet & suos beneficos Messanense Collegium. Negotiator vita cedens, duo aureorum millia hereditatis nomine reliquit. hic in nostrum numerum adscribi voluit, sed dum quædam ante negocia conficit, quo expeditior ad Dei seruitutem accedat, mortifero morbo consumptus est. Totidem millia nummum, & trecentos in adificationem templi varia Ciuium benignitas erogauit, quo circa his exstructa subsidijs magna pars templi vsui iam esse cæpit.

S Y R A C V S A N V M.

INcommoda huius Collegij habitatio fecit, vt sociorum numerus, qui toto ferme anno fuerat ad viginti, labente anno diminueretur. Valetudo minus prospera fuit: laborarunt per multi grauitè, & quidam ad mortem. Desiderati sunt tantum duo, quorum alter erat Sacerdos Georgius Mercatus, qui quoniam magnum sibi nomen è concionibus comparauerat, cum è vita ipso die Paschatìs excessisset, ad eius cohonestandas exequias, ciuitatis Gubernator, vna cum Senatu, ac præcipua nobilitate conuenit. Quin etiam Episcopus nobis inscientibus Clerum misit vniuersum, qui eius funeri iusta solueret. Interim dum domi nostræ multos, multos quoque in priuatis domibus sternebat morbus; nec tamen agros audiendi, confirmandiq. mu-

nus desideratum à nobis est, quanquam accersenda è
 Collegio. Messinensi auxilia fuerunt. Nam præsto esse
 tam multis agris, nec Sacerdotū permittebat inopia,
 nec valetudo: integro incolumiq. Collegio ab usitatis
 muneribus numquā vacatum: Et cum multorū salutē
 per opportune consultum, tum vni præcipue qui etiam
 num cœnobita nouellus à religiosa vita ad omnem vi-
 tiorum immanitatem defecerat. ac præter alia hor-
 rendo facinora, Christi crucifixi venerandam effigiem
 conscelerata sica confoderat. nec tamen hunc pro me-
 ritis, patefactis terræ faucibus, inferorum ignis absor-
 psit. nimirum ad lamenta pœnitentiæ tam benignus
 Dominus reuocabat: traditus est suis inimicis vt resi-
 pisceret; nec tamē duobus acceptis vulneribus Dei mo-
 nentis vocem audīit. vix dum vulnerum cicatrices ob-
 duxerat, cum à Deo iterum admonetur. Dies erat læ-
 titiæ dicatus, quā frequens bombardarum significa-
 bat explosio; sed qui dies ceteris voluptati, ei fuit do-
 lori. nam dum acceptum tormentariū puluerem ingē-
 ti cum spiritu bomba reddidit: pars repente diffringi
 tur: nec fuit quem dilapsi æris impetus tangeret, cum
 tamen adessent multi, præter eum, qui ad vltionē vio-
 latæ imaginis petebatur. illi ipsi dextræ est impacta
 bomba, quæ Christi simulacro nefariam sicam im-
 pegit, tum demum culpam agnouit, cum confractō
 brachio sensit vim quandam esse cœlestem, quæ sua
 malefactis supplicia reservat. itaq. à nostris non an-
 te discessit, quam turpitudinem omnem antecedentis
 ætatis sacramento confessionis absterfit.

D R E P A N I T A N V M.

Sociorū exemplū magno fuit Parochis ceterisq. religiosis incitamento. nam cum ante aduentum nostrum vna vix concio per Quadragesimam haberetur: nunc quoniam nostros saepe concionantes, & diuina procurantes aspiciunt; ipsi quoque & conciones frequenter habent, & sacramenta ministrant. Confessionū verò tanta utilitas fuit, vt annuos labores, fructuū iucunditas compensarit. Aeger vt cōsisteretur nostros accersit; qui quidem cum tamquam vnus ē populo haberetur, repertus est professione religiosus: quo cognito is, qui confitenti aures dedit, facta ab agro potestate, eius familiæ, cui se quintumdecimum iam annum publico voto deuinxerat, moderatorem admonuit; vt de reducenda errante ouicula, cum Prouincia li qui tum aberat, per epistolam ageret. Dum responsum expectatur, periclitatur agrotus. ergo d Patre peccatorum vinculis soluitur, sumptoq. Christi corpore, in quo non minus ad salutem corporis, quam animi præsidij est, visus est conualescere sic, vt de cænobio repetendo sedulo cogitaret. in hac cogitatione versanti, mors reditum interclusit; postero enim die ingravescente morbo decessit. dedit operam Pater, vt citra omnem populi offensionem, sepulturæ a suis cænobitis concederetur: vt quod viuus optarat, mortuus saltem adipisci posset.

Aeger alter prædiues, qui vt erat hominum fama, multa contra fas possidebat, cū Sacerdotē ad eluēdas

ma-

maculas postulasset: Sacerdos multo labore perfecit, ut aureos nongentos restitueret; totidēq. pios in usus legaret. multis etiam publicas cautiones scriberet. Quia temporis obstabant angustiae, quominus redderetur alia complura, quae contra ius fasque possidebatur. Haeres hortate Patre fidem suam publicis tabulis obligavit, ut quibus parens de duorum Theologorum sententia ac Iuris periti debere diceretur, ijs omnibus satisfaceret. quod Patris nostri factum, vehementer vniuersa Ciuitas approbavit.

Funerum superstitiones ritusque Maurici, qui in hac urbe plurimi erant, nostrorum opera magna ex parte sublati sunt. cui rei adiumento maximo fuit primariae feminae exemplum: quae in parentum funere non modo ritus illos funditus repudiavit, sed cum ceterae mulieres in domesticis funeribus careant templo, careant sacris; nec nisi quadragesimo post die e suis domibus prodeant; ipsa postero die confessionis causa templum petiit, cunctisque inspectantibus, sese ad genua Sacerdotis abiecit.

Mulierum etiam honestati prospectum est. Quaedam cum huc e loco longinquo, ut cum amatore viveret contendisset, videre sibi visa est in eius adibus truculento aspectu Daemonem, eumque sibi atrociter minitantem. metus repente vocem interclusit: itaque agnita culpa, significavit nubibus expiare se animum velle. Affuit e Collegio Sacerdos a quo monita, fieri non posse ut quandiu in aliena domo flagitiosis voluptatibus deserviret, confiteretur; amantium detestata domos redituram se significavit in Patriam; redijt, vocē

recuperavit, peccata sua confessa est. Claudet huius a-
 etia Collegij diuinæ providentiæ nobile testimonium.
 Est vrbs quædam in Africa, quam Monasterium vul-
 gus appellat: huc cum de more Christiani excurrerēt
 Maurum quemdam illius sectæ Magistrum, ac Sacer-
 dotem captum abducunt. hunc Deus ad vitam destina-
 bat æternam; & quia captiuus in ea regione Christia-
 nis stipem consueuerat elargiri, ascenderunt eleemo-
 synæ eius in memoriam in conspectu Dei. sed quem se-
 cum adueberent ignari nuntia, contempta decrepiti se-
 nis vita (erat enim summa senectute) tanquam inutile
 pondus abiiciendum putabant in mare. non passi sunt
 vectores alij, seu potius diuini ratio consilij, qua res to-
 ta gubernabatur, eius animæ iacturam fieri: aduehitur
 Drepanū, liberq. dimittitur. hic fuit eius salutis ini-
 tium: nam cum incidisset in nostros, Pater quidā ex a-
 etia iam ætate senem ag greditur, cum eoq. de deserē-
 da impia Maurorum superstitione, deq. amplectenda
 Christianorum religione vehementer agit. reluctari
 initio senex, negare se auitam religionem posse de-
 ferere. Pater quamquam primo nihil sibi proficere
 videbatur, animum tamen non abiecit, vrgeri ni-
 hilominus institit. Quid multa? senex triduum ad deli-
 berandum postulat: quo temporis spatio diuino affla-
 tus spiritu extrema senectute sua, cum iam pedem
 prope intulerat in sepulchrum, christianū se fieri vel-
 le significauit, christianisq. præceptis imbutus saluta-
 ri baptismatis aqua perfunditur. Tum demum viuere
 Deo tæpit, qui ad eum diem multis annorum anfracti-
 bus mortuus fuerat. Hæc Drepanitanus ager effudit;

Et quamquam perexigua ciuitas est, non tamen exigua fuit eius in nos liberalitas. nam Et mille circiter aurei dati sunt, Et templo annui redditus assignati ad perpetuum Et sempiternum lumen. Iam de reliquis huius prouinciæ sedibus pauca sunt quæ dicantur.

CATANENSE ET RELIQUA.

Catana res eodem ferme sunt loco, quo superiori bus annis. præter alia Societatis munera quæ à nostris utiliter obeuntur, tam multi quotidie confiten tes audiuntur, ut qui totius vitæ malefacta detexerint sexaginta amplius numerentur.

Est hoc anno in honorem Dei Matris è natu grandioribus instituta sodalitas, ex qua, quia studiorum causa multi Catanam confluunt, ingens speratur utilitas.

Calataierone Ciues ædes dedere per amplas, quæ non minoris quatuor aureorum millibus indicantur: E Sodalitio B. Virginis in Societatem adscriptus est vnus.

Rhegi multum æris nefario quæstu contracti restitutum est; præcipueque auro intextæ catenulæ, argenteaq. vasa non sine ciuitatis admiratione. Adultera adulteri ope nixa, virum necarat, ac ne indicium cædis extaret, abiecit in puteum. sed, ut nihil est tam abditum, quod non proferatur in lucem, vterque proditus, capitali sententiæ damnatur. Cum de more habenda esset animarum ratio, credita earum salus est nostris; quibus longa adhibenda fuit oratio, ut obstinatus adulter, Et mori æquo animo vellet, Et confiteri peccata. nec vero animarum tantum saluti profuere, sed etiam acerbitatem latæ sententiæ mitigarunt, quæ cum iuberet homicidis dexteram amputari, nostri à Gubernatore ne id iniis fieret impetrarunt. Ex hoc Col-

legio Crotonem profectus est concionandi causa Sacerdos: Concionum is exitus fuit, ut ciues de erigendo Collegio cogitarint, ad eamq. rem aliquot aureorum millia destinarent. Mulier Rhegina domicilium Collegio dedit. Catanensi vero Collegio donatus est ager, unde fructus percipiuntur annui trecentorū aureorū.

Postremum in hac prouincia domicilium est Messanensis Nouitiorum domus, à quibus nihil est vnquā quod ad sui odium ac despicientiam pertinet desideratum. ac cum omnibus ex partibus Nouitiorum sese ardor ostendit, tum in abducendis aleatōribus à turpi otio consuetudineq. ludendi. acciditq. interdū ut aleatorijs onusti cartis nonnulli redirent. frater vnus quinque fasciculos attulit, nulla vi extortos, nulla collusorum offensione, sed ab ipsis collusoribus vltro oblatos: tantum potest blanda oratio blandiq. vultus. Nobilitavit banc domū M. Antonij Colūnae huius Regni pro-regis aduentus, qui cibum sumere cum fratribus voluit, et nouitios ad studiū perfectæ virtutis ac resistendū diabolo pluribus cohortatus est. hæc sunt huius acta Prouinciæ. Nunc de reliqua dicamus

Italia.

*

PROVINCIA VENETÆ.



*H*abet hæc Prouincia domicilia vñdecim, socios ducentos ac sexaginta quinque. Venetijs, Nugularæ, Patau in singulis sedibus quadragenos. totidem Brixie. decem Mutinæ. triginta Bononiæ. sexdecim in foro Iulij. Placentiæ septem. reliqui in reliquis. In Societatem recepti sunt decem, Mortui quinque.

E domo Veneta adhibiti sunt nostri tum ad alias res, tum ad obeundas explorandasq. Paræcias. fuit enim Patriarchæ consilium, vt in ijs Christianæ doctrinæ studium, quam edendam ipse curauerat, commendaretur d nostris. Negotium præterea Societati datū est ab ijs, qui de rebus religionis inquirunt, vt virum quemdam religiosum d præua quadam opinione deduceret, simulq. publicas custodias inuiferet, vt imbutas erroribus mentes ad syncerā Christi doctrinam reuocaret. itaque tres errore deposito sensum suum ad Ecclesiæ sensum nutumq. flexerunt.

E Patauino Collegio quattuor sese ad nostrum numerum aggregarunt. Oratoriumq. in eo nuper est institutum tanta cum fructus vbertate, vt qui expiari confessione velint, ijs fieri præ multitudine non possit satis.

In Bononiensi Collegio quot capita, tot diuinæ prouidentiae sunt testes. Tanta fuit hoc anno beneficentiæ vis, vt non modo nobis, quæ ad victum cultumq. corpo
ris

ris pertinent, omnia suppeterent; sed porticus etiam quattuor & viginti cubiculis sit erecta. Prodit ex opione virtutis, hominum in homines liberalitas; ut non mirum videatur, si cum apud hos ciues tam bene Societas audiat, hanc existimationem par benignitas comitetur. Hoc anno conscientie casus explicari in Gymnasio cepti sunt. atq. hæc schola quasi quoddam vniuersæ Prouinciæ seminarium futurum est. Sodalitium quos habeat in virtute progressus, docet quotidie illi, qui studio perfectæ virtutis incensi, etiam ipsa Christi consilia, sequuntur. Cappucinis adscripti sunt tres: toti demq. Societati. Est in his frater legati Pontificij ad Regem Polonia, qui suorum impulsu in Poloniã profectus, ut rem cum fratre communicaret, facta sibi ab eo potestate, nostram vitam institutumque complexus est.

Ferrariæ Societas est data tribus. accedebat etiam quartus si per ætatem visus esset idoneus; sed in aliud tempus reiectus graui interim morbo corripitur: mortem vbi impendere sensit, nullius admonitu, nisi diuino, Societatis vota, quæ in cælo persolueret, nuncupauit. Vnum missum non faciam, quod in animæ salutē cessit. Aedes quidam construebat in vrbe comædij agendis, cum illac iter faceret vnus è nostris, qui conuersus ad hominem, non te sentis, inquit, ædes exstruere Diabolo? Sic in eius animo vis admonitionis insedit, ut cum postea graui morbo decederet, patrem illum accerseret, eiusque dicti memorem se esse significans, in animo sibi esse dixerit, ædes illas pjs vsibus consecrare.

COLLEGIVM BRIXIENSE

& reliqua.

Brixie ē sacra confessio, & corporis Christi cōmunione non modo ad animos vtilitas redijt, sed interdum etiam in corpora redundauit. Mulier fallente vestigio cum cecidisset, grauius vulnerata est: cum in dubium eius salus veniret, accersito Sacerdote nostro, eiq. vt potuit peccata confessa, repente in integrū restituta est. Quo loco apud hos ciues Societas sit, cū alia indicant, tum illud maxime, quod cum vir nobilis testamento scriptum reliquisset, vt si quæ male parta viderentur, duorum Theologorum arbitrio restituerentur, ñque Theologi d Religionum moderatoribus, quæ sunt Brixie deligendi essent; de cōmuni omnium sententia delectus est vnus è nostris, Episcopi. Theologus. Quod ad externam rem attinet qua, Dei beneficio; Collegium hoc non mediocriter auctum est: sunt à duabus matronis nobilibus, vt minuta mittamus, hereditates testamento relicte, ab altera quingentorum, ab altera quadringentorum in annuos redditus aureorū. Placentinū Collegium, nunc primū collegij nomen accepit. & iam nunc quætæ fruges animarum futuræ sint, indicat. nam & conciones libentissime audiuntur, & domi institutum est Oratoriū, quo tam multi conueniunt, vt aliquando cum de diuinis rebus sermo haberetur in laxiorem porticum proeundum esset; quæ tamen cū ne ipsa quidem quantumuis laxa tantam vim populi capere potuisset, proeundū rursus fuit in aream patentem ac liberam cū frequē

tissima concione. Multæ quotidie in alienis templis cōfessiones audiuntur, pluresq. audirentur, si & templū nobis esset, & Sacerdotum copia maior. Atqui dum animarum saluti seruitur, illud contigit admirabile. Mulieri nocturna spectra obijciebantur adeo fæda, vt nullam præ terrore quietem, nullum cibum capere posset. ardebant oculi, & toruos figere in obuium quæque videbatur obtutus; vt aspectus ipse fidem quodam modo faceret, eam sedem malum dæmonem occupasse consulitur vnus è nostris à viro: is mulierem primum expiari confessione iubet, tum cereum ei dat agnum, quem de ceruice suspendat. Quid plura? breui mulier illa conualuit. Atque hic ortus Placentini Collegij.

DOMVS PROBATIONIS

Nugularensis.

DEcessit in hac domo Nouitius quidam, cuius vel mors ipsa, quanta fuerit virtute, declarat. vir tā sui despiciens, vt supremo suo tempore dignū se identidem clamitaret, qui extra Religionis claustra vt putā dum cadauer abijceretur. Et quoniam sibi ita sordēbat, quanti apud Deum esset, Angelorum declarauit aspectus. nam cum intētis in cælum oculis intueretur rogatus à quodā, nū quæ species obuersaretur ob oculos. an non vides, inquit, præsentēs angelos? qua specie obiecta animus deserto corpore in cælum cum Angelis euolauit. ita perfectum illud est, quod ei à Veronē si Cardinali dictum est, cum suum illi de Societate consilium exposuisset; Cardinalis enim postulatis iuuenis annuens, Optimam, inquit, partem elegisti; qua non auferetur

feretur abſte. ita contigit; vix enim elegit, cū eius amittendæ facultatem mors abſtulit. Ex ijs qui ad vitæ noſtræ rationes ſe adiunxerunt, quidam ſc̃i alteri exprobraſſet, quod cuidam ſodalitio pietatis colendæ cauſa inſtituto nomen dediſſet; ita angſt animo cepit, vt illi ipſi ſodalitio, quod tanquam probroſum alteri obiecerat, aggregare ſe omnino decreuerit. hic eos habuit in virtute progreſſus, vt non amplius alienum tractare negotiū (cauſas enim agebat) ſed ſuū agere conſtituerit. Cum diu penderet animi, quod nam vitæ genus potiſſimum inſtitueret, venit in mentem ſi Chriſtiana legis præcepta rudibus pueriſq. traderet, fore vt ipſe quoque Dei docentis vocē exaudiret; nec ſpes eum ſefellit. nam cum ad ſumendum Chriſti corpus accederet, diuinitus eſt admonitus, Dei mentem & voluntatē hanc eſſe, vt ſeſe illi in Societate dicaret; quod non ita multo poſt fecit. Hæc de Nouitiōrū domo. In reliquīs vero Collegijs hæc fere ſunt. Veronæ inſignes animorum expiationes factæ ſunt. in his quidam ſextum & quadrageſimum amplius annum peccatorum vinclis aſtriſtus, noſtrorum oratione adductus eſt, vt ea Sacerdoti indicans ſolueretur. Parmæ Cardinales duo in noſtro templo de diuinis rebus verba fecerunt, alter Veronenſis, Borromæus alter. Parmenſe templū conſitentium frequentia reliquīs nihil cedit. Societatem flagitant multi; ſed vni tantum magnæ expectationi adoleſcenti conſeſſa eſt.

P R O V I N C I A

MEDIOLANENSIS.



Vnt in Mediolanensi Prouincia Pa-
tres Fratresq. in septē distributi do-
micilia cētum circiter ac nonaginta,
præter eos, qui Salutium missi sunt.
In Domo Professa tres & triginta.
In Collegio Brerano sex & sexaginta. In Genuesi sex
& viginti. In Taurinensi viginti. In Comensi vnus &
viginti. In Vercellensi non plures quinque. In Domo
probationis Aronensi vnus & viginti. Salutium autē
missi sunt fere nouem.

Diminutus est hic numerus duorum interitu: au-
tus vero tironibus sexdecim.

D O M V S P R O F E S S A.

Q Vantæ curæ fuerit huic Domui salus animorū,
& superiores anni declarant, & tam multis te-
stimonijs confirmat hic annus, vt si ea colligam vniuer-
sa, parū videar institutæ breuitati consulere: seligā
tantum ea, quæ quanto sunt reliquis illustriara, tanto
sunt memoria & litteris digniora. Sorores germanæ
duæ honesto loco natæ, cum amissis mortē parentibus
propinqui in tutelam venissent, a quo custodiri potis-
simum debuerunt, ab eo maxime proditæ sunt. namq.
is propinquitatis oblitus, immemor necessitudinis, a-
mōs libidine, earū castitati insidiari turpiter ausus est

In-

Inuenta est huiusmodi ratio, ut è domestica libidine sorores ereptæ in tuto honestoq. loco collocarētur: ille vero ut erat non minus impotens in cohibēda ira, quā in frēnanda libidine, eius rei auctori vim interitumq. denuntiat. Contra Pater intemperantē vehemēter accusat, exprobrat turpitudinem, obijcit infamiam. Quid multa? tantum libera illa obiurgatione profecit, ut homo elatus atque impudēs multo demissior modestiorque discesserit. Nec minore negotio magna quædam est sedata discordia. Adolescētes duo cum contra parentum voluntatem duas sibi virgines despondissent, gravissimè tulerunt parentes. Et quamquam conditiones matrimonij satis illæ quidem erant honestæ; adduci tamen nullo modo poterant, ut eius ineundi potestatem facerent filiis. Hinc magnum vitæ periculum adolescentibus, si datam fidem fallerent, creabatur: hinc puellis, si non ducerentur, nota quædam inurebatur infamiæ. Tam gravis controuersia tolli non facile poterat, nisi diuinæ bonitati placuisset ad eā rem nostros homines adhibere; qui cum parentibus persuassissent, ut eas nuptias ratas habere vellent, tum demū motus omnis perturbatioq. sedata est. Honestæ mulieri sæpe coniux minatus est mortem, eamq. domi conclusit, ut scelus nocte perficeret. conuulsis illa repagulis fugit ad nostros, à quibus Et periculo exempta est, Et in gratiam coniugis restituta. Atque huius generis controuersia, quæ quotidie toto fere terrarum orbe nostrorum opera componuntur, ita multæ sunt, ut eas putidum sit diligentius enumerare. Venio ad ea quæ lustrandis expiandisq. per confessionem animis parta sunt

*sunt Deo . quo ex munere si nulla alia constaret vult-
tas , illa certe maxima , quod multi, quos diuturnus
pudor impediēbat, quo minus Sacerdoti se proderent
vniuersos; tandem, quæ summa Dei misericordia est,
quicquid foedum latebat in animis effuderunt. atque
in his quidam, quamuis minimum octauo quoque die
animi morbos confessionis medicina curaret; nūquam
tamen nisi trigesimo post anno peccatorum, quæ cēla-
uerat, virus euomuit . Nemo est ex his Sacerdotibus,
quin viginti minimum totius vitæ confessiones excepe-
rit. Femina quædam primaria, ætate, nobilitate, atq.
opibus florens orbata viro, vt se curis quibusdam mo-
lestijsq. liberaret, Cardinali significauit sibi esse in animo
inter sacras virgines vitā agere . Cardinali res cordi
fuit; itaque eius rogatu Sacerdotem, cui confiteretur,
dedit e nostris : ab eo est Societatis meditationibus, vt
Cardinalis iusserat, instituta; qua ex re tantum proce-
ssit . ad perfectæ virtutis aditum, vt se suaq. vniuersa
consecrare Deo omnino decreuerit: & vt à rebus or-
diretur externis, suas omnes fortunas Cardinalis per-
misit arbitrio, quas ille in pios vsus distribueret. Tan-
tus autem eam diuini cepit ardor amoris, vt alius nul-
lus exiret ex ore sermo , nisi de rerū humanarum de-
spicientia . Tandem cum in coenobium sese reciperet,
quicquid præ manibus habuit , vestium , annulorum,
& huius generis alia, id totum in templorum, & ege-
norum vsus contulit . Nec vero suæ nos liberalitatis
expertes fecit. nam præterquam quod templo nostro
muliebre vestimentum magni pretij dono dedit; signi-
ficauit etiam, velle se partem quamdam ex quindecim*

octodecim ve aureorum millibus, quæ sibi reseruauerat; ædificationi nostræ tribuere. Atque id totum suâ sponte, nemine postulante, quod eo magis Cardinalis, cognatique probarunt, quod intellexerunt, nostris hominibus nihil aliud esse propositum, præter animarum lucrum ac salutem. Atque hic rerum status in hac Domo Professi. Res temporaria satis ex sententia procedit, nã quæ nobis eleemosynæ nomine ciuium benignitas ultro detulit, ea si ad calculos reuocentur, summam efficient aureorum trium millium supra quingentos. Nec desunt qui ad reliquam ex ædificationem templi amplas spoponderint eleemosynas.

COLLEGIVM BRERANVM.

DOmi præter ea præsidia, quæ ad bene Christianeque viuendum Gymnasii auditoribus data sunt ceterorum etiam saluti consultum est. Mulier voto se Virginitatis obstrinxerat, sed rei difficultate deterrita consilij deinde pœnituit. Cum præterita mutare non posset, Diabolum inuocabat, vt ad inferos se viam abriperet: librum etiam protulit magicum ad euocandos carminibus dæmones, quibus id negotij daret, vt suis propinquis molirentur interitum. Iam erat in animo, nefarium illud volumen euoluere, iam execranda carmina recitare, cum a Sacerdote nostro, cui solita est confiteri, à tanto scelere reuocatur. ab eo confirmata ac recreata cepit animo meliora complecti. Et quæ virginitatem Deo se vouisse dolebat, Virginum in Cœ

nobium se dicare non dubitauit. Sunt ex hoc Collegio non nulli varijs temporibus varia in loca dimissi, qui non minus strenuam operam in aliena curanda salute, quam qui domi manserant, posuerunt. Missus est sacerdos cum Borromeo Cardinali ad Ecclesias Grisonum inspiciendas, ubi tum Confessionum, tum Concionum opera, tum vero sanctissimi Cardinalis exemplo magna est ad Catholicam fidem hæreticorum facta conuersio. In his Ecclesiæ restitutus est quidam Præfectus Oppidi in Valle Vulturena, qui, quod e loco superiore paucis ante mensibus Sacerdos noster de catholica religione verba fecisset, mille aereorum multam ei dixerat. Puschianum profecti sunt alij duo, quod ipsum Rhætorum seu Grisonum Oppidum est, sed in quo vi in libera ciuitate ius dicitur. Totum oppidum in duas diuisum est partes; alteram Catholicorum, alteram Zuinglianorum Lutheranorumque; sed Catholici numero sunt pæne altero tanto superiores. habent hæretici ministrum semper aliquem, a quo toto anno conciones audiant, singulis hebdomadis ternas. præpositus est huic muneri indoctus quidam & agrestis homo, qui ante annos duodecim quæstus causa cados vinarios factitabat. huic quæ pro concione dicat, quoniam domi suæ non habet unde promat, suggerit coniunx, quæ quondam fuit Abbatissa Cænobij; tum etiam Auditores ipsi, qui cum concionanti aliquantulum dederunt operam, fessi somno totis capitibus annuunt; mox experrecti finem dicendi imperant. Quadragesimum iam annum integro & catholico concionatore carebant. In

tantiis

tantis tenebris oblata lux est à Deo, qui per nostros
tum nutantes catholicorum animos confirmauit, ut
pro eâ iam, quemadmodum ipsi dicebant, mortem non
dubitarent oppetere, tum ex hæreticis nouem ad ca-
tholicam adiunxit Ecclesiam: in his Patrem quendam
familias, qui ipse propediem ad eandem religionem suos
omnes alliciet. cōplures vero alij hæresim eiurassent,
nisi eos discessus nostrorum retardasset. eorum enim
sunt illæ voces, *Deseremur à vobis, & reuertemur
ad pristina*: quin etiam affirmavit quidam, si in
ijs regionibus nostri mansissent, fore ut vniuersi catho-
licam fidem amplecterentur: Tanta autem erat apud
eos existimatio nostrorum, ut ad eos non modo consi-
lij causa, sed interdum etiam ut morborum peterent
medicinas, vel ipsi hæretici ventitarent. Execraban-
tur alij diem illum, quo in eorum regionem minister il-
le hæreticus penetrasset. Ipse vero minister furore in-
flammat domos Lutheranorum omnium concursa-
bat, hortans vnumquemque, ut nostros homines è suis
finibus pellerent. deridebatur à suis, qui dum dant ho-
mini verba, dum pollicentur quotidie, se post diem octa-
uum, quod ille iubebat, esse facturos: ad vltimam vsq.
Quadragesimam hominem extraxerunt. Habebant in
eodem templo & Sacerdos noster, & Minister hære-
ticus concionem, sed hic apud paucissimos, ut viginti
auditorum numerum non explerent; ille vero nun-
quam non apud multos præsertim sacris diebus. atq.
hec ipsa frequentia, quoniam multi ex longinquis
etiam Oppidis concurrebant, amplificabatur in dies;
tū præsertim cum & frigida tempestas esset, & peren-

nes imbres, niuesque & viarum asperitas. Præter conciones institutæ sunt supplicationes publicæ non sine magna tum catholicorum gratulatione, tum hæreticorum pudore. Habitæ etiam cum hæreticis disputationes non sine ipsorum dedecore & probro. qui cum manifestis rationibus tenerentur, cogebantur demum ijs quæ Pater diceret, assentiri. nec aliter suam excusabant inscitiam, nisi Patris accusando sapientiam; quod negarent iccirco ei posse resisti, quod ille Doctor esset insignis. Omnes fere catholici, qui mille ducenti circiter & quinquaginta numerabantur, expiatis confessione peccatis sacratissimum Christi corpus sumpserunt. quæ res eo est habenda maior, quod in ijs locis multi ne nomen quidem huius audierant sacramenti. quocirca nostri in tradenda rudibus confitendi ratione satis habuere negotij. Promulgatum est etiam Iubilæum, quod summus Pontifex per id tempus indixerat: Sed quoniam quævis esset Iubilæi, ne hoc quidem quisquâ tenebat, pro concione explicandum id fuit. In digressu relicta sunt illis præcepta institutaq. salutaria, præsertim quæ ad templorum cultum & sacrorum procurationem pertinerent. adhibita præterea Parocho cohortatio viro quidem bono, sed non admodum erudito, ut creditas sibi oues quam diligentissime curet, easque tum doctrinæ Christianæ pabulo, tum diuino verbo reficiat. idque de superiore loco, ne in posterum sermo detur hæreticis, qui in ignominiam Catholicorum iacebant, Catholicum audere neminem, nisi forte Monachum, aut Iesuitam de superiore loco disserrere. Denique salutaris his hominibus fuit nostrorum aduen-

ius, quo etiā tristior visus est discessus. Flebant enim vberim, cum à nostris diuellerentur, eosque discedentes prosecuti sunt adeo multi, facile ut appareret, quam arctis officijs illorum sibi animos nostri deuinxerint. Atque hæc ex hoc Collegio præcipua.

TAVRINENSE COLLEGIVM & Domus Probationis Aronenfis.

Taurini recepti sunt in Societate quatuor, totidemq. ad alios ordines coenobiaq. dimissi. Sodalitium B. Virginis è natu grandioribus institutum est. quo graues etiā viri senatoresq. conueniunt. Templum celebratur ut cum maxime. du bus festis ad cœleste conuiuium mille circiter accessere. præter eos qui, quoniam loci premebantur angustijs, ad alias mēsas expiatis apud nos animis discedebant. Sed peccatorum expiatione complures è vitiorū sordibus emerunt, non nulliq. ex animi & corporis sunt erepti periculis. Quidā siue alta quædam tristitia, siue desperatio animum occupasset, inedia se ipse confecerat, in eoque pertinaciter stabat, nihil ut omnino gustaret: tandem nostrorum monitis suasuq. se flexit, cibumq. sumpsit. sero ille quidem, erat enim iam ad extrema deductus; sed tamen cum corporis non posset, animæ saluti prospexit. peccatum suum quod sui ipsius homicida fuisset, magno cum dolore sensuque animi confessus est, sacroque inunctus oleo, ut in extremo certamine cōstitutis mos est, excessit è vita. Reus in questione siue nocendi consilio, siue ut mendacio se à cru-

ciatibus liberaret, nobilem quemdam iuuenem grauis
 cædis auctorem nominauerat. cum duceretur ad mor-
 tem, actum est diligenter à nostris vt confessionem il-
 le suam coram multitudine & coram Iudice de pati-
 bulo ipso retexeret. ita eadem opera duobus homini-
 bus dispari beneficio consultum est. alteri, ne capitis
 discrimen adiret, si innocenti vitæ falsum crimen hæ-
 sisset; alteri, ne cum corpore simul animum perderet,
 si tanti sceleris conscientia diem vltimum clauderet.
 His alijsque nostrorum officijs dum hominum saluti
 seruitur, vñitata hominum beneficentia non defuit.
 Princeps vir, Ducis affinis ad Lauretanam profectus
 Aedem, vbi comiter est exceptus à nostris, ita amare
 nos cœpit, vt cū primū huc reuertisset, ex ædificationi
 templi certam pecuniæ summam in annos singulos af-
 signarit. erat etiam in animo Societatis Collegium vel
 Probationis Domum suo quodā in oppido collocare;
 ad eamque rē ædes sane commodas, annuosque redi-
 tus satis amplios decreuit. Hanc liberalitatem alius
 imitatus est ciuis, qui idem medicus, idem theologus
 cum se suaque omnia consecrare Societati vellet, nec
 tamen iustis de causis fieret voti compos; bonorum
 omnium donationem Societati fecit. & quamquam
 nostris auctoribus vsus fructus sibi superstiti reserua-
 uit; tamen quicquid ex tenui frugaliq. eius victu cul-
 tuque superest, id totum in rem nostram benigne con-
 fert, præcipueq. in apparandam instruendamque, Col-
 legij causa, bibliothecam. Tam egregiam ciuis libera-
 litatem Deus ipse compenset.

Ex Aronenſi Domo præterea quæ domi geſta
 ſunt,

sunt, non exigui utilitatis fructus in proximos redun-
darunt. Bacchanalibus dum Catechismi specie compo-
situm puerorum agmen per urbem ducitur, & larua-
rum monstra sublata, & saltantium choreæ dissipatæ
sunt. Controuersia quoq. & inimicitia compressæ nõ
nullæ. Quidam cum d. propinquo accepisset iniuriam,
mortem ei vel cum animi corporisq. periculo decre-
uit inferre. in eoque adeo pertinax erat, vt de senten-
tia nullius posset auctoritate deduci. vt ad nostros ven-
tum est, Pater qui cum eo agere cœperat, durum ho-
minem noua quadam ratione flectendum existimauit.
Vna templum ingreditur: valuas occludit: coram au-
gustissimo Christi corpore precationi secum se dedas
hortatur. negat ille se vel ad recitandam precationis
dominicæ formulam expedire posse linguam. Tam
gravi morbo varia & multiplex est admota curatio,
modo quæ vreret, modo quæ dolorem leniret: preci-
bus mistæ minæ, & acres obiurgationes blandis cohor-
tationibus temperatæ. nullum tamen proderat medi-
cinæ genus: respondebat sibi illa non esse noua, neque
ignarum se esse discriminis sui, sed tum aduenisse tem-
pus, cum sibi necessario pereundum esset; quoniam con-
strictus catenis teneretur à dæmone. rogatus per con-
fessionem absolui ne vellet, ne id quidem optare se pos-
se dixit, & quamquam non esset nescius, quam graui-
ter offenderet apud Deum & quantam strueret sibi
ipse perniciem, nunquam tamen se commissurum, vt si
iniuriæ cederet, in eo gloriaretur inimicus. Sed nimi-
rum in curandis animis, vt in corporibus par est adhi-
benda constantia. Pater nunquam diuinæ bonitatē dif-

fusus denuo furentem aggreditur, denuo precationi se dedat hortatur, interim ipse adhibitis deprecatoribus BB. Gratiano, & Felino Martiribus, quorum in eo templo sita sunt corpora, magna animi contentione supplicare Deo institit, ut discussa caligine lumen aliquod cæcæ menti præferret. Vix precandi finem fecerat, cum cæco dies illuxit. itaque sublati in cælum manibus gratias agens, quos dixi Martyribus agere cœpit, quod eorum meritis clarissima sibi lux esset oborta, ut quanto in periculo versaretur, tum demum aperte perspiceret. itaque non prius abire è templo constituit, quam aduocato inimico reconciliatio gratiæ facta est.

COLLEGIVM COMENSE,
& Vercellense.

Etsi paucos socios alit Comense Collegium, non tamen in proximorum prouehenda salute postremas tenet. Ac dum publica valetudinaria inuisuntur ceteraq. Societatis munera obeuntur, sunt & prodigia animaduersa nonnunquam. Erat in valetudinario ex administris energumena quædam, quæ eo consilio ad Sacerdotem nostrum deducta est, ut per eum malus dæmon abigeretur. Pater mulierem primo cohortatus est, ut id pœnarum genus immissum à Deo æquo animo acciperet, eiusque arbitrio suam causam salutemq. committeret: Tum adhibitis de more precibus, eam die tertio Dei benignitate liberam solutamq. dimisit. Nec minore illud admiratione dignum est, cum
ager

Æger quidam magnis febribus iactaretur, confessionis causa sacerdotem nostrum accersit: qui dum medetur animo, non sentit se medicinam ægro corpori facere. æger enim expiatis confessione peccatis, conuersus ad Patrem, Tuus, inquit, aduentus meum expulit morbum. fidē fecit subitus ē cubili discessus. postridie enim gaudio exultans ac si iam pridem ē lectulo surrexisset ad Oratorium cum reliquis sodalibus sese contulit; stans pentibus qui totius rei conscij erant. Concionū non minor opportunitas fuit quam familiaris congressus. Missus est per Quadragesimam Borromei Cardinalis rogatu concionator vnus in oppidū quoddam suæ diœcesis: quod quidem oppidū iccirco à sanctissimo pastore dissidebat, quod penes se, non penes Cardinalem esse volebat eligendi concionatoris arbitrium. Concionator tamen ille, etsi à Cardinali dabatur, libentissimis animis exceptus est; & cum ē suis concionibus eam cepit vilitatem, quā à Dei bonitate sperari par est; tū gregem cum pastore coniunxit, omniumq. animos induxit, ut persuasissimum esset, nunquam ab eo in posterū disfidere. Alia non minus grauias dissidia sublata sunt. Parens & filius mutuis odijs discordijsq. se pene consumpserant. neuter æquis oculis videre alterū poterat, & præter grauissimas contumelias, quas vicissim alter in alterum intorquebat, minimum absuit, quin ad arma sæpe venirent. Parens potestate patria filio se maledicturū minitabatur: Filius negabat eum parentis numero sibi esse, ac minis subinde terrebatur. his altercationibus accendebatur odium, nec qui restingeret facile inuentus est. finem discordiarum per

nostros attulit Deus. Quare nunc ambo tanta animi consensione inter se viuunt, quantam necesse est esse inter parentem & filium. Nec vero inter externos modo dissidentium animi reconciliati, sed etiam qui nostro ordini insensi erant ad amicitiam nostram consuetudinemq. tractati sunt. Cuius male in nos animatus, mentitus est palam quemdam e nostris propter grauissima scelera Venetijs infami morte multatum esse. Sed ne hominis mendacio aliqua labes nostro nomini aspergeretur, cuius quidā pro amicitia dedit operam, ut is coram ijs, apud quos famam nostram violauerat, palinodiam caneret: adduci non potuit: accessit auctoritas alterius viri grauis qui lege sibi agendum esse existimabat; nostrisq. id recusantibus dixit eā iniuriam suam ducere, sibiq. statutum esse vel nobis iniuriis pro dignitate nostra pugnare. non fuit opus; prior enim ille amicus anteuertit, & hominem mendacem induxit, ut commutata voluntate orationem suam retexeret. ita multo honestius silentio res est compressa quam foro. Alius multos iam annos tantum in nos conceperat odium, ut ne nomē quidem nostrum aequis auribus audiret: Immo tā fœda in nostrū ordinem suis sermonibus eructabat, ut ab eorum commemoratione vel aures ipsæ adhorrerent. nostrorum lenitate perfectum est, ut summum illud odium pari nunc amore compenset. Ciuitas nostra est, quod & hominum concursus indicat ad ædem nostrā, & singularis quædam in conferenda stipe benignitas. quæ ipsa multo maior foret, si nostra ipsis perspecta esset inopia. accidit, ut cum maxime laboraretur, mendicandum tota

vrbe

urbe nostris fratribus esset; quæ res ab eis eo latioribus animis excepta est, quò efflagitata vehementius. Sed quod nostris fuit materia virtutis, id ciuitatis in nos animum declarauit. venit enim ad Collegium sollicita nobiscum querens, quod nihil sibi ea de re significatum esset: nec ita multo post mittendis muneribus domum cumulate subuenit. eadem ciuium liberalitate nonnullæ in Gymnasio exædificatæ sunt exbedræ. Turris etiam campanis sustinendis erecta; campanæque magni ponderis binæ coemptæ; & id genus alia & benefica ciuitate in nos profecta sunt.

Vercellense Collegium vt adhuc in suo ortu, nondum suis opibus auctum & confirmatum est, id tamen propediem fore speramus. Cardinalis Vercellensis cum huc venisset, significauit causam aduentus sui eam fuisse præcipuam, vt rem Collegij à se inchoati prouerberet, bis ades inspexit, bis templum: urbemq. totam ipsemet obiit, vt apuissimum nobis ad ædificandum locum deligeret, in eamq. rem nummum aureorum quatuor millia decreuit. Denique noster est & ad rem nostram gerendam sua sponte propensus.

MISSIO IN SALVTIOS.

IN Salutijs noua rerum facies, ex quo in eas oras Societas penetrauit. Catholici nequaquam satis nostros homines laudare possunt, in eoq. maxime gloriatur, quod inter ipsos sit qui desperatis emolumentis & commodis Christum prædicent. Nostrorum aduentus vix dici potest quam debilitarit hæreticos. quanquam
in

in his oris ea est eorum pertinacia, ut quodam in oppi-
do pœna capitis sanxerint, ad Catholicos ne quis tran-
seat. admoniti de suo ipsorum interitu, respondēt siue
salus siue interitus eos maneat, sibi esse perinde: per-
suasissimū esse viuere in instituto. Tamen & eo ipso in
loco vidua quædā ad Catholicos se recepit, & in alio
vbi sedes Societas habet, alij decē. Apud hæreticos ma-
gna erat antea existimatio Caluini. vulgo lectitabatur
& terebatur assidue: nunc deniq. refrixit eius studiū,
toties iam eius confutatis erroribus. Quin hæretici ipsi
ne suis quidē contenti dogmatibus incipiunt tum è suis
non nulla explodere, tū è nostris amplecti nonnulla. alij
qui accedere ad sacrificiū Missæ non dubitāt; alij suos
ad Ecclesiā liberos mittunt ut in baptismo renascan-
tur: quod dicant sibi iam liquere sectā suam diurnā
esse non posse. Ac si regiū aliquid interueniret edictū
nemo non, ut vel ipsi fatētur hæretici, fidem Catholicā
amplecteretur. quod ipsum iccirco fit verisimile, quod
multos qui se errare non nesciunt, confiteri tamen id
pudet. huc accedit quod onera quædam a suis imposi-
ta tolerare non possunt: & quod caput est sentiūt im-
probam eorum vitam cum disciplinæ prauitate con-
gruere. Aestas multos in hac loca morbos inuexit.
quæ res nostris fuit, dum ægris corporibus animisque
subueniunt, seges quædam & materia virtutis. Catho-
licus vir primarius iam ætate prouectus, nullum ad-
mittebat de morte sermonem: cum incidisset in mor-
bum, nostri Patris admonitu præclare se ad omnem
euentum comparauit. labes animi confessionis sacra-
mēto deleuit ac sese Dei permisit arbitrio. duo de præ-
cipuis

cipuis hæreticis ut eum ab institutis abducerent inuiserunt: quod ille sentiens nihil ad eorum interrogata salutationesq. respondit; cum tamen catholicos magna hilaritate vultus & sermonis exciperet. itaque ingrauescente morbo sacramentis munitus Ecclesiæ cessit è vita. Cum adhuc viueret eleemosynæ nomine aureos nummos octingentos collocandis in matrimonium virginibus; alijsue subleuandis egenis dari iussit. Excursum est in finitimos etiam locos, præsertim ad Vallem Mairam magna cum voluptate Catholicorum. mira in his locis à religiosis hominibus solitudo, tum propter regionum asperitatem, tum propter multitudinem & feritatem hæreticorum. vigesimum iam annum Catholici illi concionatorē non viderant: maxime autem in nostros homines propendebant. itaque communi etiā hæreticorum consensu, qui alias intercesserant, decreuerunt eum ipsum Sacerdotem, quem proxima hyeme habuerant, Quadragesimæ tempore accersendum: hæreticiq. ipsi litteras Reip. nomine reddiderunt. Concessus est quem petebant exceptusq. maxima omnium gratulatione: auditus vero pari cum Catholicorum tum hæreticorum frequentia. Populi eum vniuersi honoris causa comitabantur. cumq. aliquando Catholicorum rogatu de sacrificio Missæ concionem habuisset. exultabant postea in hæreticorum conspectu Catholici, illud affirmantes quemadmodum Pater verbis auctoritateq. sacrarum litterarum sanctorumq. Patrum, ita se pro sacrificio Missæ re armisque dimicatuuros. nullum vnquam vbi vbi essent inter rogandi finem faciebant. Patrem frequenter adibant

vespertinis præsertim temporibus, cum eoq. quaternas senasue horas excipiendis sacra scriptura locis quibus hæreticorum mendacia redarguerent consume-
bant. Itaque mirum est, quam in his oris exultas quon-
dam hæreticorum superbia ac contumacia repressa
sit. In hac ipsa valle hæretici duodequadraginta Ec-
clesiæ se subiecerunt, alijque fere centum, quorum
religio nec integra nec constans erat, confirmati
in ea sunt, sic ut quiduis potius perperuros se esse con-
firmant, quam ut abduci se in posterum à falsis docto-
ribus patiantur. Complures alij communem matrem
agnouissent Ecclesiam, nisi Quadragesima incunte
hæreticorum minister sese occulte insinuasset: is dum
clandestinis colloquijs ab audiendis Catholicorū con-
cionibus & à congressu Patris unumquemque deter-
ret, valde remoratus est rem Catholicam. Id tamen
non mediocri fuit adiumento Catholicis, quod is ad
disputandum tum publice tum priuatim sæpe laces-
sus (spondentibus pro eo etiam hæreticis) disputa-
tionis pugnam turpiter abnuit. & est sane mi-
randum, congressum illi nostrum quanto-
pere fugiant. Quare magna spes est
breui complures ex his locis ab
hæresum peste liberos fore.
Quod utinam pro sua
in Catholicos pro-
videntia, de-
Deus.

PROVINCIA

POLONIAE.

66



Onstat vniversa Polonia quindecim circiter domicilijs. focij prope trecentis. In Bransbergenſi modo quinquaginta, modo ſeptuaginta fuerunt. In Pultouienſi duodeviginta. In Vilnenſi ſexaginta. In Poſtnanienſi tres & triginta. Iaſoſlauij fere triginta. Rigæ ſex. Torpaſi ſeptem. In Lublinenſi Collegio tres. Stocholmij totidem. Reliqui in ceteris. Dicarunt ſe in Societatem quattuor circiter & quadraginta. Octo migrarunt è vita. Quoniam autem ex hac provincia biennio iam deſiderata ſunt litteræ, ita huius anni acta commemorabimus, vt Superioris etiam ratio habeatur.

BRANSBERGENSE, & Pultouienſe.

E Bransbergenſi Collegio duo & viginti ad Societatem aggregati ſunt. Nouitiorum in primis vir-
tus enituit, qui dum in ſubleuandis ægrorū miſerijs o-
peram ſuam collocant, miſerum quemdam relictum
ab omnibus totoque corpore in cœno iacentem ſedulo
curarunt, nec ſemel vniuerſum ſuis ipſi manibus elue-
runt. quæ res maxime profuit ad exemplum. In Po-
merania, & Pruſiæ paries itum eſt, vbi cum bene ge-
ſta permulta, tum ad Eccleſiæ gremium reducti com-
plures. Sunt huic adiuncta collegia Seminarium Pon-
tiſ-

ificium ac Diœcesanum, tum etiam conuictorum con-
 gubernium. Cum conuictoribus agunt quattuor è no-
 stris, duo autem in Seminario Pontificio, totidemq. in
 Diœcesano. Discipulorum numerus ad trecentos: quo-
 rum sæpe non minus ardens pietatis est studium, quã
 litterarum. Certe Põtificij Seminarij Alumni ea vir-
 tutis documenta præbent, vt à religiosis cœnobitis illu-
 striora non flagites. Fuerũt qui celebrioribus quibus-
 dam diebus mendicos conuiuio exciperent, pedes ab-
 luerent, vlcera contrectarent, iisq. ad naturæ superã-
 dos horrores etiam oscula figerent. Alius pene puer
 ad tempus dimissus in patriam, quæ tota ferme con-
 stat hæreticis, hæreticos concionatores, & per expedi-
 to latine loquendi vsu, & popularibus quibusdam ra-
 tionibus ita perstrinxit, vt in insaniam versi publice
 pro concione in eius propinquos inueherentur, ac ne
 ad nos remitterent, prohiberent. qui tamen vellent nol-
 lent remissus est clam.

Duos ad nostrũ numerum Pultouienſe Collegiũ
 adlegit, nec minore studio ceterorum commodis salu-
 tique consuluit. Quidam cum multis annis grauissima
 peccata confiteri negligeret ob eamq. causam vna cũ
 coniuge grauiter egrotaret, ecce tibi humana specie
 demon, qui gladio homini demonstrato, vt se suam-
 que vxorem liberosq. necaret hortatus est. Ex altera
 parte vox exiit ex occulto, qua expiare scelera iube-
 batur. cui cum parere induxisset in animũ, continuo
 melius habere cepit; nec ita multo post in pristinam
 valetudinem restitutus vniversa apud nos peccata vt
 in animo constituerat, expiauit.

Hæc-

Hæretici quamquam rari admodum, quæ Dei benignitas est, in hac Polonia ora versantur, ex ijs tamē qui sunt, quindecim ad Ecclesiā redierūt. in his octogenarius quidam, alter Sacerdos, qui decimū iam annum hæreticorum minister fuerat, Tertius Anabaptista.

Habita est & vicinorum exterorumque ratio præcipueq. Liue; quod oppidum quamquam hæreticis vndique cinctum sit. tamen tanti ad confessionem communionemq. fuere concursus, vt toto Paschatis triduo ne quattuor quidem Sacerdotes, assidua opera, facerent satis. Catholici autem quamuis cum Anabaptistis sint vbique permisti, & ad nefariam sectam omnibus opibus instigentur, constantissimi tamen reperiuntur: ijq. nostrorum aduētū & mirifice recreati sunt, & in proposito confirmati.

Gymnasium & nobilitate floret & numero. Regis ex fratre nepos Andreas Batorius, is quem supra nominauimus, cum quadriennio amplius operam Gymnasio nostro dedisset; hoc anno euocatus à Rege cum omnes pereleganti oratione publice salutasset, magno omnium cū mærore desiderioq. discessit. Ceterorū auditorum pietas cum litterarum studio certat. ex ijs quidā magnis à fratre promissis sollicitatus, vt & scholas nostras, & catholicam religionem defereret, chariorem sibi esse salutem animi, quam fratris promissa respondit; quin si ipse in perfidia persisteret, sibi eum fratris numero non futurum. Quoniam autem ex his auditoribus non desunt, qui rei familiaris inopia & te

cessarijs, nostri eis de habitatione commodat gratis, & per piorū hominū subsidia præsto sunt. Ad Collegij autem amplitudinem, & nostrorum habitandi commoditatem non parua accessio facta est. Templumq. ab auctore & parente collegij multis ante annis inchoatum postea deiectum magnificentius ædificari cæptum est.

V I L N E N S E.

Admisit in Societatem Vilnense collegium hoc anno tredecim: superiore, tres. quorum plerique philosophia & litteris perpoliti sunt. Hæc causa fuit cur Dei matris sodalitas suo sit numero diminuta: inde enim magna ex parte prodire. quanquam quæ B. Virginis tutela est, in eorum locum suffecti sunt alij viri in primis nobiles, qui pietatis & religionis ardore vniuersis sunt exemplo sodalibus. In Gymnasio conscientiae casus, explicari nunc primum cæpti sunt, ad eosque tum è nostris, tum ex externis complures accedunt. De Templo hoc vniuerse dici potest, consentiū turbæ vix, ac ne vix quidem fieri satis; sæpeq. non nullos confessionis opportunitatem totas hebdomadas aucupari. Sane pernecessaria est in his oris Sociorum opera, nec tam ad expiandos quam ad erudiendos multorum animos; in quibus mira rerum, quæ ad religionem pertinent, ignoratio est. nihil hic de Inferorū pœnis, nihil de Christianæ vitæ officio cognitum est. Atque hoc in ipsa vrbe. nam pagos vix nota vlla ab ethnicis internoscas; ita sunt crassis circumfusi tenebris. Erat consuetudo quædam Ethnicorum supersti-

tionibus non absimilis, ut inter Missæ sacrificium pul-
li gallinacei inijcerentur in templum, quorum volatu
existimabant vnus cuiusq. rei exitus declarari. nam
si iniectus gallus in sublime volasset, prospera; sin' ali-
ter prænunciabat aduersa. Sed hæc superstitio sensim
Deo opitulante minuitur, & ut alia multa prauæ insti-
tuta, ita hoc, eodem adiutore Deo, funditus euellitur.
A Luthero Caluinoque discessere triginta. A Schis-
mate etiam octo. In his Palatina quædam, quæ qua-
dragesimum iam annum misere iacebat in tenebris.
Quidam autem nobilis adolescens adeo pertinaciter
hærebat in hæresi, ut Catholicorum vitaret aspectum
cumq. morbo oppressus inuiseretur à nostris, agre eos
admisit, veritus ne cum fari cœpissent, moris eum hor-
rore persunderent: sed alios est eos ac suspicabatur, ex-
pertus; qui non modo ei non fuere terrori, sed fuere so-
latio. promisitq. Sacerdos noster pro eius incolumita-
te postridie, quâ hora febris accederet, eadem se sa-
cra facturum. Tum ille, si perfeceris inquit, ne crasti-
na febris accedat, Credam sacrificio vestro vim in
esse diuinam. sacrificauit pater, nec febris, quæ me-
tuebatur, accessit. Adolescens quamquam sacrifi-
cij vim sensit; tamen in sententia perstabat. itaque
minatur Pater, fore ut consequenti sacrificio, febris
quæ recesserat, reuertatur. ille, ne faciat rogat. si-
bi certum esse de sententia desistere. itaque recrea-
tus è morbo & catholicæ religioni nomen dedit, & B.
Virginis sodalitus. Nobilis femina cum sepe ante
de religione nobiscum egisset, numquam autem ut
eam susciperet, induci posset; tandem vnici morte fi-

lū percussa, Dei se punientis dextram agnouit. Vilnā itaque venit, ac de reiicienda hæreſi ſerio nobiſcum egit, ſed cum adhuc religionum ſcrupuli reſiderent, ac ceſſito Caluiniano miniſtro, placuit cum Catholicis diſputationem inſtitui. Inita à noſtris pugna, vi hæſitantem miniſtrū mulier aſpexit, continuo ſe Romanæ Eccleſiæ, renitente Senatore quodam, vnde hæreſim hauſerat, conſecrauit.

MISSIO S M O D E C E N S I S.

SEd quæ domi geruntur nihil ad ea, quæ geſta ſunt foris. Smodeci ſuperſtitiones & errores ſublatis ſunt multi. Larem pagani colebant, quem illi, Dimſtipan, nos ſumi aut foci dominum appellare poſſumus. huic par gallorum à vicinis offerebatur. deinde pro cuiusque fortunis epulum inibatur. epularum aliquid relinquere in inſequentem diem religioni erat. quin aqua ipſa vnde lances elutæ eſſent, abſumebatur igne. Mortuis epulas anniuerſario die pro ſuis quiſque opibus miniſtrabat. miniſtrandi is erat ritus: effundebatur aqua ſub menſam, cochlearia erigebantur in patinis, cereiſq. accenſis certis quibusdam verbis mortuum ſortilegus compellabat. quibus rite peractis tum demum accumbebatur. cibiq. primum fruſtulū deſiciebatur in terram. Nec minus illa ridicula: Die Pentecoſtes frumenti partem ſingulæ familiæ conſerebant, portioneq. è frumento conſecta ſimul conueniebant: cumque vel ariete immolato, vel ad ripas fluminum boue caſo diſcumberent; ſortilegus aut alius quiſpiā

ata-

etate prouectior de carnibus prælibabat; ab eoq. omnes tempus & auram commodam precabantur. Quid singula colligam? nulla pene res superstitione vacabat. Si cuiquam filius agrotaret, is sortilegum accersebat, qui iactis sortibus Deo agnum pro agrotantis salute litabat. eo caso parentibus tantum ceterisq. filiis vesci fas erat, relicta pelle sortilego. Si serendum esset, gallus gallinaque sacrificabatur. Si quid in grege suum generosum existeret, id pater familias Deo ad augendū gregis numerum sacrificabat. De sacrificio præter liberos parentesq. gustabat nemo. Infantes qui sine baptismo decessissent, in sacra tilia reponebantur, quod vulgo dicerent nefas esse huiusmodi puerulos terræ mandari. Mos etiam fuit, ut mulieres sue, diuturno tempore, saginata litarent. eamque postea apparatus opipare deuorarent: reliquias vero partim in horreo terræ mandarent, partim sub mola domestica. præficietur his sacris sponsa nouella, quæ sacra violentibus Deæ Telluris minitaretur ultionem. Hac & alia superstitionum genera, quæ missa facimus, paria necessario uitia consequebantur. Ebrietas numerabatur in laudibus. Matrimonia ex raptu virginum inibantur; nec vnā tantum vnus, sed plures ducebat uxores. Nihil de Deo trino vnicoq. nihil de humani generis Redemptione, nihil de animorum immortalitate auditū erat. Sacramentorum nullus erat vsus: tantum tractabatur aratrum, & omnis eorum cura in occatione & subigendis glebis consumebatur. Quo circa in his excolendis hominibus quantum fuerit insudandum, non est difficile existimare. Deo iuuante perfectum est, ut

nostros attulit Deus. Quare nunc ambo tanta animi consensione inter se viuunt, quantam necesse est esse inter parentem & filium. Nec vero inter externos modo dissidentium animi reconciliati, sed etiam qui nostro ordini infensi erant ad amicitiam nostram consuetudinemq. traducti sunt. Cuius male in nos animatus, mentitus est palam quemdam e nostris propter grauissima scelera Venetijs infami morte multatum esse. Sed ne hominis mendacio aliqua labe nostro nomini aspergeretur, cuius quidā pro amicitia dedit operam, ut is coram ijs, apud quos famam nostram violauerat, palinodiam caneret: adduci non potuit: accessit auctoritas alterius viri grauis qui lege sibi agendum esse existimabat; nostrisq. id recusantibus dixit eā iniuriam suam ducere, sibiq. statutum esse vel nobis iniuris pro dignitate nostra pugnare. non fuit opus; prior enim ille amicus anteuertit, & hominem mendacem in duxit, ut commutata voluntate orationem suam retexeret. ita multo honestius silentio res est compressa quam foro. Alius multos iam annos tantum in nos conceperat odium, ut ne nomē quidem nostrum aequis auribus audiret: Immo tā fœda in nostrū ordinem suis sermonibus eruētabat, ut ab eorum commemoratione vel aures ipsæ adhorrerent. nostrorum lenitate perfectum est, ut summum illud odium pari nunc amore compenset. Ciuitas nostra est, quod & hominum concursus indicat ad adē nostrā, & singularis quædam in conferenda stipe benignitas. quæ ipsa multo maior foret, si nostra ipsis perspecta esset inopia. accidit, ut cum maxime laboraretur, mendicandum tota

vrbe

vrbe nostris fratribus esset; quæ res ab eis eo latioribus animis excepta est, quò efflagitata vebementius. Sed quod nostris fuit materia virtutis, id ciuitatis in nos animum declarauit. venit enim ad Collegium sollicita nobiscum querens, quod nihil sibi ea de re significatum esset: nec ita multo post mittendis muneribus domum cumulate subuenit. eadem ciuium liberalitate nonnullæ in Gymnasio exædificatæ sunt exhedræ. Turris etiam campanis sustinendis erecta; campanæque magni ponderis binæ coemptæ; & id genus alia & benefica ciuitate in nos profecta sunt.

Vercellense Collegium vt adhuc in suo ortu, nondum suis opibus auctum & confirmatum est. id tamen propediem fore speramus. Cardinalis Vercellensis cum buc venisset, significauit causam aduentus sui eam fuisse præcipuam, vt rem Collegij à se inchoati prouerheret. bis ædes inspexit, bis templum: urbemq. totam ipsemet obiit, vt aptissimum nobis ad ædificandum locum deligeret. in eamq. rem nummum aureorum quatuor millia decreuit. Denique noster est & ad rem nostram gerendam sua sponte propensus.

MISSIO IN SALVTIOS.

IN Salutijs noua rerum facies, ex quo in eas oras Societas penetrauit. Catholici nequaquam satis nostros homines laudare possunt, in eoq. maxime gloriatur, quod inter ipsos sit qui desperatis emolumētis & commodis Christum prædicent. Nostrorum aduentus vix dici potest quam debilitarit hæreticos. quanquam
in

in his oris ea est eorum pertinacia, ut quodam in oppi-
do pœna capitis sanxerint, ad Catholicos ne quis tran-
seat. admoniti de suo ipsorum interitu, respondēt siue
salus siue interitus eos maneat, sibi esse perinde: per-
suasissimū esse viuere in instituto. Tamen & eo ipso in
loco vidua quædā ad Catholicos se recepit, & in alio
vbi sedes Societas habet, alij decē. Apud hæreticos ma-
gna erat antea existimatio Caluini. vulgo lectitabatur
& terebatur assidue: nunc deniq. refrixit eius studiū,
toties iam eius confutatis erroribus. Quin hæretici ipsi
ne suis quidē contenti dogmatibus incipiunt tum è suis
non nulla explodere, tū è nostris amplecti nonnulla. alij
qui accedere ad sacrificiū Missæ non dubitāt; alij suos
ad Ecclesiā liberos mittunt ut in baptismate renascan-
tur: quod dicant sibi iam liquere sectā suam diuturnā
esse non posse. Ac si regiū aliquid interueniret edictū
nemo non, ut vel ipsi fatētur hæretici, fidem Catholicā
amplecteretur. quod ipsum iccirco fit verisimile, quod
multos qui se errare non nesciunt, confiteri tamen id
pudet. huc accedit quod onera quædam a suis imposi-
ta tolerare non possunt: & quod caput est sentiūt im-
probam eorum vitam cum disciplinæ prauitate con-
gruere. Aestas multos in hac loca morbos inuexit.
quæ res nostris fuit, dum agris corporibus animisque
subueniunt, seges quædam & materia virtutis. Catho-
licus vir primarius iam ætate prouectus, nullum ad-
mittebat de morte sermonem: cum incidisset in mor-
bum, nostri Patris admonitu præclare se ad omnem
euentum comparauit. labes animi confessionis sacra-
mēto deleuit ac sese Dei permisit arbitrio. duo de præ-
cipuis

cipuis hæreticis ut eum ab institutis abducerent inuiferunt: quod ille sentiens nihil ad eorum interrogata salutationesq. respondit; cum tamen catholicos magna hilaritate vultus & sermonis exciperet. itaque ingrauescente morbo sacramentis munitus Ecclesiæ cessit è vita. Cum adhuc viueret eleemosynæ nomine aureos nummos octingentos collocandis in matrimonium virginibus; alijsue subleuandis egenis dari iussit. Excursum est in finitimos etiam locos, præsertim ad Vallem Mairam magna cum voluptate Catholicorum. mira in his locis à religiosis hominibus solitudo, tum propter regionum asperitatem, tum propter multitudinem & feritatem hæreticorum. vigesimum iam annum Catholici illi concionatorē non viderant: maxime autem in nostros homines propendebant. itaque communi etiā hæreticorum consensu, qui alias intercesserant, decreuerunt eum ipsum Sacerdotem, quem proxima hyeme habuerant, Quadragesimæ tempore accersendum: hæreticiq. ipsi litteras Reip. nomine reddiderunt. Concessus est quem petebant exceptusq. maxima omnium gratulatione: auditus vero pari cum Catholicorum tum hæreticorum frequentia. Populi cum vniuersi honoris causa comitabantur. cumq. aliquando Catholicorum rogatu de sacrificio Missæ concionem habuisset. exultabant postea in hæreticorum conspectu Catholici, illud affirmantes quemadmodum Pater verbis auctoritateq. sacrarum litterarum sanctorumq. Patrum, ita se pro sacrificio Missæ re armisque dimicaturos. nullum vnquam vbi vbi essent interrogandi finem faciebant. Patrem frequenter adibant

vespertinis præsertim temporibus, cum eoq. quater-
 nas senasue horas excipiendis sacræ scripturæ locis
 quibus hæreticorum mendacia redarguerent consume-
 bant. Itaque mirum est, quam in his oris exultās quon-
 dam hæreticorum superbia ac contumacia repressa
 sit. In hac ipsa valle hæretici duodequadraginta Ec-
 clesiæ se subiecerunt, alijque fere centum, quorum
 religio nec integra nec constans erat, confirmati
 in ea sunt, sic ut quiduis potius perpeßuros se esse con-
 firmant, quam ut abduci se in posterum à falsis docto-
 ribus patiantur. Complures alij communem matrem
 agnouissent Ecclesiam, nisi Quadragesima ineunte
 hæreticorum minister sese occulte insinuasset: is dum
 clandestinis colloquiis ab audiendis Catholicorū con-
 cionibus & à congressu Patris vnumquemque deter-
 ret, valde remoratus est rem Catholicam. Id tamen
 non mediocri fuit adiumento Catholicis; quod is ad
 disputandum tum publice tum priuatim sæpe laceßi-
 tus (spondentibus pro eo etiam hæreticis) disputa-
 tionis pugnam turpiter abnuñt. & est sane mi-
 randum, congressum illi nostrum quanto-
 pere fugiant. Quare magna spes est
 breui complures ex his locis ab
 hæresum peste liberos fore.
 Quod vtiā pro sua
 in Catholicos pro-
 uidentia, de-
 Deus.

PROVINCIA

POLONIAE.

66



Onstat vniuersa Polonia quindecim circiter domicilijs. socij prope trecētis. In Bransbergensi modo quinquaginta, modo septuaginta fuerunt. In Pultouiensi duodeciginta. In Vilenensi sexaginta. In Postnaniensi tres & triginta. Iaroslauij fere triginta. Rigæ sex. Torpatij septem. In Lublinensi Collegio tres. Stocholmij totidem. Reliqui in ceteris. Dicarunt se in Societatem quattuor circiter & quadraginta. Octo migrarunt e vita. Quoniam autem ex hac prouincia biennio iam desiderata sunt litteræ, ita huius anni acta commemorabimus, vt Superioris etiam ratio habeatur.

BRANSBERGENSE, & Pultouiense.

E Bransbergensi Collegio duo & viginti ad Societatem aggregati sunt. Nouitiorum in primis virtus enituit, qui dum in subleuandis ægorū miseris operam suam collocant, miserum quemdam relictum ab omnibus totoque corpore in cæno iacentem sedulo curarunt, nec semel vniuersum suis ipsi manibus elucunt. quæ res maxime profuit ad exemplum. In Pomerania, & Prussiæ partes itum est, vbi cum bene gesta permulta, tum ad Ecclesiæ gremium reducti complures. Sunt huic adiuncta collegia Seminarium Pontifi-

Heretici quamquam rari admodum, quæ Dei benignitas est, in hac Polonia ora versantur, ex ijs tamē qui sunt, quindecim ad Ecclesiā redierūt. in his octogenarius quidam, alter Sacerdos, qui decimū iam annum hereticorum minister fuerat, Tertius Anabaptista.

Habita est & vicinorum exterorumque ratio precipueq. Lius; quod oppidum quamquam hereticis undique cinctum sit. tamen tanti ad confessionem communionemq. fuere concursus, ut toto Paschatis triduo ne quattuor quidem Sacerdotes, assidua opera, facerent satis. Catholici autem quamuis cum Anabaptistis sint ubique permisti, & ad nefariam sectam omnibus opibus instigentur, constantissimi tamen reperiuntur: ijq. nostrorum aduētū & mirifice recreati sunt, & in proposito confirmati.

Gymnasium & nobilitate floret & numero. Regis ex fratre nepos Andreas Batorius, is quem supra nominauimus, cum quadriennio amplius operam Gymnasio nostro dedisset; hoc anno euocatus à Rege cum omnes pereleganti oratione publice salutasset, magnō omnium cū mœrore desiderioq. discessit. Ceterorū auditorum pietas cum litterarum studio certat. ex ijs quidā magnis à fratre promissis sollicitatus, ut & scholas nostras, & catholicam religionem defereret, chariorem sibi esse salutem animi, quam fratris promissa respondit; quin si ipse in perfidia persisteret, sibi cum fratris numero non futurum. Quoniam autem ex his auditoribus non desunt, qui rei familiaris inopia & te-

cessarijs, nostri eis de habitatione commodat gratis, & per piorum hominum subsidia præsto sunt. Ad Collegij autem amplitudinem, & nostrorum habitandi commoditatem non parua accessio facta est. Templumq. ab auctore & parente collegij multis ante annis inchoatum postea deiectum magnificentius ædificari cœptum est.

V I L N E N S E.

Admisit in Societatem Vilnense collegium hoc anno tredecim: superiore, tres. quorum plerique philosophia & litteris perpoliti sunt. Hæc causa fuit cur Dei matris sodalitas suo sit numero diminuta: inde enim magna ex parte prodire. quanquam quæ B. Virginis tutela est, in eorum locum suffecti sunt alij viri in primis nobiles, qui pietatis & religionis ardore vniuersis sunt exemplo sodalibus. In Gymnasio conscientia casus, explicari nunc primum cœpti sunt, ad eosque tum è nostris, tum ex externis complures accedunt. De Templo hoc vniuerse dici potest, consentientium turba vix, ac ne vix quidem fieri satis; sæpeq. non nullos confessionis opportunitatem totas hebdomadas aucupari. Sane pernecessaria est in his oris Sociorum opera, nec tam ad expiandos quam ad erudiendos multorum animos; in quibus mira rerum, quæ ad religionem pertinent, ignoratio est. nihil hic de Inferorum pœnis, nihil de Christianæ vitæ officio cognitum est. Atque hoc in ipsa vrbe. nam pagos vix nota vlla ab ethnicis internoscas; ita sunt crassis circumfusi tenebris. Erat consuetudo quædam Ethnicorum superstitio-

tionibus non absimilis, ut inter Missæ sacrificium pul-
li gallinacei inijcerentur in templum, quorum volatu
existimabant vnius cuiusq. rei exitus declarari. nam
si iniectus gallus in sublime volasset, prospera; sin' ali-
ter prænuntiabat aduersa. Sed hæc superstitio sensim
Deo opitulante minuitur, & ut alia multa prauæ insti-
tuta, ita hoc, eodem adiutore Deo, funditus euelletur.
A Luthero Caluinoque discessere triginta. A Schis-
mate etiam octo. In his Palatina quædam, quæ qua-
dragesimum iam annum misere iacebat in tenebris.
Quidam autem nobilis adolescens adeo pertinaciter
hærebat in hæresi, ut Catholicorum vitaret aspectum
cumq. morbo oppressus inuideretur à nostris, ægre eos
admisit, veritus ne cum fari cœpissent, moris eum hor-
rore perfunderent: sed alios est eos ac suspicabatur, ex-
pertus; qui non modo ei non fuere terrori, sed fuere so-
latio. promisitq. Sacerdos noster pro eius incolumita-
te postridie, quâ hora febris accederet, eadem se sa-
cra facturum. Tum ille, si perfeceris inquit, ne crasti-
na febris accedat, Credam sacrificio vestro vim in
esse diuinam. sacrificauit pater, nec febris, quæ me-
tuebatur, accessit. Adolescens quamquam sacrifi-
cij vim sensit; tamen in sententia perstabat, itaque
minatur Pater, fore ut consequenti sacrificio, febris
quæ recesserat, reuertatur. ille, ne faciat rogat. si-
bi certum esse de sententia desistere. itaque recrea-
tus è morbo & catholicæ religioni nomen dedit, & B.
Virginis sodalitus. Nobilis femina cum sæpe ante
de religione nobiscum egisset, numquam autem ut
eam susciperet, induci posset; tandem vnici morte fi-

ly percussa, Dei se punientis dextram agnouit. Vilnā itaque venit, ac de reijcienda hæreſi ſerio nobiſcum egit; ſed cum adhuc religionum ſcrupuli reſiderent, ac cerſito Caluiniano miniſtro, placuit cum Catholicis diſputationem inſtitui. Inita à noſtris pugna, vi hæſitantem miniſtrū mulier aſpexit, continuo ſe Romanæ Eccleſiæ, renitente Senatore quodam, vnde hæreſim hauſerat, conſecrauit.

MISSIO SMODECENSIS.

SEd quæ domi geruntur nihil ad ea, quæ geſta ſunt ſoris. Smodeci ſuperſtitiones & errores ſublatis ſunt multi. Larem pagani colebant, quem illi, Dimſtipan, nos ſumi aut foci dominum appellare poſſumus. huic par gallorum à vicinis offerebatur. deinde pro cuiusque fortunis epulum inibatur. epularum aliquid relinquere in inſequentem diem religioni erat. quin aqua ipſa vnde lances elutæ eſſent, abſumebatur igne. Mortuis epulas anniuerſario die pro ſuis quiſque opibus miniſtrabat. miniſtrandi is erat ritus: effundebatur aqua ſub menſam, cochlearia erigebantur in patinis, cereiſq. accenſis certis quibuſdam verbis mortuum ſortilegus compellabat. quibus rite peractis tum demum accumbebatur. cibiq. primum fruſtulū deijciebatur in terram. Nec minus illa ridicula: Die Pentecoſtes frumenti partem ſingulæ familiæ conſerebant, potioneq. è frumento conſecta ſimul conueniebant: cumque vel ariete immolato, vel ad ripas fluminum boue caſo diſcumberent; ſortilegus aut alius quiſpiā

eta-

etate prouectior de carnibus prælibabat; ab eoq. omnes tempus & auram commodam precabantur. Quid singula colligam? nulla pene res superstitione vacabat. Si cuiquam filius agrotaret, is sortilegum accersebat, qui iactis sortibus Deo agnum pro agrotantis salute litabat. eo caso parentibus tantum ceterisq. filiis rescis fas erat, relicta pelle sortilego. Si serendum esset, gallus gallinaque sacrificabatur. Si quid in grege suum generosum existeret, id pater familias Deo ad augendū gregis numerum sacrificabat. De sacrificio præter liberos parentesq. gustabat nemo. Infantes qui sine baptismo decessissent, in sacra tilia reponebantur, quod vulgo dicerent nefas esse huiusmodi puerulos terræ mandari. Mos etiam fuit, ut mulieres sue, diurno tempore, saginata litarent. eamque postea apparatus opipare deuorarent: reliquias vero partim in horreo terræ mandarent, partim sub mola domestica. præficiebatur his sacris sponsa nouella, quæ sacra violantibus Deæ Telluris minitaretur ultionem. Hac & alia superstitionum genera, quæ missa facimus, paria necessario uitia consequiebantur. Ebrietas numerabatur in laudibus. Matrimonia ex raptu virginum inibantur; nec vnā tantum vnus, sed plures ducebat uxores. Nihil de Deo trino vnicoq. nihil de humani generis Redemptione, nihil de animorum immortalitate auditū erat. Sacramentorum nullus erat vsus: tantum tractabatur aratrum, & omnis eorum cura in occatione & subigendis glebis consumebatur. Quo circa in his excolendis hominibus quantum fuerit insudandum, non est difficile existimare. Deo iuuante perfectum est, ut

quanquam initio nos illi riderent & cachinnis exciperent, postea tamen crebris mansuesacti colloquijs, & nos sæpe audire, & conuenire non dubitarint. Aliud lustratum est oppidum, quod non minus nostrorum operam flagitabat. Parochus ibi cæcus & surdus: templum male materiaturum ac ruinosum: aræ altis oppletæ sordibus: mappa plane detritæ: nullus ibi sacerdotis ornatus, qui quidem sacerdotem deceret: nullus calix nisi è stanno uetustate consumptus, isque notatus consecrati vini vestigijs. In oppidanis ingens rerum diuinarum inscitia; mores barbari, ritus ethnici, ut qui Deam Tellurem colerent. Sed diuina ope ita desertis illis animis subuentum est, ut & fidei nostræ mysteria, & alia Christiani hominis officia paucis diebus trecenti & quadraginta didicerint, expiatique confessione sint circiter octingenti. At sanctissimum Christi corpus initio non æque facile communicatum. nã cum ex anniuersaria illa quam diximus superstitione Telluris, reliquias quas Deiuæ idest Deas appellabāt, suis in ædibus asseruarent; enim vero indigna visa res est, ut qui Deorum monimenta retinerent, ijs ad cælestes epulas pateret aditus. Non est passus sacerdos nosster apud eos quos Christi sanguis asperserat tam nefandi vestigia sceleris remanere. Pagos obequitando lustrauit, & ædium angulos perscrutatus, quicquid ex ijs sacris repperit, contriuit, in lutumque proiecit. denique perfecit, ut multi qui superstitionibus impediti Eucharistiæ participes esse non poterant; iam superstitione deposita compotes fierent, numeratique sunt quadringenti circiter & quinquaginta: nec tamen ad

sacram mensam prius admissi, quam tridui inedia inquinatos superstitionibus animos perpurgassent, cumque aliquando Pater Christi corpus distributurus admonuisset, videndum esse cuique, ne occultati sceleris conscientia cœlestē panem attingeret; confestim vnus in media hominum turba ad pedes comitis patris sese abiecit, clamans magnum se facinus occultasse. Quid multa? eo deducta res est, vt quā ad Christi mensam recusarint accedere, in suspicionem criminis veniant. Quid? quod cum domum nostri redirent, ecce tibi è vicino pago nonnulli vehementer instant, vt ex eo pago mulierem, quæ nec Eucharistiam sumpserat & suis sordibus delectabatur, eijciant. Qui autem superstitionibus erant addicti, ij postea ad Ecclesiæ ritus sic affici cœperunt, vt vno die tria dolia aquæ lustralis exhauserint, cogereturq. Pater magnam aquæ copiā iterum ac sæpius consecrare. Plane agendæ sunt gratiæ Deo, qui pulsas tenebris, veritatis in ea regione lucem paulatim reuocat. In alio item pago, qui è Ruthenis fere constat magna cum vtilitate versati sunt nostri. Sunt enim & Rutheni superstitionibus pleni & ex his ad aliōs omnis superstitio manauit. Mortuis epulas præbent: thus & candelas inter prandendum etiam tum cum maxime lucet, accendunt. Alij ad tumulum deferunt escas easq. relinquunt in vasculis, vt noctu mortuorum animi prodeuntes habeant, quo se se alant. interim ex aduerso præsto sunt Canes & quæ parata sunt deuorant: illi vero confecta putant ab animis. Nostri vt his superstitionibus mederentur sedulo laborarunt, nec omnino nihil profecerunt. duo-

decim enim ad Ecclesiam Catholicam adiunxerunt, & à Catholicis tum ad confessionis tum ad Communionis sacramenta adduxere permultos.

MISSIO AD CAVNENSES

& alios.

I Tum est cum alio tum ad Caunēses Lituaniæ populos. Apud hos Vir nobilis Lutheranorum facile princeps habebat domi ministrum: cumq. à nostris ut sese inuiserent, postulasset, multa apud eum de religione disputata sunt: cum autem rationum momentis facile cederet, conuertitur ad Ministrum tanquam ad perfugium. Minister statim abnuere pugnam, nec ullis persuasionibus induci, ut cum Sacerdote nostro congregaretur. cum eum nostri, ut pro Luthero dimicationem susciperet, hortarentur, ne quam infamiae subiret infamiam; ille palam Lutherum se sequi negavit. quæ res patrifamilas ceterisque ad deserendam hæresim nō mediocri fuit incitamento. In Alba Russia cuiusdam Palatini aula cum semel atque iterum in ea esset de peccatis habita concio, usque eo nocturnis spectrorum monstris terreri cœpit, ut ij etiam, quibus confitendi consilium non esset, ad confitendum animum adiecerint. Redierunt ad Ecclesiam Rutheni duo Lutherani tres, quorum vnus multos iam annos eam sectam sequebatur; alter autem libros nobis hæreticos tradidit, & Caluini scripta delaturum se dixit. Iisdem in oris vnus duntaxat è nostris duos & sexaginta schismaticos cum Romana

con-

coniunxit Ecclesia. Quadragesimæ vero spatio sexcentos, qui ab incunabulis peccata repeterent, audiuit. Aeger cū per sacrā confessionē nunquā animi maculas eluisset, ac ne posset quidem propter amissam loquendi facultatem; nutibus se confiteri velle significauit. Postridie cum ad eum nostri venissent, illis præsentibus vox redit. itaque peccata confessus perceptisq. Eucharistia mysterijs postero die migravit è vita.

P O S T N A N I E N S E.

Archiepiscopus Gnesnensis cum primum in Archiepiscopi sedes venisset. Rectorem nostrū qui tum aberat, euocauit; eiq. suum de Societatis collegio deq. Seminario instituendo consilium exposuit. daturum etiam se recepit operam, ut Postnaniense Collegium inchoatum absolueret, quod consequenti anno perfecit: ad eamq. rē de consilio publico, præter alios pecuniæ cumulos, quattuor nobis villas attribuit: donauitq. bibliothecam suam partim Postnaniensi, partim Calisiensi collegio. atque hoc certis etiam à se ornatum iri redditibus pollicetur. Postnanienses fructus non minus numero quam varietate delectāt. In Quadragesima tria millia amplius consistentium præter Gymnasii iuuentutem numerata sunt. Qui autem ætatem omnem per confessionem expiarunt, plus minus fuere trecenti. Reconciliati sunt Ecclesiæ septem & septuaginta in ijsq. nobiles non pauci. Senator contaminatus hæresi præter omnium expectationem magna modestiæ humilitatisq. significatione ad nos venit.

nit, cumq. multa de Christiano officio ac moribus con-
tulisset, vix auulsus à nostris, vnum à quo commodius
institui posset religionis nostræ dogmatibus, euocauit.
Meditationes Societatis traditæ sunt nobilibus viris.
in his Abbati Tremesnensi, qui creatus est Venden-
sis episcopus in Liunia. is P. Possenuini permotus epi-
stolis, quamuis esset valetudine imbecilla, libenter ta-
men se patiebatur institui. vtilitas ea fuit vt affirma-
ret se tum primū, qualis esset, intellexisse, cū ad id tē-
pus sese penitus ignorasset, sibi profana sordere, spiri-
tales exercitationes demonstrationes dicere, in ijsque
ad perfectam virtutem plurimum inesse momenti, cū
que à prouinciali, qui collegiū inspecturus aduenerat
salutaretur, Cæcus, inquit, in has meditationes ingres-
sus sum, videns ex eo. Ad Abbatiam quandam
missi sunt duo, à quibus cum alia pie christianeque sunt
gesta: tum multa in eius cænobio, quæ labente discipli-
na interierant, restituta; præcipue vt sacrorum ritus
ceremoniæque colantur, vt cænobiij leges institutaque ser-
uentur, & quod caput est vt perfecte religionis vota
soluantur. Hæc adeo grata fuerunt Abbati, vt no-
stris postea perhonorifice gratias egerit, argentumque
non dubitarit offerre. quod tamen funditus repudiatū
est. Apud Calisienses hæc fuere præcipua. duobus
fere mensibus confessiones vitæ totius auditæ ducētæ,
expiatiq. centum, qui diu sordes animi non eluerant.
Quidam autē, dum adulterij crimē occultat, passus est
graues dies noctesque molestias, sed scelere patefacto,
cereoq. agno de cervice suspensio, eas facile dispulit.

IAROSLAVIENSE.

ERuthenis hæreticisq. Iaroslauij ad Ecclesiã octo-
decim accesserunt, præter eos, quos nostri in diuer-
sa loca dimissi ad eandem religionẽ adiunxerunt. Sed
è nostrorũ profectiõibus, ij maxime fructus constât.
Castellana Præmislensis illustris vidua sanctitatis cū
Ruthenos sibi subiectos ad obedientiam Ecclesiæ Rom.
reuocare vellet, a summo Pont. impetrauit, vt per eũ
sibi liceret ad Catholicorum vsus Ruthenorũ templa
trasferre. Nostros præterea accersit, conuocatisque
Ruthenorum Sacerdotibus, quos Popos appellant, co-
ram multitudine ciuiliq. plebe Ruthenorum errores
confutari cæpti sunt. Res ita processit, vt Popi ipsi, qui
sex omnino numerantur, fateri cogerentur, apud suum
Vuladicam (is inter eos episcopi locum obinet) non ha-
bere se quid ad ea, quæ à nostris obiecta essent, respon-
dere possent. Et quamquam res magnis videbatur non
carere difficultatibus; eo tamen deducta est, vt præter
alios quosdam hæreticos tres è Ruthenorum synago-
ga ad verum Religionis cultum traducti sint: tanta
cum Catholicorum voluptate fructuq. vt pro gratijs
Deo agendis ab vniuersis se vitæ masculis expiarint.
Alterâ fuit in Pocuciam profectio, vnde alias etiã
excurreretur in oras. Colomiæ vero quæ princeps Po-
cocia ciuitas est, triduum in audiendis confessionibus,
quæ fere omnes, iam inde à vitæ primordijs incohabã-
tur, consumptum est. inductusq. præcipue Curia Pa-
rochus, vt id munus, cui ipse nõ satis erat idoneus, pio
do-

doctoq. Sacerdoti concederet. Nec minorem vtilitatem redditus habuit. Est in Volhinia huius Regni provincia illustris quidam Ruthenus Ostrogensis dux Palatinusq. Kioiuensis, cuius patrocínio tota Ruthenorum secta maxime nititur. hic ut vidit ex duobus filiis suis alterum factum esse Catholicum; ne alter fieret, & beneficij eum sibi deuinxit & iure iurando vxoremque ei dedit, quæ matrem haberet Ruthenicam. sed ut non est consilium contra dominum, hanc Deus filio vxoriquæ mentem iniecit, ut matrem coniugis, salutis suæ gratia relinquerent. quod dum secum ipsi meditantur, admonitus noster ille, quæ in Pocucia versari diximus, ad eos diuertit in reditu, ut quæ Catholicorum partes sunt, docerentur. inde ab eis in Lituaniam deducitur eo consilio, ut & magis confirmarentur in fide, & eorum resellerentur aduersarij. Parens interim Dux Ostrogensis filio vehementer irascitur, neque eum in conspectum suum venire patitur. Vxoris tamen Mater mitiorem se præbet in filiam, etsi nititur illa quidem quantum in se est, ut eam ab institutis abducatur. At filia ea religionis fundamēta iecit, ut multo facilius alios in suam sententiam perducatur, quam ut deducatur ipsa de sua.

C L A V D I P O L I T A N V M

Claudiopoli quæ duobus annis proximis gestæ sunt breuiter perstringemus. Christophorus Batorius Transylvaniæ Princeps pro eâ, qua fuit pietate studioque aduersus catholicam religionem, filium quem

quem habebat unum, ne hæreticorum educatione deprauaretur, in disciplinam Societati tradidit, inuita coniuge ac reclamante. Idem moriens Sacerdotem nostrum præsto sibi esse voluit, eumq. de diuinis rebus audire loquentem. qua in re maxime enituit charitas & sedulitas patris, qui eius causa toto triduo somnum non vidit. Funus principis in templo nostro curatū est: noluit enim Rex Catholicus catholici fratris corpus hæreticorum cadaueribus inquinari, quamuis eorum templum & magnificum sit, & sepulchris procerum nobilitatum. Mortem Principis difficillima consecuta sunt tempora, bonis inimica, & religioni maxime aduersa. omnis hæreticorum diu collecta vis tacito cōpressa odio, simul ac temporis oportunitatem nacta est subito in nos erupit. violabatur templi nostri sanctitas & fœdis ossibus multoq. lapide complebatur. petebantur fores lapidibus, introeuntes vero conuijs ac maledictis: optimus quisque ab ingressione templi propulsabatur. Sed nimirum Catholicæ religionis gloriā non modo non imminuit calamitas, verum etiam bone stat. Deductus à Proceribus Princeps puer, is quem nostris traditum in disciplinam diximus, is inquam nostram deductus in ædem, visus est hæreticorum insolentiam paulisper comprimere. Quare mox tempestate sedata a fundamentis restauratum est templum, altaribus exornatum, subsellijs instructum, & contra improborum petulantiam extrinsecus tectum atque munitum. cumq. antea non ita celebraretur à multis postea duplicata celebritas est. Et cum Proceres ægre ferrent, à Societate Principem educari, postea ita eis
pro-

probari educatio pueri cœpta est, ut eius quoque institutorem suis in rebus ipsi consulerent. Auxit magistri auctoritatem auctoritas Regis, qui Polonos tres nobili genere natos, ut eadem disciplina instituerentur huc misit. ex ijsq. duo cum essent hæretici inuitis parentibus ad Catholicorum numerum accesserunt. Auctus est progrediente tempore condiscipulorum numerus ad octo; qui ipsi, etsi nati & alii erant in hæresi, nunc tamen nostræ Fidei propugnatores acerrimi magnam spem præbent rei Catholicæ adiuuandæ. Tam hæreticorum ad Ecclesiam Catholicam crebra conuersio, quos nec cessat Deus interdum vel miraculis excitare. Energumena duæ in tēplo nostro à malo demone liberatæ, integris hæreticorū familijs magno incitamento fuerunt, ut Ecclesiam Rom. agnoscerent. Energumena præsertim quædam, quæ cum marito Calvinianæ sectæ maxime addicta, cum animaduertet, nullam sibi opem à suis ministris offerri potuisse, à Catholicis vere potuisse, nullam sibi aliam intellexit colendam esse religionem, præter eam quæ à Romano Pontifice, catholicisq. præscribitur. Hoc eodem anno seminarium Pontificium P. Possseuini opera institutum est, eique mille taleros ac sexcētos, hoc est aureos mille trecentos ac sexaginta Pontifex, totidemq. Rex Polonus attribuit.

P O L O C E N S E.

Polocium ciuitas Russiæ est finitima Moscis, constatq. fere tota Ruthenis. Hæresibus plena sunt omnia, & tamen permittunt suis famulis domini, si
Ca-

Catholici sint, suo vt arbitrato viuant. quod dicant Ruthenorum quidem religionem commodā esse, sed famulorum longe optimam. facileq. patiuntur, imo etiam postulant, vt filij sui d nostris & moribus instituantur & litteris. In Anni restituti ratione multū nobis tribuunt: nec dubitant quin Catholici firmissimis nitantur rationibus, idque hoc potissimum argumento sibi persuadent, quod & numero præstant & sapientia, ideoq. Catholicos in ea se malle sequi, quam suos ineptos numeroq. perpaucos. Nec tamen nullus omnino sacramentorum est vsus. Nobilis quidam vir ad confitēda peccata venit, qui duodeuiginti annis ante declinarat ad hæresim, in eaque ob eam causam tam pertinaciter se hæsisse dicebat, quod cum sæpius ad confessionem accessisset, operam sibi non dedisset Sacerdos. Ruthena insignis vt confiteretur, Sacerdotem nostrum accersit, quod negaret velle se sua Popis indicare peccata, quæ illi iracinitati enuntiare non dubitant. Parentes ipsi quamuis d nobis in religione dissentiant, suos tamen liberos in templum nostrum deducunt: fatenturque quantum demum inter sua & nostra sacramenta interiectum sit intervallū, quin eorum quidam affirmasse dicitur, ideo se ad Latinorum templum non libenter accedere, quod dum ibi rebus diuinis intersit, perpetuo lacrimam non contineat. Alius item nobilis vir ab hæresi conuersus ad fidem, cum schismaticam haberet vxorē, vehementer contendit, vt iterum d Sacerdote nostro copularetur. quod cum dissuaderent amici, Non possum, inquit, salua religione, saluo pudore cum hac esse diutius.

tius. querenti enim ex me ministro an ad nuptias consentirem, scio me vt futuri vel lanioni cuiquam non vt Dei administro ac diuinarum rerum dispensatori respondisse. Aeger quoque nobilis cum hæresim eiu-
rasset, patriq. nostro confessus esset, non ita multo post è morbo conualuit. is deinde mira se vidisse narrabat, in amplissimo se versari palatio diuersis linguis nationibusq. referto, in eoq. sella posita, iudicem cū comitatu nobilissimo sessum venisse, statimq. extitisse tumultū, & quorsū tā seuerus Iudex pro tribunali sedisset, exclamatū, responsūq. esse, vt & causam tumultus cognosceret, & qua de re tanta inter se nationū diuersitas discreparet. cumq. repertū esset omnē discordiā e religionis dissensione prosectam, nulla interposita mora alios morti, alios exilio, nonnullos etiam virgis fuisse addictos: cum vero ipsemet aeger ante iudicem sisteretur, tum omnes illos capitali sententia damnatos in eum conuersos existimasse multo seuerius punitum iri, quod Iesuitarum dogmatibus adhaesisset. at hoc ipso nomine absolutum à iudice cum honore dimissum.

COLLEGIVM RIGENSE.

Nouum & recens est Rigense collegium, cuius constituendi ratio ea fuit. Rex Poloniæ pace cū Moscho confecta, ac Liuania recuperata, cum Rigam quæ Liuitoniæ metropolis est peruenisset, nihil prius habuit, quam vt à ciuibus templum quoque B. Iacobo sacrum & Monasterium S. Magdalene recuperaret. cumq. alios Sacerdotes Catholicos non haberet, vo-
luit

luit illic vnus e nostris tantisper hæreret, donec literis ad Generalem datis, plures ad hanc vineã operas euocaret. Scripsit & ad Summum Pont. postulans è Societate quamplurimos. ei tamen duodecim circiter promissi sunt, i. q. è varijs collecti provincijs die cinerum vna cum Prouinciali Rigam venerunt.

Reliquit hic Prouincialis Sacerdotes quattuor duosque fratres, decimoque post die cum socijs totidem ad alteram quasi Coloniam deducendam Torpatum se contulit. de qua posterius dicemus. Rigæ autem sedulo curatur, vt hæresibus inquinata ciuitas concionũ præsidjs pristino religionis splendori reddatur. officiant hæreticorum ministri decem, qui quotidianis concionum Riganjs, diuini verbi triticum pene suffocant. effectũ tamen aliquid est, & ab hæresibus erepti complures. Sacerdos meditationum nostrarum beneficio cum è medijs stupris atque hæresibus emerisset, & hæresim in templo nostro publice eiurauit, & à mulierum familiaritate discessit. In Ruthenis ea sæpe suppleuimus in baptismo, quæ in huiuscemodi schismaticis desiderari solent: cumque in hac ciuitate sit nemo, qui sacramenta catholico ritu ministret, Parochi munus obeundum nobis fuit baptizandi. nonnulli. Interdum autem & prodigijs miraculisq. Deus, quantis in erroribus hæretici versentur ostendit. Rigæ Ruthenus quidam cum sæpe admoneretur à catholicis vt cum Romana ecclesia rediret in gratiam, semper autem obsurdesceret, sine pœnitentia decessit. Ex eo die varia in eius ædibus spectra se domesticis offerebant. assidentibus auferebantur mensæ, nemine comparen-

te. cubiculorum fores non modo pessulis, sed etiam se-
 ra pensili obfirmatæ totis cardinibus euerdebantur. è
 summis ædibus lapides iaciebantur ingentes, pice sæ-
 dati, quos se tractasse perhibet Sacerdos è nostris. Qui
 dam autem Polonus, quem Pater idem se vidisse affir-
 mat, adeo grauitèr est vulneratus in vertice, vt dies
 aliquot iacuerit seminiuus. in eadem domo cum mul-
 tum straminis esset, id totum in minutissimas partes
 comminutum est. denique hæc & id genus alia cerne-
 bantur plena terroris, quæ non obscure quantum sibi
 ius in ijs ædibus sumpisset Satbanas indicabāt. ingres-
 sus in eas is, quem dixi Sacerdos cum comite altero,
 aqua benedicta tbureq. adhibitis, expiauit. quo exor-
 cismo omnis tumultus dæmonum conquieuit, id quod
 multis deinde gratijs ædium domini testati sunt. Obi-
 ta sunt de more finitima loca, quæ quantis ad chri-
 stiane viuendum sint destituta præsidijs, vix credi-
 bile, nisi perspexeris, videatur. Cum B. Magdalensæ
 Monasterium, de quo supra diximus multos habeat si-
 bi subiectos pagos, faciendum sibi nostri putarunt, quo-
 niam eius loci cura ad eos pertinet, vt acceptis à Mo-
 nasterio litteris, quæ procurationis sibi traditæ fidem
 facerent, eos pagos, qui septem numerantur, obirent.
 tanta est autem in ijs religionis inscitia, vt in vno pa-
 go, qui precationis dominicæ formulam teneret, dun-
 taxat vnus; qui vero crucis imprimendæ sibi rationē,
 inuentus sit nemo. in alio vero pago tanta item rerum
 diuinarum ignoratio, tanta vero ingeniorum tarditas
 atque hebetudo, vix vt aliquid summo labore studio-
 que percipiant. Lothani finitimi populi Parocho de
 stuu.

stituti pastorem aliquem requirebant: cumq. illis concionator accersiretur hæreticus; nostri vt tanto incommodo obuiam irent, eius Ecclesiæ procurationē dum aliquem reperiant idoneum, sibi deposcūt. quod cum à Gubernatore Episcopoq. impetratum esset; vix eo Sacerdos noster peruenerat, cum illuc extēplo Lutheranus minister aduolat. Nostrum autem quid illi rerū ageret percunctanti, nihil est, inquit noster, quod tibi indicem: hoc tantum dico me, & Catholicum Sacerdotem esse, & Gubernatoris iussu, vt sacrificem & concioner, huc missum. Tum ille frustra igitur hic ego. expeditoq. curru celeriter auolauit. Hæc sunt huius anni præcipua. vt autem pollicentur initia spes est fore, vt Liuania intelligat vniuersa, quam salutaris fuerit Societatis aduētus: hoc præsertim Episcopo & Gubernatore, quo vtimur sane propitio. est autem idē Episcopus, idem Gubernator Georgius Radziuilus, is quem postea sua virtus in Cardinalium collegium cooptauit. qui quam bene de nobis meritis sit longum esset hisce litteris persequi. Voluit tota spectante ciuitate (id quod ante annum quinquagesimum nemo fortasse fecerat) sacros ordines in æde nostra suscipere ante vero quam suas Deo primitias offerret, ab administratione se paulisper abducens, in nostras aedes ad excolendum nostris meditationibus animum sese abdidit. Dies autem, quo primum operatus est sacris, totus est nobiscum traductus. Biduo triduoue post graui magistratus edicto cavit, ne quis vel nobis vel nostris molestie aliquid exhiberet. id edictum & pro templi curiæq. foribus propositū est, & à concionatoribus pro

mulgatum; acciditq. periucunde, vt tum mitteretur ad suggestum, cum forte quidam tota concione debacchatus esset in nos: itaque vno eodemque tempore calidum vomuit & frigidum bonus videlicet minister. Alius vero concionator hæreticus cum audacius in nostrum ordinem inuectus esset, statim mandauit Episcopus, vt vel corrigeretur à Senatu, vel ante suum Tribunal sisteretur: cohibitaq. hominis insolentia ceteris obrectatoribus silentium indixit. Quare nemo iam in Catholicos inuehi audet. Sed non id agimus, vt huius Episcopi virtutē, cui nulla par oratio reperiri potest, ornemus. satis est hoc dixisse nec Liuiam tueri partem vllam catholicæ religionis, nec Societatem nostram sese tutari ab improborum incurfibz sine eiusope præsidioq. potuisse. Nos enim premimur aduersarijs, & vt pauca de multis attingam, quæ inuidiæ causa de nobis illi confingunt, fœda cantica in nos componunt, dentatisq. chartis in publicum propositis mordent: quibus non aliter respondetur, nisi æquitate animi ac patientia. E pagis Leonardus Rubenus is quem supra significauī, redibat, cum ecce tibi ad Cæmiserij templiq. valuas pagella maledica, cum hac inscriptione, Lungenbardo mentienti. eademq. scheda iisdē referta maledictis affixa erat pro foribus ædium: quā quidem non est passus Pater vllō modo refigi: nam alteram ad templi cæmiterium boni refixerant: nec aliter frangendos putauit improborum impetus nisi silentio & tolerantia. ea res magis auctores sceleris irritauit, qui dedecori se fore arbitrati sunt, cui fuerunt honori. ciues enim multi cum infamem schedulam le-

Et ita f-

Attassent, in eaq. patris nomē corruptū animaduerte-
rent, Pater inquit Leonardus Leonardus erit inui-
tis improbis & maledicis; illi vero semper sui similes
nebulones. Itaque victi illi confusiq. pudore nocte in-
tempesta suis ipsi manibus sua maledicta rescindunt.
cumq. in cubiculo Pater quiesceret, illi de publica via
cubiculi fenestris effractis lapideos ad deuorandum
panes offerebant. ter eadem nocte coniectu lapidum
fregero fenestras. qua re commotus Senatus publicis
ante curiam schedulis ei, qui auctores indicasset, pluri-
mum spopondit argenti. Pater pro concione dixit, no-
stros quidem vt lapidibus peterentur commeruisse,
quia nequaquam satis essent populum ad pœnitentiã
suis concionibus cohortati: fieri tamen ipsis iniuriam
quod non eo nomine peterentur: valuas autem tem-
plorum ac fenestras priuatarum ædium nihil tale cõ-
meruisse: se paratos mori, se nullo nisi aut sūmi Pont.
aut Regis imperio ciuitate cessuros. Senatus non desti-
tit in auctores inquirere, coniectiq. sunt nonnulli in
carcerem, qui tamen nostris deprecantibus, quoniam
se abesse pernegabant à crimine, educli sunt. Nobis
itaque gratiæ sunt agenda Deo, qui vt amicos nos in-
terdum exercet, nec patitur sine laborum difficultate
præclaras res gerere, quo maiore postea mercede
compenset.

TORPATENSE DOMICILIVM.

TOrpatum vrbs est in extrema fere Liuonia, Rixæ
amplitudine par, loco plano, & aperto, Suecis

Moscisq. finitima. Ea postquam ad nefaria Lutherano-
 norum dogmata ab auita religione defecit, non sine di-
 uino consilio sæpe calamitates experta, sæpe bello va-
 stata, dum ad extremum salutis anno 1557. in dedi-
 tionem à Moscho redacta est. Sed ubi eam Poloniae
 Rex Stephanus anno 1581. cum maiore Liuoniae par-
 te recuperasset, nihil habuit antiquius, quam ut eam
 ad fidem Catholicam reuocaret. ad eam rem de So-
 cietate complures à Summo Pont. & P. Generali vii
 supra significauimus petijt, non tamen plures duode-
 cim impetrauit; qui ipsi in duas quasi diuisi colonias,
 eiusdem rogatu Regis, partim Rigæ, partim Torpati
 morantur. Torpatum autem Sacerdotes quinque fra-
 tresq. duo à Prouinciali deducti sunt decimoquarto,
 Kal. Apr. Eorum aduentum grauerunt hære-
 tici, ac pro concione Lutheranus quidam, cum promi-
 scue inter auditores, nostri laterent, Iesuitas miris mo-
 dis depinxit, spurios aiebat in urbem aduectos, scor-
 tatores, dignos omni cõtumelia, homines denique, qui
 matrimonia instituta diuinitus, prohiberent. Prouin-
 cialis non minus de Societatis fama, quam de animo-
 rum salute sollicitus, rem ad Polonos gubernatores de-
 fert; nec ita multo post adducitur ad nos reconcilian-
 di causa Lutheranus ille minister. cui Prouincia-
 lis mira quadam dexteritate quæcumque in nos vo-
 muisset, obiecit. Negauit ille ea de nobis à se dicta es-
 se, sed alios se ijs verbis voluisse describere. Pater ho-
 minem benigne admonitū eo deduxit, ut quoniam ho-
 minibus à Rege missis inferre conatus esset infamiam,
 ea quæ proxime in nos dixisset, consequenti concione
 re-

retexeret. fecit, & accurate fecit, ut plane ea nobis contumelia emenda fuisse videretur. Redditum est postea regiae Maiestatis æconomo diploma regium quo rex templum nobis decernebat & ades: ille vero tum benigne nos excepit ut solet, tum omnia nobis templa patefieri iussit, ut quod commodissimum nostris rationibus foret, eligeremus. Delectum est templum B. Catharinae sacrum, cui amplum adiunctum est Monasterium, quod septuaginta olim seminarum fuisse dicitur; atque ob eam causam nostris rationibus muneribusq. percommodum. Eum locum cum suo concionatore Estones occupabant. sunt autem Estones rustici paganiq. qui lingua utuntur Estonica: quibus visum est sine dubitatione gravissimum è suis sedibus pelli. Ergo ad Senatum continuo querelæ. Prouincialis habito ad Senatum colloquio docet non esse, quod quisquam nostris iure sucenseat, cum quod daretur acciperent. Interim Regiæ Maiestatis æconomus per internuncium mandat, ne quid nostris exhiberetur in ea re negotij, quibus templum esset Regio iussu decretum, eaque ratione dirempta lis est. Sed quanquam locus ut dixi satis est ille, quidem ad vitæ nostræ rationes accomodatus; non defuit tamen virtutis exercendæ materia: nam non modo lectis, stragulis, mappis, mensis, omni denique domestica suppellectili carendum fuit; sed artificibus quoque ipsis & materia vnde illa confici possent. Itaque illud restabat vnum, ut sua quisque vita commodisq. contemptis, totus animorum salutis commodisq. seruiret. Quattuor autem videtur Deus So-

cietati nostræ genera hominum commisisse. Germanos Polonos, Estonas, & Moschos siue Ruthenos, quorum sua quisque vitur lingua, Germana cuius, Polonica miles, Rusticus Estonica, Moschouitica seu Ruthenica Moschus. Germani, cum lutherani sint omnes partim inscitia quadam, partim hominum metu abducti, à nostro templo congressuq. refugiunt. Estonas licet in tanta rerum vicissitudine integræ religionis semina retinuerint; tamen & linguæ ignoratione & interpretum idoneorum penuria iuuari non possunt. Concurrunt illi quidem ad nos quasi impulsî diuinitus, etiam eorû prohibente ministro, quem de Lutheri schola esse diximus; sed nimirum quod à nobis datur accipiunt. Deferunt ad baptizandum infantes, baptizatique sunt multi, & more maiorum Apostolum aliquem sibi dari volunt, quem patroni numero colant. Sal, candelas, pomaque recentia, prout anni tempus tulit, ad nos afferunt, eisq. vt benedicatur efflagitant. Nam quantum his benedictionibus tribuant vix credi potest. & merito. nam vel aqua ipsa cui nostri rite benedixerint, miracula nonnumquam edidit & prodigia; vt iam vulgo hæc de nostris fama peruasferit, eis à Deo vim tributam esse, curandi, quanquam id ipsum aliter interpretantur hæretici, qui magicis artificijs adscribunt omnia. Mulier cantionibus prope & veneficijs enectâ, aquam benedictam cum perpotasset, multum virus euomuit. Alius eiusdem aspersione aquæ, tum etiam cereis diuini agni simulacris fœda spectra à sese repulit. iisdemq. curationibus comitiali morbo liberatus est puer. Rusticus octauum
iam

iam annum cum mouere se loco non posset, eadē aqua ad eum missa (aberat enim à nostris multa millia passuum) postridie suis pedibus, ut pro incolumitate sua gratias ageret, eo contendit. Quidam vero cum & multos in itinere amisisset equos, & ille ipse in quo sedebat grauius ægrotaret, hac ipsa aqua a nostris accepta, & sibi medicinam fecit & equo. Erant & lacus aliqui spectris infesti, quos ut quietos accolæ redderēt in eos vel pecudes iaciebant, vel sanguinem fundebant humanū. nostri, hac superstitione damnata, lacus illos lustrali aqua perspergunt, & Christi crucem prope defigunt. ita omnis sedatus est terror: omnia depulsa sunt spectra. Germani quoniam ex ea natione de Societate sunt quattuor, & priuatis sermonibus adiuuantur, & publicis. quanquam ad conciones ob eam quam dixi causam uentitāt rari. Polonica concio frequentior. eaq. festis diebus horis matutinis ac pomeridianis habetur. ita effectum est ut Poloni multi, non nulliq. etiā Estonēs communicarint. Quod ad Gymnasium pertinet, quoniam nunc primum patefactum est, auditor es numerat fere triginta, & quamquam plerique Germani liberos suos, ne Catholici fiant, mittere verentur ad nos; tres tamen ex ijs missi sunt: reliqui, Poloni omnes: in ijsque nobiles ac primarij. Hactenus de rebus urbanis. nunc tantisper ex vrbe migrandum. Duo Sacerdotes assidue animarum causa peregrinantur, eorumq. opera multa præclare constituta sunt. Præfectus quidam arcis omnes amicas militum abegit ex arce. Duo item ab hæresi, quinque autem à schismate reuocati. Nec tantum cum dominis aut militibus actum
sed

sed etiam cum Estonibus rusticis, qui partim ad ipsas pertinent arces, partim itineri occurrebant. Missæ sacrum vel sub dio cum umbraculis, vel domesticos intra parietes (deerant enim templa) celebrabatur. idq. eo maiore gratulatione, quo longiore intervallo peractum non erat. Infantes expiati baptismo tam in æde nostra, quam in villis circiter mille. Vno die vnus è nostris centum & sexaginta lustrauit. Sed quod maxime admiratione dignum est; cum tam multe tamq. desertæ regiones obirentur à nostris, nullo vnquam dicuntur eguisse viatico, tum quia arcium domini vs, qui suo parent imperio, dederant in mandatis, nostros vt honorifice humaniterq. tractarent; tum quia rustici ipsi beneficij loco numerant, si apud ipsos vel ad horam nostri diuertant. Vbi autem nostros quopiam concessisse compererint, eo subinde quamuis longe positi ipsi conuolant, vt vel ritu Catholico baptizent infantes, vel caremonias in baptismo præteritas suppleant, vel denique Apostolos de more distribuunt. neminem enim apud se patiuntur, quacumque sit ætate vel sexu, quin Apostolum à nobis aliquem patroni loco suscipiat. quem morem traditum à maioribus cum ministri Lutherani contemnant, facile deseruntur.

COLLEGIVM LVBLINENSE & Nesuiliense.

Lublinense vero Collegium nuper est à duobus nobilibus viris, & primaria femina inchoatum, maximoq. tum populi tum Senatus gratulatione Augu-
sto

Ho mense superioris anni recepti sunt nostri. Aedes à Palatino Cracouiensi tributæ, ad easq. resarciendas argētum. Nec vero Regis desiderata liberalitas est. nam & ad fabricam multum nobis decreuit æris, & ædificium ipsum ultra mœnia produci facile passus est. fauet etiam in ea re senatus, isque tum aream quandam Collegio obtulit, tum suum in rebus omnibus patrociniū pollicetur. Dum res constituuntur, in alienis templis conciones habentur, & quidem non sine concursu hominum ac frequentia: pomeridianis autem temporibus explanatur rudibus catechismus contra Ebionitarum, qui in eodem loco grassantur, insanias. Nec vero tam exiguo tempore exigui percepti sunt fructus. Virgo in primis nobilis supremi senatoris neptis in Regno Poloniæ ab hæresi Caluiniana, in qua nata & educata erat, ad Ecclesiam Catholicam tradita est. Alius vir item nobilis honestissima familia iæ septuagenarius, cum trigesimum in hæresi vixisset annum, urgente morbo priusquam decederet, ad ouile Christi reuertit. Alij viri feminaq. complures ex honestis orti familijs ad eandem redierunt ecclesiam. Sed vnus reditus in primis illustris. Hic medicinæ laude præstans, nobilitate pari iam inde ab incunabulis quadragesimum annum versabatur in hæresi. Itaque inter præcipuos numerabatur Anabaptistas, & vt plurimum ab eorum synagoga ad disputandum cum Catholicis mittebatur. placuit summæ Dei bonitati, vt qui tam diu iacebat in tenebris, lucem veritatis aspiceret. Igitur in ade frequenti cum campanarum atque organorum cantu, psallente clero canticum Augustini, in

ni, in sinu nostro magna cum Catholicorum voluptate hæresim eiuravit. mox Vilnam profectus, Meditationibus Societatis imbutus librum contra Anabaptistarum atque Ebionitarum synagogas edidit, ubi dum suæ ad Ecclesiam conuersionis rationes colligit, valde scilicet cruentat hæreticos. Principē etiam Lublinensis synagogæ doctorem ad disputationem prouocauit. Sed egregius doctor forsitan non ignarus, quantas vires veritas habeat, pugnam disputationemq. defugit. Hæc sunt Collegij Lublinensis initia, quæ si pares, vtsperamus, habebunt exitus, tum demum Societati nostræ operis fructus extabit.

Niesuisium anno superiore tertio Kal. sept. nostri venerunt. quæ in vrbe cum pene nulli colerent templū & sacramentis animos expiarent, tam multi sensim ventitare cœperunt, & animorum sumere medicinas, vt eos iam ædes ipsa vix capiat. Ab hæresi sunt absoluti viginti, à schismate supra triginta. nec minor è vicinis oppidis fructus allatus. Nouogrodecum vrbs est Albæ Rusiæ præcipua, in ea perpauca catholici sunt. cumque ibi schismaticorum templa sint septem, Catholicorum duntaxat est vnum. quod ipsum decimum iam annum certum Sacerdotem non habet. nam Parochus Lutheranus factus modo templi commodis & redditibus gaudeat, de templo ipso non multum laborat. Si quem Sacerdotem Catholicum nactus est minimo contentum stipendio, huic sane delegat templi curam; sin minus, templum relinquit inane & à Sacerdotibus spoliatum. Huc profecti sunt nostri, vt eos Catholicos confirmarent. nec inanis fuit illa profectio.

Die

Die qui Christi corpori festus est. Zuuingliani complures suo cum ministro ad concionem nostram venerunt. sed bonus ille vir dominico, qui consecutus est die, duas amplius horas auditores suos, ne per tempus ad nos liceret, remoratus est. nec tamen defuerunt ex eo ipso numero, qui venirent. Duo præterea sese nobis è schismaticis adiunxerunt, aliaque huiusmodi in rem Catholicorum facta sunt.

MISSIO SVETICA.

STocholmiū vrbs est in Suetia, Suetici regni sedes, ac domicilium, cuius Regina cum esset Catholica & aliquos de Societate vehementer expeteret, interposita sororis auctoritate (ea est Polonia Regina) quattuor circiter impetrauit. In ea regione septenniū se sociorum labor exercuit. verū dum in eo toti sunt, vt rem Catholicam proucheant, tam pijs conatibus grauis quædam est aduersata tempestas. Nam Regina mortua, qua catholicis nitebantur, hæreticorum continuo in nos erupit inuidia; vt difficile iam sit, nisi cœlesti numen adsit, tam preclarum munus insistere. Obijit Regina xvi. Kal. Octob. cuius singularis virtus, quoniā ea orbis videbatur indignus, citius etiam euolauit in cælum, quam res catholica pateretur: fuit ea semina propagandæ Catholicæ religionis admodum studiosa nec quisquam dubitat, quin ea superstite, magna incrementa Religio ipsa cepisset. Tolerantia & patientia, cuius & plurima documenta dedit & diuturna, fuit insignis. immiserat ei Dominus ante septennium acer-

biss.

bissimos articulorum dolores, quos illa in beneficij loco numerans ita ferebat, ut ad maiores etiam compararet animum cruciatus. Hominum congressus consuetudinesq. vitabat, speciosos titulos aliaq. honoris vocabula, quæ ceteri tam studiose colligunt, respuebat. Laudes non minus illa ferebat grauitè, quam ceteri contumelias, eosq. qui se collaudassent admonēbat, eas partes diuino iudici reseruandas, qui intima pectoris acutissime perspicit. Cum iam supremum tempus adesset, seseq. contra humani generis hostem Ecclesiæ sacramētis armasset, multis cum lacrymis queri cœpit, quod nequaquam satis, diuinæ gratiæ muneribus respondisset; nec verita est Regina veniam ab ijs qui aderant, si qua in re quenquam offenderat postulare. Sacerdos noster apud eam sedulus fuit. nec enim eum ea patiebatur abesse, quem de rebus audire diuinis, præcipueq. de patientiæ bono perpetuo voluit. Hic fuit Regiæ exitus & potissimus fructus Sueticiæ profectio nis. Ex oculis sublata Regina tum demum hæreticorū ut dixi erupit improbitas: Præcipuus in aula Senator minitatus est, Iesuitas omnes naui impositos, se procul amandaturum, effecturumq. cum alijs, ut Pæpatus apud Suecos ne vestigium quidem ullum remaneret. Alius qui apud ipsos pro Episcopo est, testabatur se suo muneri renunciaturum, si quempiam è Societate docentem vel in Scholis deprehenderet vel in templis. Sed is, quamquam tum quidem ab auditoribus collaudatus est, mox tamen diuino consilio exerceri à malo Dæmone cœpit. Mitto quam tetre hære xici illi in Pontificem maximum debaccebantur. quidā pro

pro concione clamabat qui hoc tempore inter Christi fideles numerari vellet, dubitare eū nō oportere, quin Romanus Pontifex perditionis sit filius, cumq. in Pontificem impudentius inueheretur, desinere à Rege iussus confestim de suggestu abreptus est in custodiam. Filia tamen Regis suæ parentis dissimillima ab hæreticorum ministris in fraudem inducta liberum dimittendum curauit. Solatur nos dissimile fratris ingenium, qui nouissima matris monita memoria tenens Catholicam religionem tuetur in primis, sponditq. præsentibus arbitris in proposito se mansurum: cumq. Iubileū à summo Pontifice indictum esset, in eo suscipiendo nō dubitauit se Catholicum profiteri, expiatisq. confessione peccatis sacratissimum Christi corpus multitudi ne inspectante percipere. insigne profecto facinus tanto ceteris admirabilius, quāto illustrius & in omnium oculis conspectuq. perfectum. Soror obstrepit, sed eā ne responso quidem dignam iudicat frater. Illud omnino est in adolescente mirabile, quod cum magistro antea sit vsus hæretico ad audendum proiecto & ad iaciendas in Catholicos contumelias prompto; nihil tamen æque ac mores huiusmodi detestatur: maximū incommodum, eum viris bonis egere, abundare malis. Is cum ad diuina prodit officia, pene solus egreditur, vix quisquam eum sequitur præter vnum aut alterū puerum; cum tamen sororem suam ad synagogas hæreticorum prodeuntem magno ancillarum puerorum que grege comitatam animaduertat, acre ad deferendam religionem incitamentum: nisi Dei beneficio bonus adolescens iam pridem ista rideret. actum est: cū
illo

illo tum de ritu sacrorum, tū de ministris; consiliumq.
datum, ut sacerdotes aliquos Suecos mature aduocet,
ne, si reuertendum nobis sit in Poloniam, omni præsidi-
dio penitus careat; interim nostris illum concionibus
ac sermonibus distinemus. Hæc in aula. In ciuitate
spes est fore ut Sacerdotes (si qui hic postea futuri
sunt orthodoxi) laxius domicilium in posterum ha-
beant. Quamquam Princeps & si nostræ causæ vnus
omnium maxime fauet, subuereri tamen videbatur,
ne ea possit ipse perficere, quæ pia mater animo con-
stituerat; idq. propter aliquorum senatorum temulen-
tiam & turbulentas factiones. Tota res pendet à Bel-
ga quodam mercatore regio, qui domum, quam sibi
ipse ædificabat, vna cum sumptu operisq. nobis nec opi-
nantibus obtulit; curaturumq. se recepit, ut pusilli Col-
legij instar ædificetur. Ceterum ad Ecclesiam sunt ad-
ducti nonnulli, in his vnus animi tumore & insolentia,
inter suos facile princeps, qui cum militiam exerce-
ret, nihil se Deo gratius facere existimabat, quā
si quotidie quam plurimos Papiſtas (sic
enim loquuntur apostatæ) trucidaret.
Is igitur abiecta hæresi tantaq. im-
pietate, ut ad Catholicorū par-
tes sese adiunxit ex imma-
nitate illa & feritate
exiit repente
mitissimus.



P R O V I N C I A A V S T R I A E.



Egunt in quinque Austria Collegijs socij ducenti circiter & quattuordecim. In Viennensi Collegio sex & quinquaginta. In Pragensi nouem & triginta: In Olumucensi quattuor & quadraginta. In Gracensi sex circiter & triginta. Brunæ vnde quadraginta. Ad Societatem accessere triginta. Decessere duo.

COLLEGIVM VIENNENSE.

*F*uit hic Viennæ annus pestilentia fœdus, sed quæ diuina providentia fuit, quamquam Gymnasio nō nihil attulit cladis, è focijs tamen neminem abstulit. Vigent in templo religionis studia. Vno Paschalis tēpore quattuor amplius hominum millia ad mysteriorum communionem accesserunt. E varijs hæresibus quattuor & septuaginta ad catholicos transierunt. in his vnus qui apud Lutheranos viginti annos concionatoris partes egerat, familiaq. præterea integra, cuius paterfamilias diu se Catholicum simulauerat. Gratiarum reconciliationes tum inter coniuges & propinquos, tum inter alienos multæ sunt factæ, quæ quoniā nihil præcipui continent, attingendæ potius quam memorandæ fuerunt. sed in nonnullis, & si res ipsa vulgaris, ratio tamen reconciliandi non omnino vulgaris: duo cum mutuis inter se inimicitijs odijsq. fla-

H

gra-

grarent; nec ullius auctoritate ad lenitatem pacemque traduci possent; Sacerdos è Societate rem tentans his alterum verbis aggressus est. Quid si Christus, qui ut ab æternis te vindicaret incendijs, acerbissime in cruce necari non recusavit, si is inquam, ut huic ignoscere & te peteret supplex, tu ne quo minus ignoscere, recusares? Hic ille quasi hæsitans cum subsisteret, Pater pro uoluitus ad genua, Atqui ego, inquit, Christi nomine ut huic veniam des, supplex oro. hoc ille facto usque eo emollitus est, ut ad omnia quæ pater iuberet paratissimum se esse diceret. ita positus utrinque armis firmata pax est. Sed non minus in iuuandis animis, quos in fraudem humani generis hostis inducit, quam in corporibus, quæ ille sæpe exagitat laborandum fuit. Quo de genere illud accidit non minus auditu horrendum, quam visu. Nam Dæmonū duodecim millia sexcenti ac quinquaginta ex infirmissimo puellæ corpore pulsati sunt. Atque ut paulo alius tota res repetatur. In pago quod Vienna distat passuum millibus octo, Virgo erat Anna nomine, hæretica illa quidem, & ab hæreticis alta parentibus, sed tamen simplex & recta & suorum imperio valde obsequens. Huic auia venefica erat, quæ se malo Dæmoni multis iam annis ante deuouerat. hæc neptem suam Annam ut adoleuit, eidem humani generis hosti pro veteri sua coniunctione despondit. Eo non contenta, poma ad aspectum pulchra, plena tamen cantionibus ac veneficijs puellæ offert, simulque astanti cuidam, ut fidem daret (dæmon is erat) hortatur; cum illa initio recusaret, diris eam verberibus ad id cōpūlit. Haustis ijs, quas dixi rebus, vniuersum
puel-

puellæ corpus intumuit . hinc vehemens orta suspicio
 puellâ dæmonis obsidione teneri; id quod postea decla-
 ravit euentus. distorquebat dæmon ora puellæ, oculorū
 inuertebat aspectum, cumq. aqua benedicta oris tu-
 moribus aspergeretur, in alias partes corporis emigra-
 bat. cum caput occupauerat, lumen rationis sic obscu-
 rabat, vt ea redderetur insana; cum in oculis sedem ce-
 perat, nouo illi fulgore lucis ardebant; vbi os & la-
 bra obsederant, nigræ aut rubicundæ fabæ instar appa-
 rebant. Venitur ad fugandos dæmones, venitur ad ex-
 orcismos: qui cum initio nihil proficeret, permotus pa-
 rentis precibus Imperator filiam Viennam iubet ad-
 duci, Episcopi q. curæ committi. Episcopus cum litte-
 ris Imperatoris ad Collegij Rectorē venit, egitq. non
 modo precibus verum etiam imperio, vt id oneris no-
 stri susciperent: felicem enim rei exitum se sperare.
 nostri & si ægre admodum rem tantam suis humeris
 imparem susceperunt; Episcopi tamen precibus aucto-
 ritateq. compulsi. xv. Kal. Iulij ad expiandum spiri-
 tus sancti templum aggrediuntur. Initio cum paucis
 acta res est, placuit postea diuinæ sapientiæ, vt ad au-
 res oculosq. multitudinis perueniret. nam dæmonum
 ululatus & inconditis vocibus, quibus modo porco-
 rum grunitus, modo ranarum coaxationes, modo vi-
 tulorum boatus, modo alias aliarum bestiarum voces
 imitabantur, est factum, vt res diutius latere non pos-
 set. itaque tantus fuit repente concursus, quantus ad
 celeberrima quæque spectacula, vt necesse fuerit sa-
 celli fores ad arcendam vim multitudinis obsidere. Hic
 cum dæmonum turba confligitur, hic ad infirmandas

callidi hostis vires Christi cruce, alijsq. Ecclesiæ Catholicæ armis incumbitur. Inuidus hostis abstinere maledictis non poterat, ac præter cetera maledicta, quibus nostros homines onerabat, eos murium capita & nigros arietes appellabat, querebaturq. quod ubi ubi nostri essent, suis conatibus artibusq. resisterent, ideoque nihil sibi fore gratius, quàm si Iesuitas omnes, quot quot terrarum orbe dispersi sunt, ex vno patibulo pendentes aspiceret. Iubebatur crucē osculari puella, frementibus hostibus atque horrendum in modum rugientibus. ea ratione fugabantur quotidie multi; ut certis signis coactus exorcismis diabolus indicabat. Interim Avis in urbem aduecta atque in custodiam inclusa, suis noctu carminibus alios in puellam demones putabatur immittere; obijciebat enim sese ei per tenebras: interdumq. avis quædam teterrima in eius cubiculo exaudita est alarum plausu lucernæ lumen extinguere. Sed cum diem nullum cessaretur ab exorcismis semperq. plurimi ut dixi spiritus abigerentur; tandē vi diuinorum verborum coactus malus demon, quot adhuc in eo corpore reliqui essent, indicare; duos tantū superesse dixit. Magna erat omnium hominum expectatio, quorsum res euaderet, hæreticorum præsertim, qui, si res aliter ac cecidit, cecidisset, hoc vno contenti fore videbantur ut de catholicis triumpharent. Nostri tamen nec ieiunijs nec precibus cessarunt vnquam ab eo implorare opem, qui quemadmodum id genus demonum ejiciatur, ostendit. Pridie itaque eius diei, qui assumptæ in cælum Deiparæ festus est, post horrendos clamores & horribiles ciulatus, tandem dux ipse legionis excessit:

fit: puellamq. ita reliquit afflictam atque exanimatā, vulgo vt mortua putaretur. iacuit enim vitæ vſibus deſtituta horas circiter quattuor. conſequenti vero nocte recreata, poſtridie, qui dies fuit B. Mariæ ſacerd ſuis expiata peccatis, ab Epifcopo Viennenſi, qui in æde noſtra vniuerſo populo rem omnem expoſuit, Chriſti corpus accepit. Narrauit poſtea puella pulcherrimum ſe uidiſſe virum nouo quodam ſplendore lucis amiſtum, ſe ſe bono animo eſſe iubentem, fore enim vt mox ſe ab omnium obſidione hoſtium liberaret. Quare poſtea reuocatis priſtinis viribus, tum vota quadam Dei matri pro ſua liberatione perſoluit, tum Deo dicatis virginibus ſe adiunxit. Dum manifeſtus hoſtis imbecillo fugatur è corpore, ille ipſe obſcurus atque ignotus oculis corporis ex animorum ſedibus pulſus eſt. Vir quidam honeſtus cum exorcifmis intereſſet, dæmones inuſitatis quibuſdam mugitibus exſulantes, hominem in occipitio leuiter verberarūt. exterritus ille, ac ne quis ſe dæmon inuaderet pertimeſcens; conſeſtim in ædem noſtram ad conſitenda peccata ſe proripit: deinde biduo triduoue ſumpto ad recolenda peccata vitæ ſuperioris, ea omnia diligenter expoſuit. Alius eodem modo ferebatur faciem leniter tactus à ſtupris ſlagitijsque deſtituiſſe. denique vt paucis multa complectar; ea res vna, vt multis fuit occaſio Catholicis bene Chriſtianeque viuendi, ita non paucos permouit hæreticos, vt de alia vitæ ratione, aliaque amplectenda religione ſedulo cogitarint. Puella Auiæ totius ſons ſcleris & origo, quanquam Diaboli erat illa quidem, & peccati iure, & ſponſione vo-

ti mancipium, tamen quæ infinita Dei bonitas est in extrema senectute respuit, & dæmoni nuncio hæresiq. remisso, atrox ignis supplicium æquo & constanti animo tolerauit. Antequam ad supplicium raperetur, quo tempore nostri de dæmonis rescindenda pactione deq. mutatione religionis agebant; grauiter cum ea conquestus est Dæmon, quod eius causa exorcismis misere torqueretur; postea etiam tam dire in eam verberibus plagisque desæuit, ut vibicibus foedata facies miserationem spectantibus commoueret. Illud etiam è re Catholica gestum. hæretici cum ad Constantinopolitanum Patriarcham, quem à Summo Pont. alienum esse nouerant, præcipua suæ sectæ capita dedissent, isq. non modo ea non approbasset, verum etiam singula refutasset; nostri ad deterrendos hæreticos in linguam translata germanicam, ut confutata erant, in vulgus ediderunt. itaque ea nunc magno cum hæreticorum dedecore, tum Catholicorum bono turruntur. Auctæ præterea sunt Dei munere ac beneficentia Viennensis Collegij fortunæ. nam B. Annæ Monasterium, quod cuidam à consilijs Maximilianus dederat Imperator; hoc anno ad nos, quibus reliqua eius bona Rodolphus possidenda concesserat, quasi post liminio redijt. Id Monasterium cum, & amplum, & pluribus instructum sit ædibus, Societati opportunissimum est. Is qui eo cænobio ab Imperatore donatus est sponte ad nos venit, nobisq. suum de Monasterio cedendo consilium exposuit; modo quædam ei resarcirentur impensæ, fieretq. ab Imperatore potestas. Supplices Imperatori libelli dati sunt, ab eoq. nō modo potestas

restas facta libenter, verum etiam vi in perpetuos collegij vsus referretur, tributum.

PRAGENSE ET OLVMVENSE

PRagæ duo & viginti ad Ecclesiæ redierunt obedientiam. Scholæ post acceptam superiorem pestilentiae cladem, auditores tamen numerat trecentos circiter & sexaginta, in ijsq. nobiles multos. Praelectiones adiectæ sunt tres, Casuum, Controuersarum questionum, & Mathematicorû. Sub serias B. Vincislai data est tragedia sane quâ apparatissima de Achab, & Iezabelis interitu. Conuictorum contubernium, & Seminariû Pontificium alumni & conuictoribus autum est. in altero septem & septuaginta, viginti in altero numerantur. Ad excipiendos litterarum studiosos, qui rei familiaris inopia domicilio carent, certæ sunt aedes. in eis adolescētes sexaginta versantur tam incenso religionis amplificandæ studio, vt neminem in suo numero patiatur, quem non ad idem catholicæ religionis studium suis colloquijs altercationibusq. conuertant. Quattuordecim ex ijs, qui in hæresi vixerant catholicorum ritu viuunt. Duo in ordinem Cisterciensium, tres in nostrum adsciti sunt. denique magnam de se illi opinionem apud omnes Regni proceres concitarunt. In Ciuitate Pilsnensi duo de nostris multis mensibus versati sunt, eorumq. opera duodecim sese ad catholicos receperunt. In alio Bohemiæ oppido totidem fuerunt è nostris. abegerunt ex eo Calvinianum ministrum, qui septemdecim iam annos rudes suis concio-

nibus deprauabat. Ex alijs quoq. pagis duo alij pseudo ministri magna incolarum gratulatione eiekti sunt. se- stabantur seniores, cum primum catholica religio re- uocata est, se omnes illas ceremonias ac religiones, quę adhibebantur à nostris, ante annum quinquagesimum coluisse. eoq. nomine Deo immortalī gratulabantur. Ex his senibus etate iam affecta nonnulli intra sex ho- ras è vita migrarunt. Quidam qui centesimum annum exegerat curru vectus ad templum, ubi diuina myste- ria percepit, clara voce Deo Opti. Max. coram multi- tudine gratias egit, quod eius beneficio ad id tempus reseruatus esset, cum Catholicorum more communica- re liceret. ea res qui præsentes aderant eo vsque permouit vt lacrimas non tenerent.

In Olumecenſi Collegio eorum, qui Sacramen- tis animos expiant, non exiguus est numerus. præter auditores Gymnasij vno die Paschatis numerata sunt confitentium tria circiter millia. communicantium duo millia & quingenti. In Gymnasio nostro dant operã fere sexcenti, pluresque darent, nisi metum attulisset proxima pestilentia. Sodalitium Dei Matris nume- rat plus minus ducentos, ex eis nobiles principesque complures. Medicus quidã cum vita cederet condi- to testamento omnes fere fortunas suas, vnde paupe- res perpetuo alantur, sodalitati legauit. E iuuetute, quę à nostris eruditur quattuor ad nos transierunt. Actę sunt cum delectatione plausuq. de Iouiniano Imp. comœdię, quas lectissima spectatorum nobilita- uit corona. Matrona quędã deserta ante annũ quin- tum & vigesimum, religione catholica, ad eam nostris adiu-

adiutoribus se reduxit. Princeps etiã vir, qui septuaginta circiter natus annos sub vtraque semper specie communicarat, tandem superioris vitæ peccata confessus, sub vna tantum specie communicauit. Ad uitam religionem reuocatus est alius, qui annum quadragesimum perstabat in hæresi. Is postea per id tempus, quo acerbissimam Christi necem communis parens Ecclesia recolit, totum illud spatium, quod à Parasceue ad gloriosam Christi Anastasim interiectum est, sine cibo traduxit, monentiq. id nimium esse homini in religione tironi, respondebat, cum dæmonis causa cibus se se multas hebdomadas fraudasset, nequaquam nimium videri debuisse, si id pusillum tempus Dei causa per inediam ieiuniumque transigeret. præsertim quod iam animo fixum esset, benefacta, certa à Deo compensari mercede.

GRAECENSE COLLEGIVM, ET

Domus probationis.

P Ræter ea, quæ in Gracensi Collegio domi sunt gestæ, foris plurimis administrata sunt Sacramenta ereptiq. ab hæresibus multi: in his decem adolescentes insignes. Alij item duo præclare indolis adolescentes in Gracensi hæreticorum schola instituti, cum ad Societatis Gymnasium se transtulissent, non ita multo post religionem Catholicam tanto studio complexi sunt, ut ab ea minis precibusque diuelli non possent. eorum alter natus minor cum sepe à suis, ut à Catholicis descisceret, tentaretur, ingressoque balneum vesti-

flimenta ne ad nos rediret crepta essent, seminudus ad
 Collegium profugit; quod cum domestici animaduer-
 terent, re desperata vestimenta remittunt, atque ita
 exagitandi iuuenis finem faciunt. Nec vero natu ma-
 ior minus egregie restitit suis. saepe cum pater sollicita
 uit ad reditum, & ut liberius ageret, domi conclusum
 per hæreticum doctorem, quem ad eam rem aliun-
 de euocauerat, conatus est disputatione conuellere.
 Sed eorum argumenta cum diu filius eluderet, ut pri-
 mum data esset fugiendi facultas, clam sine pallio per
 posticum adium euolat ad Collegium. Alium, ubi diu
 blanditijs terroribus ve Lutheranus parens urssisset
 tandem per fraudem in Turcarum fines amandat. ibi
 adolescens cum mensium aliquot spatio in famulatu
 fuisset, grauissimum in morbum incidit. erat apud eum
 Lutheranus minister, qui ut parenti persuaderet, ut
 ad se filium reuocaret, scripsit ad eum, Lutheranum
 esse factum: eo nuncio parens maxime delectatus filiū
 reuocat: filius in scio patre clam de rerum suarum sta-
 tu nostros consulit. retardabat à patre discessū, ma-
 tris subita valetudo, ne sua fuga morbi vim augeret.
 interim filius ad simulandum instructus, nequaquam
 à domesticis propinquisq. discessit. pater plane crede-
 re à Luthero filium esse, sed quo magis in sententia
 confirmetur, cum hæreticorum doctore agit, ut in eo-
 rum synagoga, filius papisticam, ut ille aiebat, perfidiā
 eiuret. assentiri se parenti simulat filius, sed ubi dicta
 dies aduenit, materq. è morbo illo decessit, nihil cun-
 ctandum ratus ad Conuictorum Collegium parente
 invito transfugit. ibi furentis patris minis precibusque

contemptis in Catholica religione magna cum progressionē virtutum perseverat. De Gracensi Collegio hactenus: reliqua sunt communia.

Brunæ autē & si magna ex parte Catholica religio labefactata est: tamen quæ Dei bonitas est, nō desunt qui ad eluendas confessione maculas ventitent: numeratq. sunt paschalibus ferijs amplius mille. Scholis præcipua religionis & pietatis est cura. Filij duo primarij cuiusdam viri, & si in hæresi erant admodum confirmati, tamē cum à nostris magistris audissent, nefarium esse pridie eius diei, qui sanctis omnibus festus est carnes attingere, domum reuersi nulla ratione à parentibus adduci potuerunt, ut eo die carnibus vescerentur. eorum exemplo reliqua permota familia ab iisdem epulis temperavit. Mater pudore victa daturam operam se recepit, ut in posterum, cum huiusce-modi ieiuniorum dies inciderint, pisces pro carnibus apponantur. De Nouitijs præter visitata ipsorum munera ardensque studium despiciendi sui nihil est quod litteris memoriarq. mandetur.



PROVINCIA RHENI.



Omplectitur Rheni provincia domicilia decem, socios amplius trecentos. Colonia quattuor & triginta. Moguntia tres & quinquaginta. Herbipoli quinque & quadraginta. Spiræ septēdecim. Fuldæ triginta. Molsheui tres & viginti. Paderbonæ septē. In Treuerensi collegio sexaginta quattuor. In reliquis idem, qui superiore anno numerus. Societas aucta socijs triginta quattuor, sex autem obitu diminuta.

COLONIENSE COLLEGIVM.

Valde laborauit hoc anno Coloniensis Ecclesia propter subitum Pastoris à Romana Ecclesia dissidium, sed quoniam ea res nos fere nihil attingit; iccirco quæ nostra sunt, ea tantum breuiter perstringemus. Inchoatum tēpli opus persequabatur Societas, cum in ijs motibus contra Iesuitas conclamatum est, eos peropportune templum alijs, non sibi construere: breui enim fore, vt è suis sedibus pellerentur. Amici vt ab ædificatione cessaretur, magnopere suadebant, quod dicerent satius esse tumultibus paulisper cedere, quam salutem nostram cum multorum salute coniunctam in discrimen offerre. Tamen Dei sanctorumq. patrocinio depulsis, quæ impendere videbantur periculis, omnia cessere felicius, tantum enim abest vt ab opere

re cessaretur, ut etiam in medijs fluctibus sit perfectū. Id postea sedata tempestate ab Episcopo Vercellensi, quem ad res componendas Romanus Pont. huc legauerat, visitatis ecclesiæ ritibus consecratum est. emuit in ea re singularis Præsulis virtus, qui post habitis ceteris rebus, ut cum splendore omnia accurateq. perficeret; pridie nobiscum & cibis abstinere, & pernoctare in precibus voluit. Vbi dies illuxit amictu Pontificio ceteraq. pompa processit in templum: ibi ritus consecrationis exorsus septem ipsas horas in ea religione magna cum voluptate consumpsit. Non minore pietate, quam hilaritate celebrata res est. frequentia hominum tanta, ut quanquam ædes satis illa quidem sit laxa, multos tamē adhuc propter angustias excluderet. Quin hæretici quoque mixti catholicis attoniti rei novitate confluxerant, ut qui nunquam sua memoria aliquid tale conspexerant. Nec vero in perturbata ciuitate benemerendi de proximis occasio defuit. nunquā magis visa est vigere religio, quam cum ab improbis petebatur. Ad sedandos, quos dixi motus non tam humana quam diuina sunt quæsita præsidia. Decreta est horarum quadraginta supplicatio, quæ ut in ea ciuitate noua res fuit, ita maxime catholicorum animos excitauit. Et quia res diuinis nitebatur opibus non humanis, eos quoque exitus habuit, quos a Deo sperari par erat. nam Gebardo Truchse Archiepiscopatus munere spoliato, nouus Archiepiscopus Ernestus Bauariæ Dux renuntiatur. Tum demum Colonia respirare visa est, & tanquam ex luctu caput extollere. Ergo pro tā diuino munere sacra solennia in æde nostra peracta sunt,

sunt, proposita peccatorum venia indulgētiaq. ijs omnibus qui adessent. sed quanquam domi firmata pax videretur, foris tamen hostium vires opeq. crescebant. Id rursus ad diuina poscenda suffragia catholicos incitauit. itaque ad certum tempus continens supplicatio decreta est, eaq. pluribus dispersita templis, vt suis cuique templo supplicationis dies statueretur. De celebri Mysteriorum usu nihil attinet dicere. ingens obuentium numerus fuit, vt etiam memoriam præteriti temporis superaret. Par propemodum animorum fructus. Ad pœnitentiam adductus est quidam, qui nullū flagitiij genus reliquum fecerat: & quod grauissimum est, nō modo sibi ipse oberat quod corrumpebatur, sed alios etiam plurimos corrumpebat. is deinde apud nos vniuersis vitæ sceleribus expiatis, & multa quæ nefarie abstulerat vniuersa restituit, & sollicito cœpit animo, esse quo pacto ad frugē reduceret eos, quos impura sua cōsuetudine congressuq. peruerterat. Venit ad confitenda peccata puella quædā, quæ rebus suis desperatis cum se præcipitem egisset in Rhenum, diuinæ providentiæ consilio semiuiua à nauta, qui per tenebras strepitum cadentis acceperat, extracta est. Vir nobilis studio nouæ religionis adductus, sic enim heresim appellabat, multas adolescēs peragraverat regiones, multisq. cum hereticorū ducibus, in Gallia, Polonia, Moravia, Silesia, Geneuæ quoque cum Beza vitam egerat; cumque modo se ad hos, modo ad illos hereticos inclinaret, anceps dubiusq. quos nam potissimum sequeretur; tandem diuino consilio in apertum vitæ discrimen adductus, supplex Deo vouit se ad Ecclesiam

siam Catholicam, si præsens periculum effugeret, rediturum: effugit, venitq. Coloniam; ibi graui morbo vehementer afflictus nostros accersit, peccataq. iam inde a prima pueritia repetens, tanta vi lacrimarum confessus est, vt vocem frequens singultus includeret. paucis interpositis diebus valetudini redditus, post annum fere trigesium Ecclesiæ sacramenta percepit. Sed ab hæresi partim Caluiniana, partim Lutherana abducti sunt quinquaginta. & quanquam ex Anabaptistis rari admodum resipiscunt, non desuerunt tamen ex eo numero, qui cum Catholicis se coniungerent. Collegium conuictorum in tantis vrbis periculis non est admodum diminutum: fuerunt in eo perpetuo contubernales septuaginta. Qui vero scholas nostras in vniuersum frequentant, circiter octingenti. Litteræ & pietas pari cum laude iunguntur. Quidam ex his adolescentibus cum in publica platea mendicum misere abiectum offendisset, prehensa manu in valetudinariū multitudine inspectate deduxit: & apud eum reliquit argentum. Taceo precandi studium, sacramentorum usurpationem, pœnas vltro susceptas ieiuniaq. quæ huic iuuetuti cum ceteris huiusmodi contubernijs communia sunt. In Societatem duo & viginti, in ijsq. artiū Magistri quattuordecim sunt adlecti. Societas à ciuibus, quæ illorum humanitas est, valde amatur, à principibus præsertim viris ac Senatorijs. quod tum maxime declaratū est, cum in ea perturbatione motuq. ciuitatis templo nostro illata vis est. habitus est enim, cum primum potuit ea de re Senatus, delectiq. duo, qui rebus diligenter inspectis ad Senatum omnia referrent.

rent. Non minore nos beneuolentia ciues catholici prosequuntur. indicat illorum aduersus hæreticos præclara defensio. Parochus è Iudæo Christianus factus, venerationem sanctarum imaginum, vt seditio sam multitudinem sæpius iam compressam ad noua facinora inflammaret, varijs modis insectabatur. Ad Archiepiscopum re delata continuo ei sacris omnibus interdicitur: id ubi hæreticorum vulgus accepit ad paræciam conuolat frequens, pastoremq. suū qui concione prohibebatur, valetudinem excusantem vi ferroq. ad concionem adigit. Sed conatu depulsi, omni impetu ad templum nostrum feruntur, in eoq. armati truculento vultu diuina perturbant. Catholici suscepto nostri nominis patrocinio, vim vi repellere, prioresq. in hostes dum conantur inuadere, eos cum ignominia & dedecore fugant.

TREVERENSE COLLEGIVM.

VIta excessit in hoc Collegio Gulielmus Lymburgus pietate eximia Sacerdos, qui Romæ olim cū familiæ nostræ parente atq. auctore vixit. annum egerat in Societate sextum & trigesimum. Is ante quam decederet, quamuis afflictissima valetudine esset, noxas animi vt expiaret è cubili surrexit, prædixitq. ei, apud quem se expiauerat, horam illam sibi esse supremam, atque ita contigit: mox enim nec opinantibus socijs in Domino conqueiuit. Tentata est adolescentū quorundam constantia, qui vel Societate recepti iam erant, vel consilium de Societate susceperant. Adoles-

scens

scens patre diuite & Senatore natus, cū ad nos animū adiecisset, admonitus ea de re pater ab amicis, misit qui filium de sententia deiceret. Adolescens virum semper se præbuit, nec ullis terroribus lacrimisq. flecti, nullis dolis insidisq. decipi potuit. Ad senatum delata res est, qui cum Rectorem accerferet, Sacerdotes ad eum missi sunt duo, ij ex prudentia & ætate iuuenis facile probarunt senatui, a se illum, vt domestici criminabantur, nō esse deceptū. Senatus eorū oratione victus decernit, quam potissimum, ad consequendam salutem, viam adolescens inire velit, id eius arbitrio relinquendum: extra limites suos prodire Senatum, si in ijs rebus, quæ ipsum nihil attingunt, suam interponat auctoritatem. ita is exitus rei contigit, quem adolescens optabat. Nec minori admirationi fuit cuiusdam fortitudo Pistoris, qui sex ipsos menses pugnam matris propinquorumq. sustinuit. cumq. illa eiulatibus lacrimisq. quotidianis, hi spe decoræ coniugis rudem animum sollicitaret, is tamen adeo fortiter insidiosis vel promissis vel precibus restitit, vt non ex humili atque abiecta, sed ex generosa ac nobili videretur stirpe profectus. Gymnasium auditoribus constat circiter mille. Conuictorum vero numerus, propter pestilentie suspicionem non nihil est imminutus. Ab his præclarum spectaculum editum de restituta B. Io. Damasceno manu: quæ res tantum pietatis & admirationis habuit, vt fletum spectatoribus concitaret. Templum confitentibus sæpe refertum. Communicantium multa millia fuerunt. Puella quædam, quæ ad nos Sacramentorum causa ventilare consueuerat cum auiæ

defunctæ specie terreretur, quam malum dæmonem suspicabatur, monita est à Sacerdote nostro, ut aqua se benedicta, & Crucis signo muniret. ea res spectri vires non modo non imminuit, sed etiam auxit. nimirum noxium non erat id spectrum: itaque mulier ut à Sacerdote erat edocta, quid imperet, rogat, paratam se esse opem, quam possit afferre. tum Auia, ut certi, inquit, agri prataq. à quibus sunt ablata reddantur. nā eorum duntaxat usum habebat in vita, sed hæredes inter se diuisa possidebant ut sua. addiditque ea, quam dixi, Auia, ut votiuas quasdā peregrinationes puella susciperet, quas suscipere ex voto ipsa non potuit. quæ cum hæc fecisset, omni illa terrore molestiaque liberata est. Ab hoc Collegio mendicorum more peregrinati sunt multi. qua in re occasio nostris fratribus est oblata aliquid ferendi pro Christo. Tres in hæreticos milites inciderunt, à quibus spoliati pallijs & pecuniola domum inanes dimittuntur. Duo alij fame & itinerum labore confecti ad pagum vesperi diuertebant: sed veriti ne ipsi quoque militibus obuiā fierent, per agros ac dumeta ad alium pagum cursu contendunt. eo intempesta nocte cum peruenissent, singulatum adium fores feriunt, ut vel tanquam inopes exciperentur hospitio, vel de itinere docerentur. Sed quia paganorum vulgus ob excursiones militum erat in metu, aperire fores ausus est nemo: tamen ab uno tandem in suas sedes admissi, aqua fessas vires oleribusq. reficiunt. Vix quieti se dederant, cum vniuersus pagus clamoribus personat, hostes adesse, intus esse prædones. Rustici timore exterriti alij alio in vicinam

sylvam cum pecore se se abdunt. nostri quoque ad alios pagos auis & occultis itineribus auolant. cumq. vulgo pro hostibus haberentur, pulsantibus ædium fores, qui responderet, inuentus est nemo. iam dies illuxerat cum omni destituti solatio, porcorum haram fessi succedunt. Sed iterum tumultus exoritur, iterum clamor, hostem adesse. nostri ignari sua causa tumultum exortum, ipsi quoque suis rebus valde metuere, pauidique ex hâra prodire. Sed pro hostibus comprehensi deducuntur in Arcem. Hic à custodibus vnde veniât, quo tendant, quidue noctu vagentur interrogati, agre tandem & à suspitione, & e custodum manibus sese liberant. Ex hoc eodem Collegio rogatu Parmensis principis, & cōsiliij Regis catholici, missi sunt aliqui, ut noui collegij fundamenta iacerent, Lutzenburgum. ei Collegio Prioratum quemdam Vnseldungensem Rex Catholicus assignauit. Duo ibi sunt Sacerdotes, qui & Societatis & Catholicorum Sacerdotum munera obeunt. Habent conciones, præter dies festos, singulis hebdomadis ternas. Sic autem amantur, ut cum eos Rector per litteras reuocaret, Gubernator ciuitatis occlusis subito portis, negaret se, uti discederent, permisurum: iccirco enim eos Lutzenburgum vocatos, ut illic tamdiu sint, quamdiu recens Collegium constitutur; iccirco & ædes & annuos illis redditus ex eo, quæ dixi Prioratu, decretos. simulq. ad Visitatorem & Rectorem Treuirensensem de iis retinendis litteras dedit. Nec dubium est, quin si ibi sedes Societas locet, magnum è suis laboribus captura sit fructum: est enim genus hominum maxime ad pietatem virtutemque

doloribus torqueretur, Sacerdotem nostrum de nocte euocauit, eiq. peccata rite confessus, vouit si dolores remitterent curaturum, vt in honorem B. Erasmi sacrificiū Missæ, vbi dies illucesceret, offerretur. vix vota fecerat, cum dolor omnis resedit. Hæc de Moguntino, nam cetera cum ceteris sunt communia, Duo autem ex hoc Coll. in Societatem nostram se dicarunt. Herbipoli diem obiit Ioannes Philenius excellēti virtute Sacerdos, is quam charus esset non modo domesticis sed etiam externis, mæror funeris declarauit. Mulier cum abortum sæpe fecisset, iterumq. grauida horreret abortum, ad Patrem supplex adiit, sui partus in felicitatem misere deflens. Pater bono animo esse iussit, fore enim vt filium omnino pareret. quod mirifice cum re congruisset ipsa nobis mulier vaticinij memor exposuit. Præsto etiam fuit nostrorū opera moribundis. Herbipolēsis episcopi suffraganeus eo semper fuit in Societatem amore, vt cum animam ageret, ne tum quidē obliuisci posset nostri: aliquos è Societate dies notetq. sibi semper adesse voluit, & quamuis ille quidē è B. Dominici familia esset, haberetq. in suo cænobio satis nobile monumentum, maluit tamen humili apud nos, quam nobili apud suos sepulchro mandari. Hic quamquam multi sunt, qui nostrum ordinem vehementer expetant, vnus duntaxat, isq. magister artium impetravit. alij vero ad alios sese ordines contulerunt. Multorū domi forisq. confessiones exceptæ sunt: quingenti amplius iam inde à primis annis suorum scelerū memoriam replicantes, animum expiarunt. Triginta ab hæresi reuocati sunt, quorum tres inter suos fuere

ministri, vnus autem regressus in patriā, vbi minister fuerat, maximam omnibus admirationem attulit, cū & constantem se in religione præberet, & opes suas pauperibus erogaret. Illud autem contigit admirabile, in quo pene de hæresi triumphatum est. Aedes erant cuidam Parocho non procul ab vrbe, siue malo dæmonē, siue hominum præstigijs infestæ; narrabat ipse Parochus, domesticiq. propinqui, quicquid erat in ædibus magno impetu ad terram affligi; ardentes præterea faces easq. plurimas in conclauī, quo nulla asspirabat aura conclusas, anhelitu vno restingui; lectos cubatibus, puluinos ceruicibus vi summa subtrahi; plevisque domesticorum sic includi fauces, vt præfocari viderentur; denique multa & aspectu, & auditu tetra in ea domo fieri solita. Parochus tristis consilijque inops, nostros adiit, commemoratisq. quas pateretur iniurijs, Sacerdotem aliquem, cuius præsidio tueri se posset, a Rectore poposcit. Datum est Vri negotium, qui cum ieiunus sub vesperam eo se contulisset, vix intra limen pedem intulerat, cum ea ipsa quæ audierat, intueretur. ipso cum comite inspectante parieti est impacta scutella tanta vi tantoq. impetu iaculantis, vt eos qui aderant metu propemodum exanimarit. Pater omnes bono animo esse iussit, hortatusq. Parochū, vt ad expiandum animum se compararet, ipse suppelliceo stolaq. indutus in superiorem ædium partem, vbi plerumque tumultuari consueuerat dæmon, ascendit. Hic vsitaris ecclesiæ religionibus ad dæmones fugandos adhibitis, cum responsum daretur nullum, nemoq. Sacerdotis voce prouocatus adesset, redit ad cohortandos

dos domesticos, præcipueq. tum ad hæresim abijciendam, tum ad expianda confessione peccata lustratisq. rite sedibus ad collegium non sine magno animorum lucro reuertit: constat enim multos ab hæresi restitutos Ecclesiæ, & ædes illas omni superiore molestia, vt testatus est postea Parochus, liberatas.

SPIRENSE, ET FULDENSE.

Spiræ confessionum perutilis opera fuit, auditq. sunt hæretici quattuor & viginti. Auditoriū è Gymnasio numerus non magnus ille quidem est; Senatus enim seuerissima lege cauit, ne quis quemquam e nostris auditoribus tecto recipiat. nec tamen desuere, qui cum educarentur in hæresi contemptis præceptoribus suis ad nos confugerint. Religiosi etiam quidam Senatus iussu de habitatione depulsi maluerunt pernoctare sub dio, quam disciplina nostra carere. Est Spiræ domus quædam ad sustentandam discipulorum inopiam à maioribus constituta: sed eius contubernij disciplina labefactata. cum Spirensi Capitulo Episcopus egit, vt in Seminarij formam redactum nostrorū curæ fideiq. committeretur. Itaque litteris ad P. Generalem datis duos, quos ei seminario præficeret, impetrauit. Aluntur in eo huius Diœcesis adolescentes duodecim. ij quanquam sacris non alligantur, eo tamen fere propendent omnes, vt profanis rebus curisq. posthabitis vni Deo famulentur & vacēt. Data sunt hoc anno spectacula duo. alterum Christi corporis ferijs. alterū in anniuersaria instauratione Gym-

nasij . Nam cum ad hanc renouati Gymnasij celebritatem tum Ecclesiastici, tum iuris consulti Societatis amantiissimi accedere soliti sint; ut utrisque consulere tur, permouendi fuerunt B. Iuonis spectaculo, qui & ciuiles tractauit causas, & Deo se præcipuo quodam pietatis studio dicauit. Itaque huius Beati liberalitate permoti complures largas in egenos discipulos elemosynas contulerunt. Prior actio eo spectabat, ut fides, quam de Eucharistia catholici profitentur, à vetustissimis Ecclesiæ doctores sanciretur. Auxilium rei celebritatem frequentissimus Spiræ conuentus ex omnibus Romani imperij legatis. Hic mirum quam disrumperentur heretici, ut etiam pro concionibus continere se non possent, quin præclaram de Eucharistia opinionem, è suorum mentibus quantum in ipsis esset, euellerent, admonerentq. magno tum verborum apparatu, tum dicendi studio, ut hominum, qui Iesuitis adhererent relicta doctrina, purum ipsi Dei verbum amplecterentur. Sed ab hæreticis non semel exagitati sumus. Alius præcipuus hæreticorum minister dederat viro graui sibi que familiari quæstiones aliquot, quas expediendas obijceret nostris: eas nostri facili negotio cum dissoluissent, & ille iterum ac sepius nostrorum responsa conaretur infringere, demum quā in arte differendi peregrinus esset, ostendit. nam ut cetera taceam, ingentem argumentorum numerum ex libro quodam Patris Gregorij de Valètia, quæ ille confutandi gratia collegit, descripsit ad verbum, eaq. ad nos homo minime malus mittere non dubitauit, vel quia eo nos forte carere libro, vel quia quæ esset eius libri

libri

libri sententia fugere existimabat. Sed ei in hanc fere sententiam responsum est: nos argumentorum vel copiam vel subtilitatem, quando ea è Gregory nostri scriptis appareret esse translata, minime admiratos nec dubitare, quin apud eundem, quemadmodum ea conuelleret, reperiret: Quod si eo forte libro caret, à nobis eius copiam libentissime factum iri. his ille perlectis quasi de cælo tactus animo sic concidit, ut perpetuo hiscere iam non audeat. Spiræ duo ad Societatem se aggregarunt. Tres autem Fuldæ. Sed in Fuldensi collegio ad cetera benefacta illud accessit. quod coactis ineunte anno mendicis, tum est habita cohortatio, tum eleemosyna per pios homines distributa. Ab hæresi sunt absoluti complures, institutaq. Euchariæ nomine supplicationes ad confirmandos contra hæreticorum perfidiam Catholicos. Gymnasi nomen apud Lutheranos quoque est in honore. addita est sexta quædam schola, ubi præter litterarum doctrinam ipsis etiam hæreticorum filiis christiana traditur disciplina, aliq. Lutherani parentes ex alijs scholis huc suos liberos mittunt. Auxit existimationem Gymnasii auditorum in fide constantia, quorum exemplo factum est, ut religio catholica ipsis quoque probare cœperit aduersarijs: vident enim adolescentes solo interdum pane contentos ab omni obsonio temperare potius, quam cōtra religionis imperium carnibus vesci. Puer decimum agens annum cum minis blanditijsue nullis adduci posset, ut veritas per Quadrasimam dapes attingeret, effecit ut eius quoque Lutherani patres ab adipatis mensis carnibusque dycederent. In
soda-

sodalitate Dei Matris par exercitatio virtutū. Cum ē sodalibus quis effertur, eius funus magno pietatis exēplo reliqui curant. Quidā ex his, qui vita excefferant, adeo rerum omnium inops & nudus erat, vt eius matri ne ad inuoluendum quidem cadauer suppeteres linteum. Sodales quicquid ad honestatem funeris pertinebat, id omne curarunt. inter ducendum funus illud accidit periucunde, quod cum hic, vt dixi, perhonorifice efferretur, celebri comitatu facibusq. permultis: commodum efferebatur hæreticus nulla funeris pompa, nulla Cruce, nulla denique ceremonia, quasi canem diceret pecudemue efferri non hominem. id dum Lutherani conspiciunt, repente suo abiecto funere ad sodalis funus cū reliqua multitudine conuolant. ea res plerisque risum, non nullis etiam stomachum mouit, sed tamen facile indicauit Catholicæ veritatis quanta sis vis, cum ipsos quodque aduersarios suæ vitæ perfidiæq. iam pigeat.

HEILIGENSTADIENSE ET Molltheimenſe.

Heiligenſtadij tres ſe Deo in Societate dicarunt. Crebra hoc anno fuit Sacramentorum adminiſtratio. Euchariftia tribus amplius millibus diſtributa eſt, qui numerus in tanta hæreticorum multitudine non eſt exiguus. Nec minor Conſitentium numerus, qui vel e vicinis pagis oppidiſque, vt nobis potiſſimū conſiterentur, aduenerant. inter quos integræ fuere familiæ, quæ ſe ſuis Parochis credere non audebant. Ex-
bæ-

hæreticis quattuor supra viginti ad Ecclesiam Catholicam redierunt. quorum vnus sexagesimum iam annum sua dogmata pertinaciter defendebat. Actæ sunt comedie duæ, altera de filio prodigo, altera De B. Magdalene Pœnitentia; vtraque lacrimas ijs, qui spectabant, expressit. Ad Magdalene pœnitentis actionem non modo frequens ciuitas, sed è vicinis etiã pagis confluxere permulti. Hic illud admiratione non caruit, quod cum pridie ingens aquarum vis decidisset, & inter agendum præcipientes imbres singulorum capitibus immineret; ab omni tamen iniuria actores fuerunt immunes; vt diuino consilio factum videatur, vt quoniam ad reuocandam auitam religionem hæc spectacula referuntur, eorum celebritatem pluuie nō fœdarent. Miles dum ea, quæ ad Lazari sepulchrum gerebantur, irridet; repente animo viribusq. deficiens in terram misere lapsus est, tandemq. vix rediens ad se se spectaculo excessit. Femina multis inquinata peccatis desperatione veniæ sepe se in amnem præcipitare constituit. at dum præclaram Magdalene pœnitentiam tacita spectat, ipsa quoque spe concepta veniæ ad Pœnitentiam adducta est. Crebrius in vicinos pagos excursus est non sine multorum salute fructuque. Multæ auditæ sunt Confessiones, præsertim vbi vel rarus fuerat audiendi vsus vel perperam audiebantur à Parochis. nam cum superioribus temporibus Parochi binos ternosue simul sua quemque peccata confitentes audirent, admirabantur postea nostrorum audiendi rationem, qui non vno pluribus singillatim operam dabant. Sed quæ sit apud hæreticos Societatis opi-

nio facile illa declarant. Non longe distat Molhusiū oppidū, ubi concionatores hæretici quasdam suis præcationum formulas præscribebant, quibus triplicem à se hostem propellerent, Turcam, Romanum Pont. & maxime omnium Iesuitas. Alius eodem in oppido de grege ministrorum scriptum quoddam germanicis contextum rythmis in vulgus dedit, quo probare conabatur, se reliquosq. Lutheranos veros esse Iesuitas, non autem eos qui ab Ignatio Loiola orti dicerentur: nosque nominatim perstringens mirifice sibi alijsq. Lutheranis de hoc nouo nomine gratulabatur. aucupatus est ille quidem alieno nomine gloriolam aliquam, sed ignominiam reportauit: notata est enim à sapientibus hæreticorum leuitas, quod cum varijs se ante nominibus appellassent, ad extremum nomen nostrum quod paulo ante probris maledictisq. prosciderant, ut honorificum & gloriosum sibi vendicarunt. ut iure optimo quicquid in Iesuitas ante dixerant, scripserantue, id totum in eos novos Iesuitas quadrare aptissime videretur. E Mollheimensi Collegio quattuor sese adiunxerunt ad nos nostris vsibus satis apti. Scholæ & si proximo anno propter pestilentiam dilapsæ iā erant: hoc anno, impari quidem numero, sed tamen non exiguo restitutæ sunt.

CONFLVENTINVM COLLEGIVM & Residencia Paderbornensis.

Confluentie instituta est nostris auctoribus in præcipua æde Christianæ explanatio doctrinæ: quæ
quam-

quamuis inusitata esset & noua; habuit tamē progressus opinione maiores; ad ea tam multi ventitare ceperunt, vt eos locus quantumuis amplius excludat. Sacerco cōiunio excepti sunt bis mille amplius, numero duplo maiore, quam anno proximo; & quidem ē nobilibus diuitibusq. Scholas quamquam & bellici tumultus, & annonæ difficultas, & pestilentiaē grassantis insolentia retardare poterant; eæ tamen celebratæ sunt auditoribus supra ducētis: singulari autē beneficio Dei factum est, vt cum integras pestilentia familias easq. multas absumpserit, ad nos tamen non pertinuerit. Iā communia & quotidiana ne ab huius quidem Collegij socijs prætermissa sunt. Ciuis criminis nescio cuius notatus infamia, idq. iniuria in animum induxerat eam notam ferro delere: sed à Sacerdote nostro placatus & vlciscendi cogitationem abiecit, & peccata rite confessus Christi corpus accepit. Matrona bonam partē suarum fortunarum Collegio legauit. Alij alijs donis muneribusq. templum nostrum locupletarunt.

Paderbonam missi sunt aliqui. quorum fructus is est potissimus, vt in ijs oris catholica stet religio, & à reliqua diœcesi hæresis arceatur. Vbi vero barbariem hanc veteris Saxoniae populus exuat, & Lutherana purgetur ab hæresi, tum demum spes omnis erit religionis catholicae prorogandæ: sic enim ædis maximæ clerus nostrorum aduentu & concionibus excitatus est, vt quamuis prouinciæ caput sanum non sit; quiduis tamen perpeti malit, quam ijs assentiri, qui noua dogmata nouæque religiones inducunt. Nuper noui Canonici cum in comitijs prouincialibus Fidem eiura-

re Catholicam vrgerentur, non modo tantam maculam in se suscipere noluerunt; sed etiam à pseudo Epi-
scopo, vt concionatores hæreticos eieciurum se ex vr-
be reciperet, extorserunt. Fuerunt Paderbonæ sex,
Sacerdotes duo, Magistri totidem, qui laico quidi-
dem & populari, non tamen indecoro do-
cent ornatu, eodem scilicet quo reli-
qui præceptores externi. Hi cū
à docendo destiterint, in eo-
rum locum nostri suc-
cedent. quamquam
etiā nunc docēdi
potestas fa-
cta est.



PROVINCIA SVPERIORIS

GERMANIAE.



Vnt huic Prouinciæ collegia oſto, Do-
 mus Probationis vna, ſocij fere cen-
 tum ac nonaginta. Ingolſtadij qua-
 draginta duo. Dilingæ ſex & viginti.
 Monachij vno minus. Auſtæ duo &
 viginti. Landſpergæ fere viginti. Oeniponti Lûcernæq.
 in ſingulis collegijs quindenî, in reliquis item duode-
 ni. Societati nomina dederunt vndecim. Obiere tres.
 Dilinganum Gymnaſium cum alio auditorum genere
 nobilitatur, tum cœnobitis compluribus. ab eis non mi-
 nor ad virtutem, quam ad litteras fit progreſſio. Do-
 mum cum reuertuntur cœnobiticam diſciplinam, quæ
 propemodũ iam interijt, ſuo exemplo ſtudioq. reſtaur-
 rant. Confeſſiones vt in tali loco non infrequêtes. duo-
 de triginta ab hæreſi reuocati ſunt. Exercitationibus
 ſpiritalibus operam dedere cum alijs, tum cuiuſdã cœ-
 nobij Abbas, alijsq. cœnobitæ nonnulli. Duo harum me-
 ditationum beneficio ad Societatem ſe tranſtulerunt.
 Ingolſtadij duodeviginti ab hæreſi receſſerunt. Conſi-
 tentium numerus pro loci ciuiumq. natura ſatis ma-
 gnus. E ſodalitate Dei Matris vberes interdũ fructus
 colliguntur. Sodalium admonitionibus quattuor hære-
 ſim ciurarunt. Monachij vero ſeptem & viginti.
 Mulier in ea vrbe cum propter pariendi labores in di-
 ſcrimen vitæ vocaretur, noſtris confeſſa, ſacrisq. agnis
 communita cereis liberata eſt. Tres ſedis Apoſtolicæ
 Nun-

Nunciij Collegium cum perhumaniter inuississent, vnus ex ijs, vt ab aula strepitu liber esset, dies aliquot apud nos fuit. Bauariæ dux cum rebus nostris semper fauet tum nuper templum nobis opere magnifico extruendum curauit, ad eamq. rem multis scutatorum millibus ædes emit. Aprili mense Felicianus Episcopus Sedis Apostolicæ nuncius solenni ritu, ceremoniaq. præsentibus Bauariæ principibus, nobilitateq. permulta, primum lapidem iecit. Adolescens Iudæus duos & viginti natus annos communi omnium gratulatione in ipsa Gymnasii aula baptizatus est. Huic miras sæpe Dæmon struxit insidias: & quo magis vrgebat ille baptismum, eo hic impugnabat vehemētius: nudum pene de nocte eiecit ex ædibus; interdum etiam fauces illi premere, non nunquam visis eum spectrisq. terrere, vt de mente illi deiiceret, consuevit. vultus dæmonis adeo fædi, vt negaret adolescēs, parem vllum sibi videri ijs imaginibus cruciatum. Pridie eius diei, quo baptismate lustrandus erat, quoniam eo demum die de victoria dæmonis agebatur, multo eum vehemētius inuidus hostis exercuit, ita vt is ne à pluribus quidem con-
tineri loco posset. Vt autem vi baptismatis Christi mē-
brum effectum est, continuo fractus & debilitatus est dæmon. Oeniponti nouē ad Catholicos reuerterunt. Matrona dū concionibus interest armillam multi pre-
tij sibi ipsi detractam Christo temploq. dicauit. Lucernæ ab heresi sunt abducti non pauci, in ijsq. vnus, qui viginti amplius annos populum Zuingliana peste cōtaminarat. Illud etiam in ea orbe præclare gestum. Cappucinatorum familia cum suas ædes hoc anno pri-
mum

mum Lucernæ locasset, multa. illi propter nouum in his locis & insolens viuendi genus perpeffi essent; nostri dederunt operam, ut nihil illi ad sustentandam vitam desiderarent; actumque postea cum ditioribus, ut pro suis quisque opibus eorum sustentent inopiam.

Landspærgæ Virgo quædam erat dicata Deo, nostrisq. peccata confiteri solita, ea desperationis stimulis agitata, à malo dæmone putabatur obsessa, cuius etiam vi non nunquam aliqua diuinabat: quo in genere contigit aliquando, ut cum aliqui de nostris abessent venientes biduo ante prædiceret. quo magis eorum appropinquabat aduentus, eo magis furebat: Nostri nihil sibi prius faciendum rati, quam ut ad confessionem virginem hortarentur, ægre tandem impetrarunt, ut confiteretur: Confessionem subita tranquillitas consecuta est.

In Friburgensi Collegio vix initio sex septemue, ipsis quoq. natalitijs Domini ferijs sacra mysteria capiebant: Nunc Dei munere sexcenti circiter numerati sunt. Vna hebdomada sacra duo millia amplius hominum per confessionem animam expiarunt. hæretici ad catholicos aggregati sunt sex & quinquaginta. A Senatu porro nostris concionibus impetratum, ut sacrosancta Eucharistia maiore cum veneratione posthac deferatur ad ægros. Augustæ collegij opus vna cum templo quantumuis ingens & amplum, perfectum est. Quæ in re maleuolorum conatus, qui propter inuidiam impedimentum ac moram conabantur inferre, Deus irritos fecit. Annum à Romano Pontifice restitutum incredibile est quam indigne ferant hæretici, eiusq. rei

auctores nos potissimum dicunt. excitauit ea res stre-
 pitus insaniens vulgi affixæq. sunt ante Curiam li-
 teræ minaces, quarum ea erat sententia; nisi nostri ex-
 turbarentur ex vrbe, nouumq. Kalendarium à Magi-
 stratu promulgatum antiquaretur, pacem in ciuitate
 fore nullam: verum Dei ope illorum artes & consilia
 ad nihilum reciderunt. nam catholica religio Christo
 iuuante contra hæreticorum perfidiam sese tutatur
 egregie: Ab hæresi autem aliquos sibi semper adiun-
 git. Hæreticus concionator cum contra supplicatio-
 nes, quæ ad sacra loca pie à catholicis instituuntur, ver-
 ba fecisset; Sacerdos noster, dum in æde maxima con-
 cionatur, populum ad retinendam supplicationum con-
 suetudinem adhortatus, in supplicatium reditu-
 certo se edocionaturum dixit in loco; factum

que est, ut magno cum hæreticorum

dolore, septem amplius homi-

num millia in supplicatium

speciem cum

vexillis can-

ticis

que reduce-

ret.

PROVINCIA

147

FRANCIAE.



Vnt in hac Prouincia domicilia septē, sociq. ducenti circiter ac viginti In Professa domo Parisiensi duodeviginti. In collegio vero duo & sexaginta. In Mussipōntano quattuor & quinquaginta. In Verdunēsi, cui probationis domus adiuncta, est duodequadraginta. In Bituricensi viginti duo. In Niuernensi quattuordecim. In Augensi duodecim. Ad Societatem venire viginti obiere quattuor.

Auctus est Auditorum numerus in Parisiēsi Gymnasio ē nobilitate praeipua: ventitat tum Caroli Regis ix. naturalis Filius, tum comitis cuiusdam liberi, qui quondam primos inter hereticos familiam ducebat. Praeclare autem a Deo comparatū est, vt qui multos iam annos omni ope Societatem exturbare tentarant, nuper dimissis ob pestilentiam scholis valde doluerint, cum Gymnasio nostro dissoluto, reliqua etiam Collegia suis auditoribus caruerunt: neq. prius instaurata sunt illa, quā hoc quasi signo dato intermissa studia reuocauit. quo tempore tanta auditorum frequentia subito fuit, vt nullum intermissionis vestigium appareret, itaque numerantur in praesentia auditores mille circiter ac ducenti.

Mussiponti dum in administrandis sacramentis opera ponitur, quidam ex capitis dolore cum amisisset

aspectum, peccatorum confessione (quod vnum suo malo putabat esse remedium) pristinam lucem reuocauit. Ex prima nobilitate vir potens vna cum familia vniuersa sese item apud nostros per confessionem expiauit, spoponditq. nullos se hæreticos in sua ditione laturum, nisi ad fidem sanitatemq. redierint. Vnius qui ex hoc collegio missus est opera, sexaginta circiter patres familias hæresim eiurarunt. Vxor hæretica, quæ cum viro sextum iam & vigesimum vivebat annum, cum à Dæmone torqueretur, quod de relinquenda hæresi cogitaret, nostrorum suasu palam damnatis erroribus liberatur.

In Probationis domo, quam cum Verdunensi Collegio diximus esse coniunctam, ad omnem virtutis laudem nauiter incumbitur. Nec desuere, qui multis difficultatibus obstructum Societatis aditum magna animi constantia sibi patefecerint. In his vnus cum ad Societatem contenderet, domum à parente retractus, duosq. menses tanquam in custodiam inclusus, clam inscîs omnibus nullo comite, nullo viatico, mendici ritu victum queritans se dedit itinere; cuius incommodis octo dierum curriculo superatis, pallioliq. erepti à milite iactura facta, tandem ad ad hanc domum, vt in optatum portum peruenit.

E Bituricensi collegio vicinũ ad oppidum, quod ex omni pene hæreticorum fece constat missi sunt multi, in eoq. complures in fide nutantes confirmati. Niuerni pestilentia grassante destinatus est vnus, qui agrotantium animos vitasq. curaret; is tanta diligentia ac charitate eo functus est munere, vt non solum Eccle-

siæ

fixæ sacramenta contaminatis pestilentia hominibus ministravit, aut eos concionibus priuatisq. colloquijs. confirmavit; sed multa etiam instituerit salutaria, quibus & diuinum numen placaret, & in eorum animis studium pietatis accenderet. multas furandi expilandiq. causas ademit, discordias sedauit, ac ne quid ægrorum curationi deesset, omni ope prouidit. Quæ quidem dum gereres diuinam erga se benignitatem nō obscuris sensit indicijs; nam quamuis in eo munere multos iam menses quotidianis periculis vitam obijceret, numquam tamen eum attingit pestilentia. Repertiq. sunt, qui eius admonitu, signo crucis quaqua pestis tetigisset, expresso, leuationem morbi subito senserint.

Augi magna vis consentium est. Mulier quæ ex mortuæ filiæ dolore in morbum ac phrenesim inciderat, à nostro Sacerdote primum obiurgata; deinde confessione expiata, nec non cælesti cibo refecta ad sanitatem corporis mentisq. reducta est. iisdem curationibus sanata mulier, quam cum malo dæmoni iratus parens deuouisset, ab eo grauissime vexabatur.

Diepa maritimum oppidum Augo distat passuum millia sex. Hic catholicorū pueri vi à Sacerdote nostro docti sunt, Catechismum publice cantant, quibus & paruuli hæreticorum filij vel inuitis parentibus se interdum aggregant. quo in oppido illud etiam memoria dignum accidit, Infans adhuc mammas appetens clara vocē clamitasse dicitur, Missam, Missam eamq. re. admirata mater hæretica, puerum ad catholicorum templum detulisse, concioniq. quæ tū forte habebatur interfuisse, mox reiecta hæresi fidem Catholicam su-

scepisse. Restitutum est Augi sodalitiū vetus eorum, qui, quos pestilentia consecisset, efferrent. ex eoque numero peculiari quadam Dei providentia (id ceteris admirantibus) infectus est nemo. Discipulorum numerus, quāquam eadem morbi lue diminutus erat; mox tamen restitutus, auctus est ad trecentos, adiecta que quarta quædam in Gymnasio schola. Exceptus est Dux Guisius, is qui Collegium in hac vrbe constituit, tum versibus, tum dialogo: quæ res humanissimi Principis animum satis sua sponte propensum mirifice erga nos inflammavit: Miratus autem nostram in ædificando sedulitatem, quicquid ad eam rem necessarium fuit liberaliter impertivit. Aedificij vero prospectu tum ipse, tū Borbonius adeo sunt delectati, ut hic paucis post diebus Rhomagum ad iacienda fundamenta contenderit.



PROVINCIA¹⁵¹ AQUITANIAE.



*H*abet in Aquitania Societas Collegia quattuor, socios centum & sex. Burdegala quidem quattuor & triginta. Rhutene septemdecim. Octo Mauriaci. Tolosæ reliqui. Quinque migrunt è vita. Recepi sex & viginti.

COLLEGIVM TOLOSANVM.

*C*epit & hic Societas è suis laboribus satis vberes fructus. Recepit hoc anno tredecim, quorum in plerisq. constantia satis indicat, quantum virium bonitas diuina suppeditet ùs, quos ipsa vocarit. Quidam parentibus natus hæreticis cum esset admissus, pater rigente hyeme Tolosam venit, & ad oppidum proximum, quo filius concionatoris comes missus erat, excurrit: quem vt è concione redeuntem offendit, multis eum modis a proposito reuocare conatur; matrem narrat contracto eius causa morbo iacere in lecto moribundam, hortatur ne se tanto parricidio inquinet, si matrem, quam sua præsentia releuare possit, sui desiderio confici patiatur. hæc & id genus alia ad molliendum adolescentis pectus versutus pater excogitabat. Sed cum ita nihil proficeret, à lenocinijs conuersus ad minas, quem deterreri potuisse putat, multo magis in suscepto consilio confirmat. Quamobrem Tolosam re-

gressus supplicem libellum dat senatui, ubi & nostros
 & nutritium adolescentis accusat, quod ab hoc filius
 catholica religione institutus, ab illis etiam esset ere-
 ptus. Senatori mandata res est, qui adolescentis explo-
 rata constantia, cognitaq. Patris impietate, indignum
 tali filio talem parentem iudicauit. Itaq. nunc in So-
 cietate dat operam, ut tanto digniore celesti patre se
 reddat, quanto is est dignior, cui vniuersa deseruiant.
 Nec minus se præbuit virum alius quidam adolescens
 qui cum de nostrorum consilio significasset parentibus
 nihil sibi ad Societatis adiuturum præter ipsorum volun-
 tatem desiderari, parentes eum continuo in Collegiū
 quoddam, cui externi præsumunt abreptum, eius loci mo-
 deratori tradunt, ut de sententia deducat. Adolescens
 diu multumq. quæ euaderet, commentatus, tandem post
 dies aliquot euolauit. quo eius facto delectati paren-
 tes tanto eum Societati dedere libentius. Alius cum
 potestatem à suis vitæ in Societate degendæ extorque-
 re non posset, consilium cepit discedendi Burdegalam,
 sed retractum ex itinere milites reducunt in urbem.
 & in Collegium Squillanum intrudunt. Mater quæ
 sæpe filium ob hanc causam execrari solita erat, mal-
 leq. se aiebat non genuisse, quam Iesuitam aspicere, dū
 e villa reuertitur, equo in terram excussa, crura con-
 fregit. quo casu non ita multo post exanimata, in om-
 nium sermone reliquit, quam merito plecteretur à
 Deo, quæ à religione filium conaretur auertere. Tem-
 plum poenitentibus satis frequens, Duodecies mille
 & sexcentæ confessiones dicuntur exceptæ, vniuersæ
 vitæ septem & nonaginta. Hæretici etiam ad sanam
 Chri-

Christi doctrinam traducti, in ijsq. vnus in ade nostra
 heresim abiurauit. idemq. fecere sexdecim latrones
 insignes, & duces hereticorum coram circumfusa
 multitudine cum capite plecterentur. & quidem ea
 pietatis dolorisq. significatione, vt non paruam sibi
 ex eo beneuolentiam & existimationem nostri colle-
 gerint. Miraculi instar fuit, vt qui innumeros pene
 Monachos & Sacerdotes necassent, Sacerdotem no-
 strum cui confitebantur, tam subito tanto amore com-
 plecterentur. Inter eos quidam, cuius erat prater ca-
 teros nobilitata crudelitas, non modo viatoribus sed
 etiam vrbibus, vt qui iam castra inuaserat, formidini
 erat. Huic quanquam pro scelerum magnitudine mi-
 nutatim concisa sunt membra; tanta tamen æquitate
 animi atq. constantia eos pertulit cruciatus, vt nul-
 lum prorsus doloris signum proderet indecore.

B V R D E G A L E N S E

Burdegala, vt a domesticis ordiamur, vndecim in
 Societatem cooptati sunt. Obijt magna cum lau-
 de Carolus Ferronius, qui e Burdegalensibus primus
 ad nostrum numerum se adiunxit, cuius cum vita om-
 nis in Societate laudabiliter acta, tum vero extrema
 vitæ clausula ad exemplum maxime profuit: qui ne-
 tum quidem cum lento quodam mobo tabesceret à la-
 boribus conquieuit, nec prius ad cubile cōcessit, quàm
 vires eum animaq. deficeret. Cū vero propius acces-
 sisset ad mortem, integris semper sensibus de diuinis
 differens rebus inter pia colloquia placide obdormi-
 uit.

uit. Celebre fuit hoc anno Gymnasium auditoribus mille ducentis, quorum sæpe non minor est ad litteras quam ad virtutem pietatemq. progressio. Mulier egestatis impatiens suum necabat infantem, cum ab uno de discipulis nostris eoq. pene puero minis & increpationibus ne id faceret, deterrita est. Alius ex eodem numero adolescens venientem ad se intempesta nocte mulierem, ne pudicitiam eriperet, inclamato IESV nomine, illico eam ut immane monstrum abegit. Nec verominus frequens est templum. Confessionum autem non vulgaris utilitas fuit. Cuius diu noctuq. vel inter cenandum atq. in ipso vicinorum conspectu agitabatur à Dæmone, & quanquam intra domesticos parietes oclusis ianuis se contineret, projectis intro lapidibus terrebatur, nemine comparente. rem ille cum detulisset ad nostros, expiatis una cum familia peccatis, celestiq. pane suscepto, omni superiorum dierum molestia liberatus est. Quadrima cuidam rustico filia erat, quam vnicam vnice diligebat, ea cum in morbum incidisset macieq. in dies conficeretur; parens omnibus ante remedijs frustra tentatis Ariolum consulit. Is ad certam diem reuerti iubet: paret ille, & ut adsit ad condictum diem iter ingressus; ecce tibi inter syluam & patentes campos tanto horrore perfunditur, ut sui met miraretur: Sed salutari crucis signo fit repente tranquillior. cum longius progredieretur ecce nouus horror antecedente maior, clamoresq. cie re cum vellet vocem amisit. ergo institutum iter deserens, domum redit: in reditu dum pontem traiecit ea denuo consecuta est animi corporisq. turbatio, ut nec

vocem ullam edere, nec signum Crucis sibi posset imprimere, humoq. excitatus, suspensus sibi videbatur in aere. cum ad sese redisset domumq. reuertisset, omnia, quæ se verteret, formidabat; ac subinde à sinistro latere, vnde ei spectra quædam obijciabantur, retorquebat aspectum; nec ante terroribus factus est finis, quam suum apud nos animum confessione purgaret. Eadem ratione mulier è terroribus umbræ cuiusdam, quæ priorem se dicebat esse maritum, quæque eam deicere volebat è lecto liberata est. Ne noxijs quidem morteq. multandis nostrorum opera defuit. In his scribæ quattuor ob corruptas tabulas morti ad dicti vnum è nostris euocarunt: quidam autem ex ijs caluinianam cænam cum poposcisset, iussus est à patre prius prandere, quam cænam sumere; erat enim instructum paratumque prandium. Prandijs finem cohortatio Patris excepit, quæ ad expianda per confessionem facinora tres induxit. quartus, vt æquiore animo socios post confessionem vidit, tum etiam ad ferendam mortem alacriores, ipse quoque, & sociorum & Patris hortatu, confessionem suam instituit, eademq. quoniam quædā illi exciderant, iterauit. Venio ad ea, quæ palam cum hæreticis gesta sunt, & vt pauca de multis commemorentur; in concionibus omnes hæreticorum latent insidiæ, hoc potissimum vtuntur præsidio ad capiendos simplices. cum in pago proximo infra urbem concionatorem suum haberent, nequaquam eo vno contenti, alterum supra urbem in alio pago extorsérunt à Rege, vt nimirum propter accessum & recessum maris octauo quoque die ad alterum

rum pagum mane trajcere, & a prandio redire com-
 mode possent. Missus est igitur eo frequens Sacerdos
 magno scilicet rusticorum rogatu, ut quoniam Catho-
 lici in eo pago sunt omnes, ad conservandam religionis
 integritatem id saltem haberent præsidiij. Et est sa-
 ne mirandum plebs illa agrestis ac plane rudis, quā-
 to odio infectetur hæreticos. Iesuita ut ferebatur esse
 venturus, tanta illuc e diuersis locis hominum multi-
 tudo confluit ut eam vix templum ac cæmeterium
 caperet. Ex eo tempore è re catholica visum est ut
 quoties eo concessissent hæretici, toties vnus mittere-
 tur è nostris. Disrumpuntur quod ne vnum quidem ad
 suas hæreses pertrahant, eiusque rei causam in nos
 conferunt, queriturq. sæpe minister pro concione de
 suorum paucitate fidelium; sic enim sese appellat, nec
 dubitant nos palam orationis libertate perstringere.
 Burdegala domum emerat Hæreticus quidam, quam
 extrinsecus elegans Dei matris nobilitabat effigies.
 Quid non tentauit ut eam amoueret? modo monachis
 quibus cum conuenerat dicebat esse donandam, modo
 certo templo dicendam, denique parietem uaser ho-
 mo deturbat, ut nouum construat; non quidem parie-
 tis ducendi sed signi reuellendi consilio: Catholici apud
 quos vnus è Societate concionabatur, rem deferunt ad
 senatum: actaq. sedulo causa, publico iudicio effigies
 illa multo quam antea restituitur elegantior. Ex hæ-
 si qui emerferunt dum pristinum statum cū præsenti
 conferunt, prædicant se vel ipsa tranquillitate animi
 quæ è sacramentorum usurpatione consequitur, tantò
 magis in religione firmari. Vnius præcipue fuit ab hæ-
 resi

res; discessus illustris, qui antequam sanus esse cœpisset, quoniam doctrina & eruditione pollebat, omnem Calvinianorum insaniam facile superabat. is & philosophum se profitebatur & Theologū; fuerat in Germania, fuerat Gebennæ in hæreticorū cœno atq. colluie; nec satis habuit animū suū prauis opinionibus infecisse, nisi huc profectus alios quoq. multos inficeret. fuit ille quidem Calvinianus, sed multis capitibus egregius discipulus à magistro suo Caluino dissentiebat. quod ubi senserunt hæretici, nefandorum scelerum reum faciunt; comprehenditur, in carceremq. conijcitur: sed suam ipse causam in senatu sic egit, ut se eximeret. à calumnia. Nostros autem sibi in carcere ante negatos accersit, usq. quattuor de præcipua religione quæstiones ad expediendum proponit. disputat ipse principio aliquantulum, sed patris se monentis rationes ut audiuit, vix fletu temperans ad detestandam hæresim se se parat, nostrorum apud Deum suffragationes postulat. ac ne multa, diuinitus factum est, ut iam suorū peccatorum memor, & anteaactæ vitæ dolore saucius, reiectis hæreticorum machinis, qui clam palamq. hominem impedire conabantur coram Archiepiscopo ante aram maximam maximi templi eleganti oratione hæresim eiurrit, fidemq. ex præscripta à Tridentino concilio formula solenni ritu professus sit.

RHVTENENSE, ET MAVRIACENSE.

R Hutensis Collegij scholæ septingentis circiter auditoribus constant, & cum multi de Societa-

te iam cogitant, tum duo tantum in presentia recepti, veteri in aliud tempus reiecti sunt. Milliaticenses pueri (est autem Milliaticum hereticorum urbs) hereticis orti parentibus discendi causa quam primum ad nos se conferunt. A parentum religione semel auulsi, non modo ut sint Catholici enituntur, sed etiam ut Christi consilia in cœnabijs sequantur vehementer optant. vocati in suorum ministrorum concilium parentes, publiceque correpti, quod suos ad nos liberos mittant iudacter liberique professi sunt, nolle se committere ut liberam filiorum voluntatem in eis rebus, quæ ad religionem pertinent cogant, si eos Catholicorum disciplina deleat, eam sane sequantur, liberum esse cuique religionem quam optimam putet, amplecti. Quodam autem in oppido cum quidam noster conciones haberet, confluerunt illico Milliaticenses ciues, factumque est ut in ipsa Milliaticensi urbe, libere Missæ sacrificium offerretur; cum quidem diuino quodam numine afflari pueri, hereticis (ut dixi) nati parentibus cateruatim veniunt ad Missam, tanta cum pietate ac studio, ut è parentum domibus sese inuicem euocarent. Et quamuis interdum ob eam causam ministrorum iussu plectantur; constant tamen animo negant se ab audiendis sacris abesse posse, neque ullis terroribus minisque cedunt.

Mauriaci non modo domi habitæ sunt, sed etiam in hereticorum finitimis oppidis conciones, ex quibus is consequutus est fructus, ut heresim multi reiecerint. Sed etæ sunt etiã iræ discordiæque per sepe. quarum una tanto cum odio duos inter nobiles extitit, ut nulla alia ratione nisi duello sedari posse videretur. iamque ex utraque parte fami-

familiarium facta manu veniebat ad arma, cum pater è nostris alterum inimicum alloquutus docuit quam nefarium esset id genus pagnæ, quamq. à Christianis institutis abhorrens. ea cohortatione rem, Deo iuvante, cõposuit. Gymnasii auditores tribus distincti classibus fuere quingenti. Cum autẽ studia litterarum anniuersaria consuetudine renocarentur, proposito in finitimis urbibus librorum indice, qui explanandi essent, hæreticus cõcionator, vel rei veritate vel suorum auditorum in nos beneuolentia adductus, instituti nostri rationem frequenti populo commẽdauit, hortatusq. est parentes, ut suos quisque liberos in disciplinam nobis tradere non dubitarent. Ex hac provincia Aduentus Quadragesimæq. temporibus in agrũ Santonicum missi de nostris, cum multa fecerũt, quæ cum superioribus annis fere consentiunt, tum prauam eorũ consuetudinem sustulerunt, qui generali peccatorum confessione contenti, qualem in sacrificio missæ præsumur, de sacramentali singulorum confessione non laborabant. Quædam autem honesta mulier passuũ millia viginti hac vna de causa ad nos contendit, quæ animo quidem Catholica, multa palam indigne fecerat, ut coniugi ceterisque hæreticis conuictoribus satisfacere: annosque iam octo sacramentorum fructu caruerat.



PROVINCIA

LVGDVNENSIS.



Septem hæc prouincia sedibus contine-
tur, socijs centum amplius ac sexa-
ginta. Lugdunensis tres numerat &
viginti. Turnonensis quinque & tri-
ginta. Anemonensis duodequadra-
draginta. Billomæa quattuor & vi-
ginti. Camberiacensis tridecim. Diuionensis vnde uigin-
ti. Decem minus Dolana. Ita functi sunt duo, ad Socie-
tatem se aggregauere viginti.

COLLEGIVM LVGDVNENSE.

Illustris fuit erga Lugdunensis Collegij socios di-
uinae prouidentia cura: qui cum in apertis pestilē-
tia periculis versarentur quippe quæ conminētes iam
ædes inuaserat, semper tamen fuerūt incolumes. Nec
sine causa; voluit enim Dominus opis aliquid afferri
ijs, qui non minus animo quam corpore laborabant. nā
cum tertium iam annum quos pestis teneret omni sa-
lutari præsidio carerent, nostri ciuium rogatu hoc one-
ris susceperunt, ut apud eos & cohortationes haberēt,
& bis terue in hebdomada rē diuinam facerent. pluri-
miq. nostrorum monitis pro sua incolumitate vota fa-
cientes spoponderunt B. Mariæ dicata templa se lu-
straturos, quod & frequentissimi postea cum Sacerdo-
te nostro fecerunt. Per idem tempus cum pestis vitan-
dæ

de causa nonnulli è nostris vrbe cessissent, locosq. propinquos obissent, rudes populos ea, quæ ad ànimi salutem pertinent docuerūt. Pagus quidam hæreticus est, quo ex alijs pagis ad audiendum Ministrum plurimè confluxebant: nostri quanquam garriente & obloquentem ministro suis concionibus perfecerunt, vt multi eo relicto sese transferrent ad nostrum. præsertim quod inaudierant, eum & congressum vitare nostrorum, & de religione certamen. Itaq. Deo bene iuuante hæresim eiurauere complures. Scholæ multis iam mensibus intermissæ, octobre ineunte, reuocatae sunt. Ex ijs prodeunt adulescētes non minus pietate quam doctrina præstantes. Vnus parentibus natus hæreticis, non raro male acceptus à patre, quod & Geneuam proficisci nolleret, & Catholicorum more viueret, non modo constanter in suscepta religione permansit; verum etiā postea, mortuo parente cum ipse quoque grauitè ægrotaret, multis precibus à matre contendit, vt quando iam supremus dies adesset, aduocaretur de Societate Sacerdos: negauitq. se quicquā è præscriptis pharmacis hausturum, nisi prius animum confessione purgasset. Ergo Sacerdotem quem quærebat accitum, expiatisq. rite peccatis morientem ne se defereret obsecrabat: verebatur enim æger, ne si pater abiret, simulato religioso viri ornatu, id quod in parentis obitu factū est, minister induceretur hæreticus. Quare tamdiu apud eum Sacerdos ille fuit, quamdiu animam Deo redderet. Erater autē natu maior peccata Patri confessus, cum ad id tempus fuisset hæreticus, factus est repente Catholicus.

T U R N O N E N S E.

E Turnonensi Collegio ad varias de more regiones
 itum est. In oppido, ubi vigesimum iam annum do-
 minabatur hæretici, multæ sunt confessiones exceptæ,
 eorum præsertim, qui numquam erant ante confessi.
 Multi ad Ecclesiam Catholicam reuerterunt, effectū-
 que, ut quod templum ab hæreticis esset euersum, in-
 terposita Domini Turnonii auctoritate, eorundem e-
 tiam instauraretur expensis. Supplicationes toto Del-
 phinatu cum insigni celebritate decretæ, ut interdum
 octo hominum millia, sublato conditionis ætatisq. di-
 scrimine, nudis pedibus, frequentibus imbris ad lon-
 ginq. loca prodierint. Abest Turnone vrbs quædam,
 quam Romonum vocant, passuum millia nouem. in ea
 extitit repente tanta vis erucarum, ut etiā priuata-
 rum adium parietes, mensas, lectos, pauimenta conte-
 gerent. Ciues rei nouitate perculsi, petere ab eo opem
 qui quondam simili pœna affecisset. Aegiptum; decre-
 tisq. nostrorum hortatu supplicationibus, omnis illa e-
 rucarum vis depulsa est: quin ipsi quoque ciues solito
 meliores effecti, concionatorem summis precibus po-
 stularunt. libros hæreticos protulerunt, templum diu
 iam neglectum, ac prope dirutum restituerunt:

Aliæ porro Prouinciæ Decreto Regis lustratæ sunt.
 in his Viuariensis Diœcesis. cuius nobilitas tam virorū
 quam feminarum Ecclesiæ Sacerdotia vi occupat. ex
 qua re multæ iam cedes extiterant. digladiantibus in-
 ter se nobilibus, qui primi in Ecclesiæ redditus inuolq-
 rent.

rent. Ad Regem delata res est, ut provincia statu per-
specto, ei quoad fieri potest occurrat. Oppidum est in
Delphinatu quadraginta amplius millia passuum Tur-
none distans, quod bellis civilibus erat veluti quoddam
hæreticorum asylum; in eoq. rerum politur opulen-
tus quidam hæreticus. Catholici, qui cū hæreticis pro-
miscue versantur, certum hominem, qui concionatore
postularet, ad Rectorem collegii legarunt. Is cum pro-
pter penuriam hominum negaretur, nuncius aduolu-
tus ad gēna, Rectorem cum lacrimis obsecrauit, ne
Christi oves omni præsidio spoliatas inter lupos versa-
ri pateretur. eius lacrimis precibusq. dati sunt duo,
qui duodecim ibi dies tanto hominum concursu concio-
nati sunt, quantum diu ante nemo meminerat: & quod
magis mirandum est, ipsis quoque profectis diebus cum
suo quisque munere occupatur. cum vero opifices, ne
matutinam concionem amitteret, tardius mane reuer-
tentur ad opus, vehementerq. qui eos mercede condu-
xerant, quererentur, respondebant malle se pecunia,
quam concionē carere.

Fons est ad quintum lapidem recens inuentus, præ-
ruptis montibus ita conclusus, ut nisi quis deorsum se
ex alto demittat, eo penetrare non possit. Quoniam ve-
ro aqua illa tanquam optimum medicamentum habe-
tur, magna illuc ex omni hominum genere turba con-
fluit. Venerat & minister hæreticus, ut apud suos con-
cionaretur, & Calvinianam cœnam obtruderet, quod
ubi nostri senserunt; eo ipsi quoque, ut illam pestem a-
uerterent, contenderunt; hominemq. cum conuenissent,
theologiæ thesibus, quæ in Collegio propugnanda es-

sent,oblatis,ad disputationes inuitat.ille certamen ab-
nuit,quod latine nesciret. tū maximo suorū pudore re-
pēte dilapsus,nusquā amplius comparuit:īa peste illa
sublata facilior patefactus est aditus ad catholicos
instituentos.Principio Veneranda crucis insignia non
procul à fonte cum lacrimis canticisq. defixa sunt. ad
eamque sepe diuina res facta, sepe scelera expiata
multorum.Bibliopola ibi erat hæreticus, qui libros i-
tem vendebat hæreticos:nostri, vt ei incommodo me-
derentur, alium Catholicum, qui Catholicos è regio-
ne proponeret,euocarunt. Visum est Catholicis quasi
quoddam de cælo robur allatum; hæretici vero perin-
de animo consternati,ac si graui aliqua tēpestas per-
cussī essent. Superiore anno propositis tum philoso-
phie tum theologie thesibus,Nemansenses ministri li-
bello in eas edito nescio quid calumniati sunt: nostri
hoc anno iisdem repositis thesibus,epistolaq. qua facti
ratio continebatur,adiecta,hæreticos illos ad disputa-
tionem inuitarunt. Vbi disputationum dies affuerunt,
quæ diebus quinq. habitæ sunt,sella semper ijs in are-
na seruata est,sed semper inanis. cumq. de superiore
loco theologus ministros illos, antequam quemquā a-
lium ad disputandum admitterent,inuitasset,nemo vn-
quam comparuit. Affuit tantum Doctor quidam hæ-
reticus,qui vt certamē iniret,per amice rogatus,nun-
quam tamen adduci potuit.Ita mirum silentium inter
hæreticos consecutum,quibus cum etsi cominus agi nō
potuit,eminus certe agetur. excuditur enim liber in
eos,vt ei,quo theses nostras exagitarunt,respondeat-
tur.cui si vicissim respondere velint,næ illi prius theo-
logiam.

logiam & litteras docendi sint.

A VENIONENSE.

AVenionensi Collegio Probationis domus adiun-
cta est. ea complures hoc anno adolescentes ad-
misit, qui egregie cum parentibus decertarunt. Vnus
matrem hæreticam suspirijs & lachrimis prope con-
fectam, quæq. ad eius pedes, ne se desereret, supplex
abiecerat, fortiter repulit. Alij è priuatis parentum
custodijs elapsi, magno sibi paupertatem Societatis e-
merunt; præter eos qui etiam num custodia tenentur
inclusi; quorum tum perspectus erit euentus, tum de-
mum de illorum pugna & victoria dicetur. Extra Vr-
bem cum alij alio missi, tum ad Nemansenſes præci-
puo cum fructu. Est Nemansum Gallia civitas Nar-
bonensis, propugnaculum hæreticorum. Hic diu nostri
non sine aperto vitæ discrimine commorati septingen-
tos amplius ad Ecclesiam Catholicam reuocarunt. Es-
sidentes cum de ciuitate per multos, tum è vicinis
oppidis audierunt, in ijs senem octogenarium, cuius cū
& domestici, & oppidani omnes essent hæretici; num-
quam tamen aut prauis eorum opinionibus assentiri,
aut conciones audire, aut eorum inire causam voluit;
ac ne ijsdem quidem precationibus interesse. Is igitur
triginta amplius millia passuum ad nos profectus, tan-
ta animi pietate, mœroreque confessus est; vt ne ab ho-
mine quidem urbano & catholicis moribus expolito,
nè dum à rustico atque impolito expectare tam mul-
ta potuisses. Discipulus quidam tredecim circiter.

natus annos ab hæretica matre Turnonem ad Collegium missus, ad auitam religionem se transtulit. quo cognito hæreticorum ministri, dum anathematis metu territant matrem, fecerūt, vt ea Nemansum puerum reuocaret. quo cum venisset, & Patrem nostrum offendisset, vsque adeo confirmatus est in sententia, vt ministrum totius Gallie Narbonensis facile principem sibi insidiantem, minitantemq. reiecerit. cumq. res progrediente tempore, si à nostris puer abisset, non carere periculo videretur, fugæ ille consilium cæpit, Auenionemque venit, vbi victum potius sibi quæreret mendicando, quam ut susceptam semel religionem desereret. Sed mater miseratione commota non est passa quicquam à filio desiderari.

B I L L O M A E V M.

Frequens est in hoc Collegio Gymnasium, & quamquam grauis hoc biennio pestilentia ciuitatem occupauerat, mille tamen supra quingentos discipulos numerauit. Confessiones sunt audite complures, sed vninse vitæ ab vno & eodem Sacerdote trecetæ, ab alio ducetæ, aliæq. item ab alijs, quæ nullo certo numero finiuntur. Mulier quædam apud nos Sacramento- rum vsu ita profecit, vt acceptam in re domestica cladem non solum ipsa moderate ferret, sed ad eamdem animi æquitatem Generum hortaretur. Plenum horreum ignis inuaserat, nec tamen tristior effecta, aut tritici cæpit angustia, aut diuinis desperare præsidjs; sed æquo animo ad incendiij locum profecta, fufis

ad

ad Deum precibus, quasi quibusdam aquis ignem ex-
 tinxit. Lites præterea multæ direptæ. in his una quæ
 inter principes viros extiterat, quæ res eo gravior &
 admirabilior est visa, quo sæpius ante tentata nunquā
 successerat. Foris non minore fortassis vilitate, quam
 domi versati sunt nostri. prauæ consuetudines de tē-
 plis sublatae sunt. tabernæ, & Caupona, quæ festis die
 bus à multitudine celebrabantur, exinanitæ, proposita
 graui multa, si quis in posterum ad eas diuerneret. Ad
 Ecclesiæ fidem reducti complures: à superstitionibus
 magicisq. artibus, quæ in hisce Auerniæ montibus plu-
 rimum vigent, iuocati non pauci. rustici, quorum agri
 ante annos aliquot grandine tacti erant, cum magum
 qui eam calamitatem auertere se posse iactabat, acci-
 re vellent, nostri fecere, vt ab ea cogitatione desisterēt
 denique hæc & alia de genere eodem domi forisque
 sunt gesta. Camberiaci multum incrementi diuina
 res cepit. nam cum antea vix pauci aliqui sæpius, quā
 quotannis semel confiterentur, nunc primo cuiusque
 mensis dominico die tam multi ad eluendas animi la-
 bes, tum sumendum Christi corpus accedunt, vix vt
 Sacerdotes quinque satisfacere æque omnibus pos-
 sint. Quidam Gebennensis hæreticus auditus est, qui
 morbo pressus, cum ne tum quidem, vt eiuraret hære-
 sim, adduci posset, nostris adhibitis ita diuinitus est per-
 motus, vt Ecclesiæ Rom. imperio se sponte subiecerit:
 nec ita multo post, sacramentis omnibus expiatus vi-
 ta migrarit. Quidam toto capite intumescens aspe-
 ctum penitus amiserat, vitam etiam propemodū amis-
 surus, nisi peccatorum confessione, & valetudinem

recuperasset & lucem. Dissidia etiam sublata duorum fratrum è prima nobilitate. quorum alter cum duodecimum iam annum, nullos liberos ex uxore susceperet, quoniam nostris auctoribus in gratiam cum fratre redijt: filium mox suscepit, eumque à Deo datum tanquam reconciliatæ pacis pignus agnovit.

Dolæ, quæ Urbs est in comitatu Burgundiæ, hoc anno primum Societatis Collegium institutum est. à tribus magistris initium docendi factum est. Nostra autem instituendæ iuuentutis ratio valde probatur, acciditque ut cum publico in hospitio quidam, verbis vteretur obscænis, à puero Gymnasii admoneretur, ea christianum hominem non decere. cumq. ille puerum, unde ea didicisset interrogasset, respondissetque puer à Iesuitis, tum & admonitionem æquo animo tulit, & suos ad nos liberos, unde bene vivendi præcepta peterent, missurum se dixit.

MISSIO EBREDVNENSIS,

& Sedenensis.

EBreduni, quæ superioris Delphinatus metropolis est duo de nostris sane quam vtiliter commorati sunt, nam & schola, quo quadringenti circiter auditores venitant, aperta est, & confessiones exceptæ multorum, præsertim cuiusdam inter hæreticos ducis, qui Nigrorum indutus ornatu (sic enim genus quoddam sodalium appellant) sacratissimum Christi corpus non sine magna omnium admiratione suscepit: & quod maius est suos omnes ad eandem Ecclesiæ religio-

gionem adiunxit. Idem à femina factum genere non obscuro; quæ hæreticis nata parentibus, & in Biblyis vulgari idiomate Gebennæ editis diu multumq. versata, tandem concionibus permota nostris ad Ecclesiam Catholicam se decrevit adiungere. cumq. iam inde à prima ætate susceptas animi labeles eluceret, tanta viri lacrimarum oborta est, ut præ doloris magnitudine institutam non semel confessionem abrumperet. Nunc non ipsa modo magna cum laude in instituto permanet, sed de reducendis ad ouile Christi domesticis vehementer agit. Itum est & Sedenā, quæ in Allobrogum finibus sita est, tutissimum hæreticorum hac tempestate perfugium. Eo igitur nostri profecti Gubernatorem urbis quauis hæreticum impulerunt, ut Missæ sacrificium nonnum iam annum intermissum reuocaretur. ea re impetrata, quattuor circiter mēsum spatio, tantū illi quotidianis concionibus profecerunt, ut homines bis mille ac sexcentos à peccatis. absoluerint. ac principio quidē id modo factitabatur à pueris: sed puerorū tantū valuit exemplum, ut viri deinceps femineque primariæ eorum sequi vestigia nō dubitarint. Sed pœnitentium is numerus fuit, ut ratio facile non putetur. Calvinistæ tredecim ad sanam sunt reuocati doctrinam: eorum vero, qui hæreticorum accepta cena in fide Catholica fluctuabant, confirmati quingenti. Non numquam autem & cum ministris vultus dimicatum est non sine magno hæreticorum dedecore ac probro, qui vel è pugna discedebant inferiores, vel pugnam ipsam disputationemq. defugiebant. Et quoniam inter hæreticos agebatur, distribuenda fuisse Catho-

tholi-

tholicis, quæ Catholicorum sunt propria. Itaque cerea cœlestis agni simulacra tributa tanto in honore d Catholicis habebantur, ut eorum beneficio multa divinitus exorarent. Religiosa mulier ex his ceris particulam duntaxat quamdam in ora vœstis quiusdam delirantis semine consuit. ea fuit tum sacræ illius cereæ vis, tum incensa mulieris fidei, ut continuo facta sit sana. Aliæ cum viros haberent immites & feros, eosdemq. hæreticos, clam in eorum thoracibus caligisue hac eadem cera consuta, lenissimos sibi & mitissimos reddiderunt. quo factum est ut in pietatis officijs nullo iam suis coniugibus impedimento sint viri. Ancilla item dæmonem, cui se deuouerat, aduenientem, se seque horrendis vociferationibus territantem sacris agnorum ceris, quas collo gestabat, abegit. Mulier alia sic agitabatur d dæmone, ut varijs corporis partibus intumesceret; sed nostris suadētibus aqua lustrali, Eucharistiaque adhibitis magno cum Catholicorum, tum hæreticorum stupore liberata est. ea postea cum rogaretur, cur Patris digitum sibi in os iniectum non momordisset, Quia, inquit, violari Sacerdos nullo modo potest. Gratiarum reconciliationes factæ non nullæ, præsertim inter matrem & filios ex honesta nobilique familia; qui cum mutuis odijs ita flagrarent, ut ne Gubernatoris quidem auctoritate mitigari possent, expiatis confessione animis, Christi que corpore apud nos sumpto, tantum illis Christus attulit virium, ut propinquorum omnium celebrato conuiuio communis gratulationis indicio, mutuis se se complecterentur amplexibus: cumque Ecclesiasticum Sacerdotium multos

multos iam annos nefarie possiderent, continuo id
 eius loci Sacerdoti reliquerint. *Alia Mater cuius filia*
heretico nups erat, cum ab utroque graviter dis-
sideret; nostri conciliatis animis impetra-
runt, ut filia, quæ heresim iam hau-
serat, una cū parente confessa
communicarit: Gener au-
tem magnam resi-
piscendi spem
dederit.



PROVINCIA TOLETANA.



*Allia peragrata Hyspaniarum Pro-
uincias ingredimur. in quibus, ut in
multis Italiae locis fecimus, aliisque
nonnullis, præcipua huius anni acta,
summa breuitate complectar. non
enim hæ Prouinciæ eas habent re-
rum gerendarum occasiones, quibus abundant; aliæ
quædam, ubi tum hæreticorum crebra conuersio, tum
prodigiorum magnitudo sæpe contingit. Nobis autem,
ut initio significauimus, propositum est, quæ eminent,
ea duntaxat afferre: ordinaria uero & quotidiano iã
usu contrita relinquere; ut admirationi nemini esse
debeat inæqualitas narrationis, quam ipsa locorum
fecunditas moderatur. ipsa enim soli bonitas, quæ non
ita magna cultura indiget, nec tam latum campum ad
res gerendas aperit, ea ieiuniorum efficit narrationẽ.
Quod si frequens mysteriorum usurpatio, si concionũ
uulitas, si hominum corona atque concursus, si omnes
gratiarum reconciliationes, omnis morum mutatio,
omniũ animorum conuersio, omnia denique officiorum
studia in singulis sunt notanda Collegiis, nemo non ui-
det, quantam sitietatem allatura sit tam molesta &
tam crebro eorundem rerum inculcata narratio. nul-
lum est enim fere Collegium ubi non hæc gerantur. ita
que consultius fore visum est, & uero laudabilius uni-
cuique Collegio, si de ipso quotidiana ut dixi ac trita
mit-*

mittantur, quam si hæc ipsa propter rerum inopiam studiosius undique conquirantur. Versantur igitur in Toletana prouincia, vi ab hac ordiamur, socij fere quingenti ac sexaginta. Sedes quindecim. In Toletana domo sexaginta. totidem in Madritano Collegio, atq. in Probationis Domo Villaregenſi. In Complutenſi centum ac decem. In Toletano vndeſuiginti. In Murciano quadraginta. In Occaniensi & Talabricenſi in ſingulis viceni. In Placentino duodeſuiginta. Totidem in Huetenſi. In Belmonteſi quinque & viginti. In Conchenſi vndeſuiginta. In Sicuritano ſex & viginti. In Carauacenſi vndeſuiginti. In Nauſcarnerano ſeptemdecim. Auctus Sociorum numerus plus minus ſeptemdecim. Septem vero obitu imminutus.

Ineunte anno Kal. Ian. qui dies Societati noſtra feſtus eſt, habuit in Toletana domo concionē Iaceniſis Epiſcopus celeberrimo hominum conuentu, præſentibus Toletanæ ſynodi Epiſcopis, Principibusq. permultis. Miſſæ Sacrificium Conchenſis fecit Epiſcopus. Eodem ferme apparatu celebritateq. feſtus dies actus eſt B. Iſephonſo Vrbis Patrono, qui in his ipsis noſtrorum ædibus natus dicitur. Sacrificauit Cordubenſis Epiſcopus. concionem Siguntinus habuit. quanquā reliquis anni temporibus maxime celebratur hoc templum, celebritatique reſpondet fructus vberriſſimus. Toleti hoc anno primum à Toletano Cardinali Societatis Collegium conſtitutum eſt ciuitati per utile. Aper- tum eſt Gymnaſium v. Kal. Nouemb. habita à noſtris oratione coram nobilitate præcipua. auditoreſq. iam ſeptingenti ſcholis quinque diſtincti numerantur. Acceſ-

cessit & B. Virg. sodalitiū, quod ut se dant initia frugē pollicetur oberrimā. In Madritano Collegio diē obijt Io. Harleminus Flander spectata virtutis & doctrinæ Sacerdos, qui cum in morbum incidisset, quanquam spem ei salutis Rector offerret, prædixisse dicitur eo si bi morbo pereundum esse: cum Medicus certo illi die tēpus mortis definiuisset, ipsum dixisse pridie eius diei, qui dicebatur à Medico, sibi esse moriēdum: quod comprobauit euentus. cum vero Ecclesiæ ritu pro moribundo preces funderentur, ventumq. esset ad eas preces, quibus migranti animæ pericula deprecamur, ad Rectorem conuersum (is enim agenti animam præsto erat) ita dixisse, satis est Pater, actum est: atq. ita spiritū edidisse; ut iisdē pene verbis vitā clauderet seruus, quibus olim clauserat Dominus. Magna est Madridi tum nobilium virorum, tum Imperatricis aliorumq. è regia familia pietas, studiumq. erga Societatem. Consiētium vero vis tanta, ut ne triginta quidem Sacerdotes, quotquot hic degunt satisfacere queant. Curatū est in his locis, ut flagitiosæ mulieres, quæ ad honestatē reuocabantur, tum in certis sedibus collocarentur, tum piorum liberalitate sustentarentur. nam cum antea nullas haberent huiusmodi sedes, sæpe fiebat, ut ad suas sordes, vnde paulo ante emerferant reuoluerentur: nunc peccādi materia subtrahita in officio se continent. Gymnasii numerus idem, qui superiore anno, ex eoque prodeunt cænobia per multi ea probitate ac virtute, ut cænobia ipsa testentur eos, qui hinc prodierint tirocinū subsidio non egere. vnum & idem cænobium annuo ferme spatio de nostris auditoribus

ribus denos accepit, facile ut appareat B. Virginis sodalitatis quanti sint fructus, quæ ipsa quotidie magis augetur & confirmatur. E Complutensi Collegio cum alij multi collecti sunt fructus; tñ ex eo duodecim virtute atq. ingenio præstantes adolescententes in Societatem adscripti sunt. Ea est autem apud hos ciues, Societatis existimatio: ut mirum videri non debeat, si tanti fiant ad scholas nostras concursus, & tam copiosa percipiatur utilitas. Murcia philosophia tradita cæpta est. In Occanensi oppido primarij quidam viri qui multos iam annos intestinas alebant inimicitias, in mutuam gratiam redierunt, eademq. nostrorum opera totum ferme oppidum, quod in diuersa studia distrahebatur, ad pacem concordiamq. reuocatum est. E Placētino duo ad nos transferunt, E Belmōtensium ad Societatem nonnulli, tñ alij ad alias familias. & quidem cum Franciscanorum familia suos de more conuentus ageret, plurimi in ea reperti sunt alumni disciplinæ nostræ, qui ipsi quantum his scholis debeant & agnoscunt & prædicant. Carauacæ & si id oppidum non magnum est, frequens est sacramentorū vsus: communicantium capita tredecim millia circiter censa sunt, plura etiam fuissent, nisi Sacerdotum penuria, qui pœnitentibus operam darent, laboratum esset. Sunt Carauacæ, qui nostrum vitæ genus vebementer expetunt, duo tantum impetrarunt. Instituta est Rosarij sodalitas, vnde insignis expectatur utilitas. Reliqua cundē tenet cursum.

P R O V I N C I A C A S T E L L A N A.



Quingenti in hac prouincia & 60. socij duodeniginti sedibus continentur. In domo Professa Vallisoletana duo de quadraginta numerantur. In Medinensi probationis Domo quadraginta. In Domo probationis Villagarsie quattuor & triginta. In Salmanticensi Collegio septuaginta. In Vallisoletana quattuor & triginta. In Burgenfi tres & quadraginta. Vno minus in Abulensi. In Segobienfi triginta. In Palentino duodetriginta. In Collegio montis Regalis tres & viginti, qui tamen numerus auctus est ad triginta quinque. In Omnatenfi decem. In Lucronienfi triginta. Totidem in Legionensi. Viginti circiter in Numantino. In Ouetensi sexdecim. In Compostellano quattuor & viginti. In Bellimarenfi sexdecim. In Pompeiopolitano non plures noui. Decem ex vninersa Prouincia mors abstulit. Pro his a Deo redditu quattuor & triginta.

VALLISOLETANA DOMVS.

& alia collegia.

Quæ nostrorum laboribus in Professorum Domo sunt parua, multa quidem ac præclara sunt sed persequi singula non est necesse. Quidam, ut inimicum viciſceretur preparato veneno, non modo ab ea
cogi-

cogitatione deterritus est, verum etiam cum inimico reductus in gratiam. Sacerdos, qui sibi vim decrevit inferre, ab insania illa reuocatus est. Alijs vero, quos sua scelera ad supplicij morteq. damnarant, sæpe consultum. Sed illud non minore laude dignum, quod cum morbus hoc anno plurimos occupasset, muluq. propter egestatem in vjs publicis interirent, nostrorum industria nouum quoddam Nosocomium perfectum est ad fouendos eos, qui communis valetudinarij excluderentur angustijs. Septemdecim ex hac Domo alij alio ad animarum lucra profecti sunt: impositusq. finis discordijs perniciosjs, atque in his infestum partibus oppidum ad pacem & concordiam reuocatum. Medinensis Domus duodecim ad Societatem adscripsit. Data est opera, ut ijs qui rei familiaris inopia in peccatorum cæno delitescerant, pecuniarum inde subsidijs extraherentur. Res accidit in hac ciuitate sane grauis, quæ omnium iudicio armorum causa putabatur. sed Dei ope, irarum fonte sublato, nascenti malo celeriter est occursum. Alius item è nostris duos populos veteri inter se odio dissidentes reconciliauit. In domo Villagarsie solitudo ipsa lociq. recessus multos, eosq. de principibus viris ad contemplationem piarum rerum more institutoq. Societatis allexit. Matrona nobilissima Magdalena, huius domus Fundatrix insignis sex aureorum millia & eo amplius ad edificandum dono dedit. In Salmanticensi Collegio præter ceteros laborum fructus ad Christum adiunctus est Turca: atque hic moriens mille scutatos Collegio reliquit.

Burgense domicilium cum ante Professorum vjs-
M bus

bus deseruisset, hoc anno ad domesticam litterarum disciplinam vt olim fuerat, translatum est. Nam Ciuitas, quæ quondam florebat opibus, propter commercium, quod cum Flandris, Anglis, ceterisq. negotiatoribus ei erat, postea eo sublato in eas fortunarum angustias venerat, vt sustentari in ea Professorum Domus ciuium liberalitate vix posset. Ex altera parte ad constituendum, fundandumq. Collegium redditus quotannis offerebantur idonei, nullo conditionum onere, nullo Fundatoris nomine postulato. Quod cum recusari sine graui tum Archiepiscopi, tum ciuium offensione, qui vltro nobis, vt acciperetur, instabant, minime posset; visum est R. P. Generali (approbatibus etiam ferentibusq. per litteras suffragium Prouinciali, duobusq. Professis antiquissimis, quemadmodum constitutiones nostræ præscribunt) Professorum domum, quæ retineri vna cum Collegio per opes ciuitatis minus commode poterat, in Collegij formam sedemq. redigere. Itaque in eo iam Gymnasium quaternis distinctum scholis expositum est celebri auditorum conuentu, eiusq. patrocinium Archiepiscopus ipse suscepit. Franciscus vero Sarmentus Iaensis Episcopus pro ea, qua est in nostrum ordinem voluntate, ac singulari beneuolentia, dedit in eam rem aureorum millia quatuordecim. quare Deo fauente ex animi sententia cadunt omnia. Nec vero quæ ad litteras pertinent, ea tantum studiose curantur, sed reliqua etiam Societatis munera cum laude obeuntur. Duo qui annos quadraginta secus, quam decuit vixerunt, ad officium ope auxilioq. nostrorum se retulerunt, Fratres
item

item, inter quos inimicitiae veteres & quae ad mutuam
 eadem spectare videbantur, exarserant, placati inter
 se sunt. quibus conciliatis, irae aliae odiaq. multa posi-
 ta sunt. In hoc Collegio praeter eum sociorum nume-
 rum, quem supra descripsi, Archiepiscopi rogatu resi-
 dent alij duodecim; quorum ipse opera in lustranda
 sua diocesi, quae longe lateq. patet, ad arbitrium suum
 uti possit. cum Archiepiscopo aliquando profecti,
 mensium spatio circiter quinque una fuerunt, cumque
 ex ijs ille modo in hanc, modo in illam Oram pro cuius
 que Orae necessitate dimitteret, semper tamē apud se
 quattuor habere voluit, qui eorum confessiones, quos
 ad id pro concione cohortabatur, exciperent. Res ad
 laetitiam & exemplum erat insignis, cum oppida vni-
 uersa a suis expiata peccatis de eiusdem pastoris ma-
 nu pabulum caeleste susciperent. Non multo post cum
 Sacerdotibus octo rursus alias suae ditionis partes Pa-
 stor obiuit. cumq. in tam pijs laboribus quemdam ē
 nostris vita defecisset, velletque Rector ad Collegium
 transferri cadaver; ea fuit populi pietas in eius cor-
 pore retinendo, ut a se distrabi, diuelliq. non patere-
 tur. cum autem eius Ecclesiae loci ea de re vnaquaq.
 contenderet, litem dirimens Archiepiscopus in ade
 maxima condi iussit, vbi celebri pompa concursuque
 populi curatum est funus, habitaq. ab Archiepiscopo
 concio. In Palentino Collegio traditae sunt Socie-
 tatis meditationes viris multis de praecipuis. Quattuor
 autem nostrorum opera ad varia se contulere caeno-
 bia. Ad opus templi complures comparatae sunt aedes
 ad eamque rem via quaedam publica a ciuitate con-

cessa, quod postea munus suo decreto Rex sanxit.

COLLEGIVM MONTIS

Regalis & reliqua Collegia.

Collegium Montis Regalis duodecim hoc anno fratribus auctum est. ij philosophiæ, quæ nunc primum explicari cœpta est, operam dant, Magisterq. qui huic muneri præsit adiectus. Singulis Quadragesimæ ferijs diuerberatio celebris in templo nostro fuit. in Gymnasiij classes distributa res erat, ut suus cuique dies daretur ad verberandum. id exemplum ad eandem poenam ultro subeundam alios nobiles excitauit. ac sane ipsa iuuentutis institutio ad reliquam regni disciplinam non minimo momento est. profuit huic quoque rei Collegium quoddam nostro proximum, ubi litterarum studiosi numerantur vnde viginti. ij nostræ disciplinæ & institutis obtemperant, ita ut eorum quoq. leges immutare, condere, interpretari in potestate sit nostra. ex eo contubernio prodire cœnobitæ duo. E Gymnasio vero vnus omnium aptissimus in Societatem adscriptus est. Quod ad B. Virginis sodalitatem pertinet, vnum ad declarandum eius in suos clientes patrociniū non prætermittam. Discipuli quidam quibusdam simul in ædibus tanquam in contubernio vinebant. inter eos erat è sodalibus vnus. seu a tempestate coorta, tanta vis imbrum accidit ut noctu quieti se dare præformidine nemo auderet. Is quem è sodalitie Dei Matris esse diximus ad precandum Deum, implorandamq. eius Matris opem

cele-

ceteros adhortatus litanias magna animi consensione
 ut recitarent induxit: tum quieti se dant. Sed cum tē-
 pestatis atque imbrium vis increbresceret, ædium do-
 minus intempesta nocte confurgens, contubernales cla-
 moribus excitat, & e suis sedibus iubet excedere. illi
 somno arctissimo consopiti, vix tandē experrecti semi-
 nudi profugiunt: vix e tecto pedem extulerant, cum re-
 pente concidit domus, ut iam nemini dubitandi locus
 relinqueretur, quin eos è præsentissimo periculo Dei
 mater eripuisset. Ne illud quidem silentio præteri-
 bo. infirmissima ætate puella finitimo in oppido cum fa-
 ri cœpisset, multa de superioribus tēporibus, multa de
 futuris differuit, sed in Societatis laudem tam multa
 ut quotquot adessent studio Societatis incenderet. ea
 res multos huic Collegio beneuolos & fautores adiun-
 xit. & quoties in eo, quod dixi, oppido quisquam de So-
 cietate comparet, repente hominum multitudo cōcur-
 rit, ut ea, quæ ad animi salutem pertinet, sciscitentur.
 Sed ad finitimas regiones dimissi alij præter alios pe-
 regrinationis suæ fructus valetudinaria in ijs locis,
 quæ interierant, renouarunt: sodalitatesq. instituerūt
 eorum, qui misericordia adducti, vel curandos susci-
 piant agrotos, vel egenorum sustentent inopiam. Cum
 ad villam Baionæ oram maritimam peruenissent, non
 vulgare ijs hominibus vtilitatem attulerunt; & ut reli-
 qua omittam, institutū est inter milites conceptæ Dei
 Matris nomine sodalitiū (est enim ibi cohors militū
 in præsijs) conditæq. leges institutaq. nonnulla, præ-
 fertim quæ ad euellendam prauam illam, tum iurandi,
 tum maledicendi consuetudinem pertinebant. Alio in

loco non magno illo quidem, sed qui tamen ad alia loca tritum est iter, data est à nostris opera, ut quoniam viatores, qui frequenter ibi pernoctant, diebus festis sacrificij opportunitate carebant; Sacerdos aliquis, certo sacerdotio præditus aduocetur,isque diluculo, antequam viatores abscedant, diuinam rem faciat: edictumque graui cautum est, ne hospitiorum domini abire eos, qui ad se diuerterint, patiantur, priusquam ex Ecclesiæ præscripto sacris interfuerint. In Omnatenſi Collegio duo in Societatem recepti sunt. E Lucronienſi in vicina oppida aliquot excurrerunt, duasque in oppido quodam familias antiquis ardentes odijs reconciliarunt. Catherina Enciſenſis matrona nobilis & nostri ordinis studiosa, cum hæreditatem quandam adisset, Societatem in hæreditatis partem vocauit. Eius summa erit septem circiter aureorum millium. Ad Numantinum Collegium cum quidam è nostris iter faceret, non sine diuino consilio aberrauit à via; nam cum multa passuum millia in eo errore peragrasset, & ad quoddam oppidum peruenisset, vix de equo descenderat; cum in eius conspectu miles vulneratur ad necem. Pater confestim tamquam à Deo missus moribundi confessionem excipit. qua absoluta ille quoque finem viuendi fecit. Medicus, qui nec e Numantina Ciuitate erat, nec vnquam familiam nostram nouerat, nisi quantum fama & auditione acceperat, moriens testamento Societati legauit nummos aureos septingentos. dissuadetibus id amicis respondit, Se, quid ageret, non ignorare, multo minus, quam qui incolumes & valentes ad essent. In Ouetenſi ciuitate maximo cuidam flagitio quod

quod cum offensione in omnium oculis versabatur, occursum est, eademq. opera multa alia sublata sunt vitia. Qui foras de more missi sunt, strenue in audiendis pagorum confessionibus versati sunt, ut nonnullis biduum triduum ve expectandum esset, dum confitentium turba deflueret: alijs vero etiam in ipso itinere confitenda peccata. Est in hac quoque urbe ad tollendam iurisiurandi consuetudinē instituta sodalitas. quæ res vehemens medicina fuit ad sanandum hunc morbum. Compostellæ erecta item sodalitas est eorum, qui misericordiae nomine eis, quos vel pudor vel nobilitas à mendicando deterret, opitulentur, in eam adscribi voluit Archiepiscopus ipse, magistratusq. & nobilissimus quisque. Dominicis vero diebus stipem Canonici duo totidemq. magistratus corrogant. In proximis præterea urbes itum est, quarum una intestinis perturbata discordijs, cum excitata esset à nostris de tuendo otio paceq. sodalitas, paci trā quillatq. restituta est.

P R O V I N C I A

A R A G O N I A E.



Ragoniæ Prouinciæ octo sunt domicilia. Socij vero ducenti circiter & duodecim. In Domo Professa Valentina, quattuor & viginti. In Collegio Valentino duo de quadraginta. In Barcinonensi triginta. Duo plures in Gandiensi. In Cæsaraugustano tres & quinquaginta. In Balearico tres & viginti. In Tarraconensi domo sex, totidemq. in Gerundensi Collegio. Interierunt vñ decim, quorum iacturam alijs totidem bonitas diuina restituit.

Habita sunt in Domo Professa Valentina singulis Quadragesimæ diebus, id quod nūquā antea factū est conciones. Fructus idem qui e nostris concionibus solet. Religionis desertor ad religiosam Canobiorum disciplinam reductus paucis diebus excessit è vita. Sacerdos, qui quotidie fere sacrificabat, non solum peccabat ipse turpissime, sed suo exemplo atq. oratione ad peccandum ceteros impellebat. Facta apud nostros totius expiatione vitæ à turpitudine illa ad honestam & dignam Sacerdote vitam se transtulit. Femina precibus nostrorum ac monitis victa, filij charissimi necē Deo donauit; quo tam præclaro exemplo piuribus ijsq. magnis cadibus occursum est. E Cæsaraugustano Collegio sex in Societatem cooptati sunt. in his quidam ex Archiepiscopi aula ac familia, cuius à domesticis

sticis tentata constantia fidem nobis fecit, quam socio-
rum numero dignus sit. E socijs in vicina loca dimis-
sis insignis extitit fructus, ut etiam oppida quaedam de
aduocanda Societate cogitarint. Itum præcipue est ad
Pyreneos Montes, ubi populi illi in magna rerum di-
uinarum ignorance versantur; & cum Gallia finiti-
mi sint, valde periclitantur. Quinque igitur ad eos mis-
si sunt, qui paucorū mensiū intervallo tū sacramento-
rū administratione tū explanatione Christianæ doctri-
næ usq. adeo profecerunt, ut iā plane alia rerū facies
in orbe illo cernatur. Est etiam in eos, qui iusiurandū
temere usurpāt, instituta sodalitas, cuius beneficio ma-
gna ex parte prava illa consuetudo restincta est. Oppi-
do seditione ac discordijs laboranti, restinctis discor-
diarum seminibus, pax redijt. In Gandiensi vero Col-
legio ad Philosophiæ scholas scholæ etiam accesserunt
Humanitatis, plurimique ad discendū tum Græcam
tum Hebream linguam animum adiecerunt. Hæc de
Aragonia. Reliqua eodem statu sunt.

SARDINIA.

DEgunt in Sardinia socij septem ac septuaginta.
In Sassaritano Collegio tres & triginta. In Cala-
ritano fere triginta. In Busaquensi nō plures octo, re-
liqui in Ecclesiensi. Duo ad Societatem adscripti sunt,
mortui totidem. E Sassaritano Collegio missi sunt Sa-
cerdotes aliquot in finitimos pagos, qui e suis laboribus
multum ceperunt utilitatis. Quodam in oppido usque
eo veteres similtates exarserant, ut in duas factiones
diuis

diuīsa plebe multæ fierent vīrinque cædes. Nostri, pace inter factiosos principes constituta, ne malum longius serperet prouiderunt. Alieri vero pago, vbi nec vulgaris permīssio corporum, nec condita pectoribus odia numerabantur in peccatis, ereptus est hic error & vehemens iniecta religio. Calari Quadragesimæ nascentis exordio tota ferme Diocæsi falsus quidam percrebuerat rumor, nullum per eos dies ciborum delectum habendum esse, impune licere cuique per Archiepiscopum carnibus vesci. id vbi Archiepiscopus ipse rescīuit, rei nouitate commotus, eius rumoris auctores conqueri iubet. cum nullus indicaretur, nostros accersit, eorumque consilijs publico edicto tum se vindicat à calumnia, tum se uere cauere, ne quis deinceps ueritas in mensas dapes inferret. In his locis, quæ est horum probitas, Societas vehementer amatur. Sed, ut pudori nostro seruiam, honorificos de laude nostra sermones multaq. huiusmodi amoris argumenta prætereo. Hanc beneuolentiam par liberalitas testata est. In comitijs regis sex nobis librarum millia hoc est, aureos bis mille ac quadringentos de communi consilio Collegio decreuerunt. Habentur hæc comitia decimo quoq. anno, in usq. Regi a regno vniuerso plurimum argenti muneris loco defertur. Ex ea summa pars aliqua tū in communem utilitatem, tum in piorum hominum subsidium Regis liberalitate subtrahitur. Cum igitur ad eos nostrorū Collegiorum referretur inopia, vix dici potest, quanta omnes contētiōe, præsertim Archiepiscopus pro nostris commodis decertarint. quo circa impetrata est huic quidem Collegio ea pecuniæ summa

ma, quam dixi: reliquis vero Collegijs pro locorum necessitate complura. Lustrati sunt à Calaritanis socijs vicini pagi non sine eorum tum emolumento, tum animarum fructu. Pagus quidam cum propter summam egestatem, unde se aleret, nō haberet, tantum nō stri corrogauere subsidij, quantum menstruo spatio satis esset pauperibus, ferme ducentis. Alius ab Archiepiscopo ad eius inspiciendā Diocesim missus, operam in ea suam per quā utiliter collocauit: plerique enim in rebus, quæ ad religionē pertinent, erāt admodū rudes; vix ut aliquid eiusmodi audisse aliquando viderentur.

Ecclesiensis Collegij templum à Calaritano Antistite consuetis Ecclesiæ ritibus ac ceremonijs consecratum est. Decretaq. de more publica supplicatio frequenti Clero celebriq. conuentu. Deportabantur B.

Zenonis martyris vnusq. ex Vrsulæ comitibus

venerandæ reliquiæ: nec defuit ijs, qui intererant peccatorum Indulgentia.

Deniq. actus est ille dies maxi

ma omniū gratulatione.

ac celebritate. Ha

ctenus de Sar

dinia.

P R O V I N C I A B O E T I C A.



Luit hæc Prouincia socios trecentos
 & septuaginta sex. In Hispalensi Do-
 mo sexaginta. decem minus in Hispa-
 lensi Collegio. In Cordubensi sex &
 sexaginta. In Granatenſi quinquagin-
 ta. quinque plures in Montelano. In
 Marccnenſi quattuordecim. In Vaezano quinque &
 viginti. In Malaceniſi decem. In Gaditano quindecim,
 In Triguereſi vnde viginti, & in Zerenſi duodecim;
 tres porro in Ecciz am miſſi ſunt. Societatem auxere
 triginta & eo amplius. Sex autem obierunt.

Iam ſi à communibus diſcedatur, hæc ferme erunt
 quæ de vniuerſa Prouincia ſcribi poſſint. Cordubæ
 antequam in æde ſua Epiſcopus primo ſuo aduentu
 Miſſarum ſolemnia celebraret, in Collegium noſtrum
 ad octauum uſque diem ſeſe recepit, vbi vitam omnẽ
 antea ætam per confeſſionem expiauit. Granatæ nunc
 primum apertæ ſunt ſcholæ, eaq. in ipſo ſuo ortu au-
 ditores numerât quadringentos. In Collegio Mala-
 cenſi cum alijs temporibus, tum peſtilentiæ tempore,
 quæ vehemens hic fuit, ſociorum virtus enituit. Cumq.
 non facile inueniretur, qui homines peſtilentia fædos
 aut audirent conſistentes, aut ſubleuaret egentes; hanc
 ſibi curam noſtri magna tum ciuitatis approbatione
 tum animarum vtilitate ſumpſerunt. Atque id ipſum
 à Gaditano & à Zerenſi Collegio factum eſt. Nec
 deſunt huic Prouinciæ ſui benefici, qui preces noſtras
 pro

pro suis in nos meritis exigant. Dux Medinensis Hispalensi Collegio aræ, & aquæ modum mille circuer aureorum pretio dono dedit; Nec minus ab alijs benigne factum est Montelano, Vaezanoq. Collegijs, cuius vtriusque redditus aureis ferme trecentis amplificati sunt. Ex Hispalensi Collegio decem duodecimue è nostris auditoribus ad nostrum numerum accesserunt. Ex hac Prouincia alij alio animarum causa missi sunt qui cum omnes proximis vtilitati fuerunt, tum ij, qui in Eccizensi oppido laborarunt. Ciuitas vniuersa Societatis desiderio à Rege contendit, vt constituendi collegij causa quorundam sibi pascuorum fructus confringeret, quod cum impetratum esset à Rege, diem festum egit augustissimo Iesu nomini, omnesque ordines ac Magistratus gratulantes ad nos venerunt.



P R O V I N C I A

M E X I C A N A.



Septem domicilia Mexicana Prouincia complectitur, in eisque socios centum & viginti quattuor. In Mexicano Collegio duodesexaginta. In Mechoachano sexdecim. In Angelopolitano viginti. In Guaxacano decem. In probationis domo Teroztolana non plures octo. Tribus minus in domo S. Crucis, septem denique in sede Manilla. Nullus hoc anno Dei beneficio desideratus est, adiuncti vero quinque.

M E X I C A N U M, E T

Texozotlanum.

A Vctum est Mexicanum Gymnasium auditoribus quadringentis. nam Archiepiscopus, ut est in suo tuendo grege in primis vigilans, ad erudiendum conscientiae questionibus Clerum, eas à nostris explicari voluit. quæ res magnum Clericorum numerum ad scholas nostras adiunxit. Eorum, qui diuinis sacramentis se frequenter expiant, non minor utique, neq. numerus neque fructus est, quam in ceteris locis. Mulier quædam cum ægroicaret, & peius illi esset in dies curati est à domesticis, ut confiteretur; quæ cum non facile adduci posset, missus est à nobis vnus, qui simulatione officii, dum iacentem inuisit, ad peccatorum confessionem adduceret. Querit ex ea pater, an aliquid in
ani

animo lateat, quod confessione sit expiandum, negat illa præcise. monet hic, ut ad memoriam vitam sibi redigat antea actam. ea tamen, ac si nullius conscientia delicti teneretur, nihil se commeminisse significat. Tū Pater, quasi id quod erat diuinans, quæ isthæc, inquit, dementia est, ut malis per summum dedecus sempiternis addici supplicijs, quam breui quodam pudore suffundi quem gloria mox excipit immortalis? Hic illa effusis repente lacrimis, libet, inquit, parere monitis Pater, occultisque peccatis confessione detectis paulo post excessit è vita. Ad Philippinas cum Philippi Regis mandato nauigandum esset, Præses homo religiosus in primis, negauit hinc se recessurum, quin secum aliquos è nostris aucheret; & id ipsum multi viri principes contenderunt. cumq. re prius agitata ei nostri polliciti essent; ille quasi Deo gratias agens, nostris inspectantibus flexit genu, quod eos secum duceret, quibus ad Ethnicorum conuersionem Dominus vteretur. Sunt ad eam rem Sacerdotes destinati tres, laicus vnus. Quid tamen ab ijs actum sit hoc anno, nondum cognitum est, speramus cognitum iri propediem. Missi sunt & ad Sacatenas Patres duo, vbi non sine multo discrimine, (sunt enim regiones illæ excursionibus barbarorum infestæ) proximorum causa laborarunt. Habet hic beneficos multos Societas nostra. Sunt templo ex argento candelabra tributa quatuor, lampades calicesq. & alia huiusmodi ornamenta complura, quæ multis aureorum millibus aestimantur: ut plane nihil desiderandum sit aliud, nisi ut tantæ hominum de nobis opinioni par vitæ sanctitas integri-

gritasq. respondeat. De Texozotla, præter ea, quæ proximo anno scripta sunt, nihil est fere præcipui. Misi sunt ex hac sede in Guicotham Sacerdotes duo. abest hinc regio passuum millibus nonaginta, annū in ea nostri in instituendis ad Christi fidem ac mansuefaciendis efferatis incolarum moribus consumpserunt. est in hac prouincia hominum natio quadam, in qua etsi religionis Christianæ cernuntur initia; tamen quia eius regionis lingua ab omnibus ignoratur, inculta & deserta relinquitur. Sacerdos noster, qui iamdiu vix eius linguæ attigerat elementa, ad eam se reuocans ita perdidicit, vt multum & habendis concionibus & confessionibus audiendis nationi illi profuerit.

M E C H O A C H A N V M.

Est & in Mechoachano templo pœnitentium numerus satis frequens, vt aliqui confessionis causa è longinquis locis huc confluant. Quidam viuebat adeo licenter, vt quod vis scelus non dubitaret admittere: itaq. palam cum dæmones spectris & vociferationibus perterrebant: cum patrem conuenisset è nostris grauissimaq. illi peccata confessus esset; ius in eo suum malus Dæmon amisit; nec vt ceteris noctibus, sic insequenti sese illi ad terrorem obiecit: exaudiebantur tantum confusæ quedam & ex occulto missæ voces, quas ille cum se à peccatis diligentius purgasset, funditus à sese dispulit. Mulier etiam ad nos venit tum beneficijs maxime dedita, tum alijs contaminata vitijs; ea cū à sensibus aberrasset, visa sibi est ad subterranea quadam

dam deferri loca, tenebris obsita & fœtore teterrima, in ijsque spectare tum tormentorum genera varia, tum è suis affinibus amicisq. nonnullos, qui iam vita functi à sæuissimis tortoribus mactabantur. Postero die sibi ipsi reddita nihil habuit antiquius, quam ut suorum scelerum magnitudinem confessione deleret. Alius peccata sacerdoti nostro confessus, cum instituisset ille quidem vitam e virtute fingere, postea tamen de virtutis curriculo deflexisset, nec dubitaret ea ipsa peccata, quæ iam ante damnarat, subito rapì sibi visus est Iudicis ante tribunal, ibique adesse eum, cui se expiauerat Patrem grauiissime se accusantem, quod, quas semel per confessionem maculas eluisset, eas denuo sine pudore susciperet. Quo viso exterritus cum lacrimis redit ad Patrem & in viam, quam reliquerat diuina gratia comite se reduxit. Pari studio duo de nostris qui Quanaxuatum profecti sunt, communi animarum utilitati seruiuerunt. nam cum hæc Prouincia Barbaris, quos Chichimecas vocant, infesta sit, vix inuentus est, qui in ea de diuinis rebus sermonem habere posset. multa ibi extirpata sunt vitia, multa odia restincta. Cuidam autem cum nulla ratione persuaderi posset, ut cum inimico rediret in gratiam, rem tentauit sacerdos noster supplexq. ad eius sese pedes aduoluit; sed ille ut adhuc erat in recenti tumore, in præsentia supplicem repulit; postea cum irarum feruor resedisset, dum insignem illam summisionem Patris redigit ad memoriam, adeo permotus est, ut sponte rem omnem eius arbitrio voluntatiq. permiserit.

A N G E L O P O L I T A N V M.

EX Angelo politano Collegio rberes quoque colle
 ti sunt fructus. & ut a cōmunibus discedamus,
 Venit ad confessionem quidam, qui prae tristitia ac de
 speratione rerū suarū laqueo statuerat finire vitam.
 Dum restem parat, vnde se suspendat, Ecce tibi B.
 Franciscus, cuius praecipuo quodam studio tenebatur,
 bisce eum verbis reuocat ab insania. Quid agis miser?
 quin ad sanitatem redis? non sentis ad inferos te praeci
 pitē agi? qua voce tanquam è tenebris reuocatus
 ad lucem, continuo aduolat ad Collegium, sacerdotiq.
 nostro rem totam aperiens, vitam etiam antea factam
 per confessionē expiauit. Auctores pacis saepe sunt
 nostri. saepe enim inter primarios grauiſſimae conten
 tiones existunt, saepe iurgijs ac contumelijs ad ar
 ma prouocant. Alapam Sacerdoti nobili eques quidā
 impegit, & quod grauiſſimum est, in aede maxima, po
 pulo inspeſtante. quam ille ignominiam non ferens to
 tus ad vlciscendum inimicum exarsit. Quidam autem
 è nostris, id quod Deo acceptum referendum est (res
 enim saepe tentata nunquam ceſſerat ex sententia) cū
 in eius se familiaritatem insinuasset, sermonemq. de
 diuinis rebus intulisset, quasi ad motis facibus hominē
 sic incendit, ut nulla suae dignitatis ratione habita of
 fensam vltro remiserit. Ne is quidem exiguus nume
 randus est, fructus quod Indi, quos hispanus naturales
 appellat, quorum ingens hic numerus ad lanificia con
 ficienda se confert, omnis salutis praesidio carebant; ut
 etiam,

etiam, quibus verbis signum crucis exprimerent, ignorent; nunc sociorum exculi laboribus, & ea tenet, quæ ad animi salutem pertinent, & cum nullis antea sceleribus temperarent, ab omni vitiorum genere quoad eius fieri potest, sese cohibent. Gymnasiij numerus definitur auditoribus fere centum, pueris triginta exceptis, qui in Seminario quodam puerorum instituuntur. factum est initium conscientiæ explicandi quæstiones, quibus non pauci, & è nostris, & ex externis intersunt. Magna est autem ciuitatis in nos beneuolentia pari cū liberalitate coniuncta: & præter ornamenta complura, quibus nostram illustrauit adẽ, vitas etiã nostras, quibus sustentandis nulli sunt redditus.

ita tuetur, ut cū quattuor

& viginti socij nume

rentur, multo ta

mẽ maior nu

merus ali

possit.



P R O V I N C I A

L V S I T A N I A E.



*Q*uadragesima circiter & nonaginta socios Lusitania Prouincia numerat. Domum professorum vnā, in qua duo & quinquaginta versantur. Collegia octo, præter Angolanam sedem, vbi tres resident. In Olyssiponensi Collegio quinque sunt & quadragesima. In Conimbricensi centum & octoginta quinque. In Eborensi centum circiter & viginti. In Portuensi quindecim. In Bracharensi triginta. In Brigantino duo & viginti. In Funchalensi quatuordecim. Quatuor denique in Angrensi. Accesserunt ad Societatem sex & quadragesima. Deceſſerunt è vita quinque.

Viget in Professorum domo studium alienæ salutis vt cum maxime templi celebritas ea est, vt eodem interdum die sacram Christi mensam duo hominum milia celebrarint. E Mahometanis duo ad Christum ducti sunt; quorum alter vulneratus ad necem cum rogaretur à nostris, Christianus ne mori vellet; prorsus annuit (vocem enim intercluserat morbus) mox baptismi aqua persusus loqui cœpit, suisq. rebus sperare melius: nunc integer incolumisq. vt Christianis ritibus abſoluatur, multus est apud nos. ex hac domo sex alij alio profecti sunt. Quodam autem in oppido Sacerdos noster pro concione quendam adeo permouit, vt humi stratus ante sacratissimum Christi corpus, peteret, sibi

ut indicaretur, habenda ne fides esset eius concionato-
ris verbis; apertoq. sacrarum litterarum volumine,
quod habebat prae manibus, commodum ea verba va-
riis occurrunt, Ecce ego mitto angelum meum, qui prae-
parabit viam ante faciem tuam, quibus ille verbis satis
sibi persuasit, patrem illum diuinitus missum, cuius pa-
rendo monitis animae salutem consuleret,

In collegio Olyssiponensi ad excitandum iuuen-
tutis ardorem conditum est Deiparae Virginis sodali-
tium, nec tamen ab alijs nostrorum opera desiderata.
Est iuxta Olyssiponem a collibus oliviferis in speciem
horribilis solitudinis reducta vallis: huc quidam, re-
bus desperatis, cum recessisset, maestis clamoribus dæ-
mones euocabat, orabatq. ut se vel nece à tantis malis
eriperet. Ecce tibi dicto citius truculenta specie dæmō
ad hominem stragulandū paratus; quo ille spectro per-
territus continuo reuocat orationem, implorataque, à
sanctissima Dei matre, ope, periculo eximitur, inde ad
Collegiū recta: ubi expiatis confessione peccatis ab in-
fania illa ad sanitatem, ad spem, à desperatione tradu-
citur. Latos & Eborense Collegium fructus edidit. E
Gymnasii auditoribus quadraginta varijs sese Religio-
nibus addixerunt. Inchoatumq. B. Virginis sodalitiū
è: lectissimis quibusq. discipulis. Aulicus Senator
in primis diues, orbatus heredibus, huc eo animo ve-
nit, ut aedes ubi duodecim instituuntur adolescentes æ-
dificet, nostrosq. eius contubernij administrationi prae-
ficiat. Rex Catholicus cum hac iter haberet, obuiam
ei à nostris auditoribus proditum est, exceptumq. de
more carminibus orationeq. perelegantem. Ex exte-

ris agris, quos ad excolendos profecti sunt nostri, par-
pene laboribus fructus consequutus est. Quodā in op-
pido familiæ duæ; quæ trigessimū iam annum ex indi-
gna ciuis cade inter se dissidebant, nostrorum oratio-
ne placatæ, non paruam voluptatem omnibus attule-
runt: itaq. cum Sacerdos noster Spiritui sancto eo no-
mine gratias ageret, vix quisquam lacrymis tempera-
uit. quo circa serenissimus Cardinalis, qui de mittēdo
Quæsitore ad causæ cognitionem deliberauerat, valde
lætatus est, cum accepit controuersiam illam Societa-
tis interuentu sedatam. Nec vero suis muneribus de-
fuit Portuense Collegium. Adolescens acceptis pla-
gis, cum vocis vsum amisisset, peccata scilicet indicare
non poterat. Sacerdos vicem dolens adolescentis, mo-
ribundum iubet sacro oleo perungi, nouissimasq. pre-
ces migranti animæ adhiberi, mira res. vox agro con-
tinuo redijt, peccataq. confessus non modo impenden-
tem mortē euasit, sed paucis diebus plane conualuit.

In Bracharenſi Collegio magnus ineunſium cele-
ſte conuiuium numerus fuit. duo interdum millia vno
aut altero die numerata ſunt. Placatæ ſunt etiam
iræ offenſeq. non leues, duo nobiles adoleſcentes cum
in publico altercarentur, alter alterum crepida contu-
melioſe percuffit: quam ille notam, vt erat dignitatis
ſuæ retinentiſſimus, minime ſerens; ſtatuit eam ferro
delere, coactamq. armatorum manum opperiri homi-
nem iubet. Interim ad vnum è noſtris re delata; noſter
vtrumq. adoleſcentem ſeorſim aduocat, ac de reconcili-
atione contendit: tantum valuit eius tum auctoritas
tum etiam preces, vt ad offenſi pedes percuffor accide-

ret, supplexq. veniam peteret: ita mutuis sese excipientes amplexibus in concordiam redierunt.

Illa grauior à Funchalensis Collegij socijs cōpressa seditio. Ciuēs quidam cum per contumeliam, arcis milites appellassent; vsque adeo Reip. statum conturbarunt, ut milites partim ex arce, qua potiuntur, vexilla ostentantes, partim galeati, foribus in marem emissi, ruinam vrbi & vastitatem minitarentur. sed Dominus per Sacerdotem nostrum, cui plurimum deferebant omnes, in ipsa trepidatione furentes animos ita cohibuit, ut omnis iniuriarum memoria deleta subito videretur. Magistratus etiam, cum ab Episcopo disideret, quod in eos anathemate propter commissam Taurorum pugnam animaduverteret, effectum est, ut postulantes postea veniam ab anathemate Episcopus liberaret. Angrense Collegium, quod amissum esse superiores litterae tradiderunt eximio quodam diuinae prouidentiae munere recuperatum est. Soluit Olyssipone centum nauibus instructa classis, vbi Angrenses qui se dedere Regi noluerant (si aliter non possent) ferro & flamma in deditionem redigeret. Interim Cardinalis, & huius classis Praefectus quattuor à P. Prouinciali de nostris impetrarunt, duos Sacerdotes totidemque fratres; quorum opera, quamdiu in mari fuerunt tum in frenanda lasciuienti militum licētia, tum in excipiendis confessionibus alijsq. huiusmodi muneribus posita est. Postero die, quam urbem occupauit miles Hispanus, dux pro re bene gesta Deo immortali gratias acturus nihil habuit antiquius, quam ut pristinas Collegij sedes inuiseret, & quicquid ei miles abstule-

rat restituēret. Interim, dum vetus quasi Colonia re-
 nouatur, agunt in Angrensi Collegio non plures quas
 tuor. qui numerus, ut amplificetur, multis precibus
 Insulani contendunt, adhibentq. deprecatores, & Car-
 dinalem, & Regem. Ceterum pacatis tranquilliq. re-
 bus curatum est à nostris, ut egenorum, quorum innu-
 merabilis multitudo fuit, leuaretur inopia: perfectum
 que, ut sua cuiq. tēplo redderētur ablata. Redeuntē in
 Lusitaniā Ducem, Sacerdote in Collegio relicto laico-
 que vno, P. Gregorius à Mata cum comite prosequu-
 tus est. Comes in mari grauitè agrotauit, sed in terrā
 expositus Olyssiponensis celi clementia recreatus est.
 Pater vna cum Duce suum cursum tenuit; sed ut Ga-
 des appulit, morbo ac navigatione iactatus interiit:
 Homo Societatis laboribus prope confectus, quippe in
 ea triginta annos vixerat, magnum sui, & apud Ducē
 & milites desiderium reliquit; id quod tum alia, tum
 ipsæ principum lacrymæ, dum eius interessent funeri,
 declararunt. De Angolana sede satis fuisse superiore
 anno perscriptum est. Nunc res Christiana, quam non
 nihil tumultus bellici remorantur, felicem, ut spera-
 mus, exitum consequetur. Spes autem in eo est, ut cum
 auxiliares copię à Lusitania eo appulerint, Ango-
 lenses animo debilitati victiq. æquo animo condicio-
 nes pacis accipiant. Interim, rebus nondū tran-
 quillis, nolunt nostri ex his æthiopibus ni-
 si per paucos, eosq. probe cognitos
 baptizare, ne eadem leuitate
 Christiana sacra deserāt,
 qua susceperint.

PROVINCIA

BRASILIAE.

201



*T*Ria sunt in Brasilia Collegia . Sedes quinque socij centum & quadraginta sex. In Collegio Bayensi quinque & septuaginta. In Collegio fluminis Ianuarij vnus & viginti. In Pornābucensi duodeuiginti. In sede S. Vincentij septem, totidem in Residentia S. Spiritus. sex in reliquis. Duo e vita sublati sunt. Quindecim in Societatem adscripti.

Præcipua nostrorum opera in instituendis ad Baptismum Ethnicis & Aethiopibus collocata est. nec in alias excurrendi regiones intermissa consuetudo. qua ex re mirum quantum in animarum salutem redundat utilitatis; baptizati sunt enim in his itineribus mille amplius octingenti: quorum aliqui iccirco videntur in vita diuinitus reseruari, ne sine lauacro regenerationis interirent; ut enim à nostris Christiana fide imbuti ablutiq. sunt, continuo è vita migrarunt. Tres

Indorum pagi curantur à nostris. in singulis quaterni sunt socij, quorum vnus ceteris præest, eosque, ut suū quisq. munus obeat, frequenter inuisit. Hos pagos Pater etiam Visitator magna cum voluptate lustrauit. Lætabatur enim valde cum animaduerneret, id genus hominum, Ethnicas superstitiones oblitum tanta cum laude disciplinam profiteri Christianam. Atque in ijs quidem excolendis, quam utilis ponatur opera, vel

exco

ex eo coniūci licet, quod cum è classe Iacobi de Flores, quem Rex Philippus classi vniuersæ præfecit, naui quadam è proximo loco soluisset; propius factum est nihil, quam vt ad immanes scopulos vi ventorum appelleret. quod vbi sensere Christiani, confestim è suis quisque lectis prodeuntes, congeriem quandam lignorum, quam Iangadas Lusitanus appellat, solliciti construunt; vt si minus naufragium aliquod, certe, ne qui haurirentur fluctibus, prohiberent: quod spectaculum multum animi & virium periclitantibus afferebat; cumq. restante vento certum periculum euassissent, nallum finem faciebant nautæ vectoresq. siue laudandi Indos, siue nobis gratias agendi, à quibus essent tam pie religioseq. educati. Adiunctæ sunt huic Collegio Residentiæ duæ, altera quæ Ilbearū, altera quæ Portus securi nominatur. abest illa à Baya passuum millia nonaginta, in eaq. est à nostris ex eleemosinis extructa domus, vbi & scholam puerorum habent, & præter communia Societatis munera, multos sæpe baptizant. Sunt autem hoc anno baptizati centum & sexaginta. Altera sedes abest passuum millia centum & octoginta. traduntur in ea litterarum elementa pueris, & in vicinos pagos, qui vndecim numerantur, excurritur.

In Collegio Fluminis Ianuarij instituuntur auditores & conscientiæ casibus, & litteris. quinq. autem nomen Societati dedere. Communicantium & confitium tria circiter millia numerata sunt: qui numerus vt in tali loco, exiguus videri non debet. Duo Indorū oppida nostrorum curæ commissa sunt, in altero resident e nostris aliqui, alterum frequenter inspiciunt.

Quadringenti circiter & triginta susceperunt baptismū.
 in Collegio vero alijsque peregrinationibus quadrin-
 genti ac nonaginta. Magna & ornata Philippi regis
 classis, dum ad fretum Magalaneum cursum suum di-
 rigit, huc appulit ad aquandum; quæ cum duo millia
 militum reberet, magnum scilicet nostrorum pietatis
 campum aperuit. data est primū opera, ut agris com-
 pluribus curationes, ubi de nauibus descendissent adhi-
 berentur. illustris autem fuit ciuium in curandis agris,
 rectoq. recipiendis tum alacritas, tum liberalitas; nec
 enim tam multos capere Nosochomium poterat:
 cumque multi in nauibus remanerent, ad eos nostri se
 contulerunt, ut pro sua quisque parte eorum saluti
 consulcret. Quæ res quantum nobis apud Præ-
 sectum vniuersæ classis conciliarit amo-
 ris, qualesue fuerint eius de Socie-
 tate sermones, dicerem, nisi se-
 lentiū indiceret pudor.
 Satis ergo de Bra-
 siliensi Pro-
 uincia.



P R O V I N C I A

INDIAE ORIENTALIS.



Indiae Orientalis Prouincia socios continet fere trecentos. Collegia sex, Residentias vero tam multas, ut eas singulas recensere, cum id alijs litteris factum sit, molestum propemodum videatur. Quoniam autem Romam vel non omnes huius Prouinciæ litteræ perueniunt, vel quæ perueniunt separatim quoddam volumen exigunt, de his tantum Collegijs sedibusq. dicitur. De Goensi, in quo degunt socij centum & quinque; De Bazainensi & reliquis finitimis sedibus, ubi quattuor & quadraginta versantur: de Cocinensi & tota ora Malabarensi, in qua fere totidem numerantur. denique de Salsetano Collegio, quod quia gloriosas nostrorum morces continet pro religione appetitas, multo commodius in extremam Prouinciã reijciatur. E socijs quindecim qui in Indiam ex Europa non ita multo ante discesserant, obiit in itinere Petrus sylua Eborensis Collegij Rector virtute & litteris præstans.

COLLEGIVM GOANVM.

Hoc anno P. Alexander Valignanus cum in hac lustranda Prouincia locorū inter se spatijs valde disiuncta nouem ipsos annos consumpsisset, Goam tandem eo animo se retulit, ut Romam inde reuersus de

de toto Prouincia statu tum Patrem nostrum Generale-
ralem, tum Pontificem Maximum admoneret. Sed ac-
ceptis à Patre litteris coactus est eo ipso loco consi-
stere, & Indicam hanc administrare Prouinciam. Is
secum adolescentes quattuor; atque in his duos ipso-
rum Regum consanguineos ad Summum Pont. cum li-
teris missos ex Iapone deduxit. qui Goam vt attige-
runt, magna humanitatis significatione accepti sunt à
Prorege: donatiq. aureis torquibus cum reliquiarum
thebis, quos ipse Prorex singulorum cervicibus impo-
suit. Valde eorum aduentu aspectuq. tum Archiepi-
scopus, tum vniuersa ciuitas delectata est. cumq. pla-
cuisset nouo Prouinciali scholas inspicere, maxima illi
gratulatione Gymnasii varijsq. artium atque ingenio-
rum muneribus sunt excepti, eo ipso ornatu appara-
tuque, quo in Lusitaniæ Gymnasio anniuersaria stu-
dia renouantur. Florent scholæ auditorum genere
numeroque, Templum etiam præcipue colitur in
eoque conciones habentur & frequentes & crebræ.
Die B. Pauli conuersioni sacro (est autem is Aposto-
lus loci patronus) expiati baptismo sunt quadringenti,
reliqui vero anni cursu circiter ceterum. Nonnulli præ-
terea, qui à Christi religione sese disiunxerant, iterum
cum Christo coniuncti sunt; & vt de ceteris sileatur,
Lusitanus honesto loco natus, & olim apud nos educa-
tus cum ad Idalcanis transisset imperium, uxore du-
xit liberosq. suscepit, & quod grauissimum est, nuntiū
Christo remisit. tandem septemdecim post annos agno-
uit erratum, & de discessu cogitare cepit. Egit cum
eo Sacerdos quidam è nostris cuius ope (data à Prore-
ge &

ge & à Religionis Quæſitoribus publica fide) omni-
 bus ſuperatis incommodis contemptoq. veſtigali ma-
 gnifico à Rege tributo cū liberis reuertit in patriam.
 is Societatis meditationibus expolitus cum Deo ſaten-
 dis culpis rediuit in gratiam . Cumq. non longo inter-
 uallo ad vitæ exitum vocaretur, confirmatus & adiu-
 tus à noſtris magna cū voluptate deceſſit . Miſſi ſunt
 aliqui cum ad alia loca, tum ad arcem quandam , cui
 Barſalor nomen eſt, diuinis præſidijs egentiffimā, quod
 in ea nec cænobitæ religioſi ſunt ulli, nec ſæpe aliquis,
 qui vicem gerat Epifcopi. totam ibi hyemem noſtri fue-
 runt, tanta cum Chriſtianorū vtilitate, vt affirmarent
 incolæ, oppidum illud quaſi religioſorum euafiſſe cœ-
 nobium . Ac præter concionum & confeſſionum fru-
 ctus, expoſitum eſt gratis Neſochemium ad fouendos
 ægrotos, quod antea in ea arce nullum erat, miſſaq. ex
 hoc Collegio pharmaça non ſine magno incōmodo ſum-
 ptuq. noſtrorum . Goæ etiam in valetudinario publico
 duo ſæpe verſantur è noſtris, vt & ægrorū cōfeſſiones
 excipiāt, & migrantes animas opportune confirment.
 Ad Societatem miſit hoc anno Dominus duo de vigin-
 ti, ſex autem euocauit ad præmium. In his Balthaſarē
 Gagum in Societate iam ſenem , quinque enim & tri-
 ginta annos in ea vixerat. Hic eſt ille Balthaſar, cuius
 de Iaponicis rebus aliqua extant epiſtolæ : diu in
 Iapone fuit, diu has regiones Indicas peragrauit; dum
 ad extremum anno ætatis quinto & ſeptuageſimo cre-
 bris morborū tētationibus exercitus huc conceſſit; vbi
 & à vitæ laboribus conquieuit. fuit in eo quoq. nume-
 ro Dominicus Fernandez virtute ſtudioq. humanæ ſa-
 luis

luti insignis. Is cū in Choranā insulā penetrauit, septē tantū dicitur inuenisse Christiānos; cū obijisset, quinque millia reliquisse: vt videatur, totum illud tempus quo in ea insula fuit, fuit autem annos septem & viginti, praeclare ab eo fuisse consumptum.

COLLEGIVM BAZAINENSE.

cæteræque sedes ad septentrionem.

D Vodeuiginti alit e nostris Bazainense Collegiū, quorum omnis cura ponitur in hominum tuenda salute. Templum nostrum frequens fuit in primis pietasq. hominum magna in suscipiendo Iubileo quodam, cuius promulgandi ius in his potissimum locis Societati concessum est. Id exemplum ceteras religioforum familias ad suum quamque Iubileum promulgandum inuitauit. cuius rei beneficio plerique iam peccata singulis fere mensibus confitentur.

Christi Ecclesia ducētis est aucta Christianis, quorū pleriq. nobis cogniti perspectiq. sunt: nā Mahometani barbariq. qui baptismū postulant, quia leue genus hominū est, in aliud plerunq. tēpus differri solent. Hominū frequentia auxere per Quadragesimā coniunctæ duarū classium copiae huc à Prorege missæ, vt Bazainensi duci, qui vicini cuiusdam Reguli persequabatur iniurias, opem ferrent. Classium præfecti cū iretur ad præliū, aliquos postularūt è nostris, præsertim Hieronymus Mascarenias è præcipuis ducibus vnus, qui tres habet in Societate germanos fratres. is Sacerdotē à Prouinciali cum comite impetrauit. Qui ambo ex hoc

Col.

Collegio missi tum confessionibus audiendis tum habendis concionibus multum militibus profuerunt: hoc etiam magis, quod corporibus quoque, non modo animis subuenerunt, complures enim itinere difficultate & calorem aestu morbus inuaserat. Inter eundem & redeundum è prælio dies abiere amplius quadraginta; tandemq. Deo fauente victoriam nostri, æqualis solo hostium sedibus, retulerunt, nam barbari Christianorum refugientes incursum suo more sese intra sylvarum latebras abdiderunt.

Subiacet huic Collegio Residentia Tannensis, quæ ipsa alias duas habet adiunctas sedes, in ijsq. degunt octo de nostris, à quibus præter usitata Societatis munera Christiani circiter facti sunt centum. Bandoræ quæ in eadem est insula, datur opera, ut finitimi populi Christiana sacra suscipiant: nam in oppido ipso Bandora omnes iam aut Christiani, aut cathecumeni sunt. E cathecumenis autem ad baptismi fontem admissi sunt quadringenti. In Damanensi sede sex è nostris in adiungendis ad Christum Ethnicis operam ponunt. Et quanquam ratio numeri habita nulla est, constat tamen inter eos, qui adiuncti sunt, nobiles fuisse nonnullos: atque in his Mahometanum puerum de præcipuis, qui cum classe, quæ Mequa aduehebatur, est captus & ad Christum adductus. Re porro familiari multorum inopiæ egestatiq. subuentum propter rerum omnium caritatem, quæ e Mahometanorum irruptione quadam consecuta erat. In Chaulana sede, ubi totidem socij commorantur, refertum Gymnasiū est, quia aliò discendi causa concedere parentes liberis

non

non permittunt. Nec vero negotiatoribus, qui huc undique confluunt, minus affertur utilitatis. viginti nonnumquam & triginta simul naues appellant, quibus tum expiandis animis tum expediendis nodis, qui de Christiano officio incidunt, praeclare consulitur. Christianorum cura ad aduentum usque nostrum penes alios Religiosos fuit. sed ubi ciues has esse praecipuas Societatis partes cognouerunt, quanquam alij probe suo munere fungerentur, vehementer egerunt, ut ea quam dixi cura delegaretur ad nostros. nostri honestis nominibus obsequendū ciuibus non putarunt: occasiones tamen tum erudiendi Cathecumenos, tum baptizandi, si citra ullius offensionem sese offerunt, non dimittunt. Haecenus de Bazainensi Collegio ceterisque sedibus. Nunc antequam de Cocinensi dicamus, quoniam ex Damanēsi sede iter est in Aethiopiam, nonnihil de rebus Aethiopicis est dicendum. E socijs sex, qui ante annos septem & viginti in Aethiopiam cum Andrea Ouiedo profecti sunt, duo duntaxat superstites sunt relictī. Nam Emanuel Fernandez in Societate iam senex & moderator ceterorum Natalibus Christi ferijs migravit ad Dominum, & quidem ea virtutis & sanctimoniae significatione, quam à tali viro expectare par erat. cum à suis discederet, exploratum sibi esse dixit, pastore quā vehementer egerent; monuitque, ut eum vel per litteras postularent, vel dum aliquis mitteretur ex India, sorte deligerent. Christianorum sedes ibi sunt duae, altera cui nomen Dambra, altera quae dicitur Tigare. Tigare residet Dux quidam constitutus à Rege, cui Lusitani parent. Is est Franciscus

Iacobus Monteius, qui per litteras vna cum nostris, sibi vt aliqua mittatur classis efflagitat, eo consilio, vt regnum illud in deditiōem Regis Catholici redigat, priusquam occupetur à Turca; satis autem ad eam rem fore Lusitanos circiter mille, multitudinem enim auxiliorum ei regno non defuturam.

C O C I N E N S E C O L L E G I V M

& omnis ora Malabarensis.

DEgunt in hac ora socij quatuor & quadraginta. Quæ autem in Cocinensi Collegio gesta sunt, non multum ab ijs discrepant, quæ superiore anno sunt scripta. eadem frequentia templi, eadem celebritas est, sed ad maiorem multitudinem accipiendam eius quoque laxantur angustiae. Centum hoc anno baptizati sunt, pluresq. fuissent, si cathecumenis domus esset. In Vaipicotta Residentia S. Thomæ, vbi Christiani illi iam inde à B. Apostolo fidem suscepisse dicuntur, quoniam ea valde corrupta erat, præclara iacta sunt fundamenta ad eius reuocandam integritatem: cui rei P. Alexander Valignanus huius Prouinciæ visitator multum attulit adiumenti. Is cum eorum Christianorum Archiepiscopo re communicata, multa religionis capita reliquit in scriptis, indictumq. ab Archiepiscopo concilium est, cui & Archiepiscopus ipse cum Clero interfuit, & è nostris Sacerdotibus duo. Postea duo peracta sunt sacra, alterum latinum, alterum

in Chaldaico ritu, quibus peractis fidē Catholicam coram multitudine Archiepiscopus est professus. Recitata subinde sunt tum ea, quae à Concilio Florentino de Sacramentorum doctrina edita sunt, tum quae à Patre Visitatore proposita. Quae quoniam ad corrigēdos mores & sanandas affectas illius Ecclesiae partes spectabant, summa scilicet vniuersorum consensione recepta sunt. In ora Trauancoris eadem est nostrorum sedulitas in excolendis erudiendisq. Christianis. In huius orae pago res accidit digna litteris. Miles ex Myoparone defiliens omni spe salutis abiecta, quoniam Diabolo seipsum addixerat, ingressus est templum, & coram sanctissima Dei matris imagine prostratus in genua, auxilium ab ea multis lacrimis implorabat. Cum ecce tibi ex amplexu virginis puer IESVS visus est cum milite lacrimari. à Matris autem manibus emicare fons aquae, quae totam perfudit aram: vt intelligeret miles, quanta sibi veniae spes esset ab ea, quae totius misericordiae fons est, & quam non difficilis sit filius ad matris preces, qui cum lacrimis perditum hominem ad se redeuntem excepit. Admoniti de re tota comites accurrerunt, vt quo plures oculi conspexissent, eo maior prodigij fides foret. Qui quidem imbutum aqua sudariolū, qua aram diximus madefactam partiti sunt inter se: miles vero cum venisset ad nos, vniuersae vitae flagitia confessus Religionem vouit, vt quanto iniquius se deuinxerat demoni, tanto arctius se astringeret Deo. In Ora Piscariae migravit, vt speramus, in calū Iosephus Victoria huius vineae diligens in primis agricola. praesidium enim sibi compa-

rauerat linguæ, qua & cōcionari apud incolas posset,
 & eorum confessiones excipere. morienti affuerunt
 omnes eius oræ socij, qui die festo B. Mariæ ad nives
 (ea enim patrona domus est) vt confitentium multi-
 tudini suam nauaret operam, conuenerunt. quandiu
 in hac ora pater ille fuit (fuit autem fere semper ex
 quo cum Visitatore Roma venit) maximum suæ vir-
 tutis tum nostris, tñ externis specimen dedit. Hoc ip-
 so anno pridie Idib. Febr. cecidit è vita Franciscus Pe-
 rez B. Xauerij comes antiquus, cuius ea fuit sanctita-
 tis opinio, vulgo vt sanctus appellaretur: quin Fran-
 ciscus ipse Xauerius dicere solitus est, nulli rei se ita
 inuidere, vt huius Patris humilitati. administrauit om-
 nia fere huius Prouinciæ Collegia. cumq. affecta iam
 ætate (erat enim septuagenarius) crebris agrotationi-
 bus quateretur, dum ab vrbe S. Thomæ in hanc oram
 secedit, ingrauescēte in itinere morbo, Negapatani cō-
 sumitur. iussit Pater corpus suū eodem quo inopes con-
 di sepulchro; sed tamen totius comitatu nobilitatis in
 sacello maximo per honorifice sepultum est. eius fu-
 nus Franciscanorum familia curauit. statim autem vt
 funebri campanarum pulsus auditus est, populus, vt
 aliquid reliquiarum causa præriperet, aduolauit. In-
 ter humandū corpus tantus excitatus est clamor, tur-
 baque demortui pedes osculari conantium, vt deposi-
 to feretro lacrimis fuerit pietatiq. cedendum. affirma-
 uit nobilis in primis vir, apud quem ille decessit, statim
 atq. animam senex efflauit, triginta se vidisse forfices
 supra caput tondentium reliquiarum loco capillos:
 usque ad vnum euulsis, nudo ad tumulum elatum esse
 cal-

caluitio. alij etiam barbam vellere, ungues præscindere, alij vestimenta diripere tanta auiditate cœperunt, ut perbeatus sibi videretur, qui ex eo funere non inanis rediret. Hector, ac Rodericus Sella, Damianusque Pais viri nobiles intimam patris occupauere subuculam. Rodericus, ne hac quidem contentus, linteum abstulit e cubiculæ lecto tanto pietatis studio, ac si quid de beati cuiuspiam reliquijs abstulisset. Quidam cum Rosarium præripuisset, statim affuit, qui pro eo tabulam magni pretij & nonaginta aureos offerret. Ethnicici multi lacrimarum copia prosequuti sunt funus, ut ne Christianorum quidem lacrimis cederent aiebantque, si quis eius vitæ vir, aut pater ipse inter Ethnicos obiisset, futurum fuisse ut ædè ei populus consecraret, & in Pagodum, hoc est Deorum suorum numero collocaret. Tanti faciunt hoc depositum oppidani, ut nunquam a se distractum iri confirment. Iam reliqui huius oræ socij audiendis confessionibus distinentur; auditaque sunt totius quidem vitæ amplius septingentæ. Viget in eis regionibus maxime pietas, quæ frequentandis colendisq. templis, tum crebris eleemosynis declaratur; hisce quippe subsidij ædificatum est templum, dataque in eiusdem usus solido ex argento candelabra vtriusque perpulchri ad sacrificium Missæ. In insula Manar Ethnicici sexcenti, cum propter egestatem ac famem in hanc se insulam recepissent, ad baptismum adducti sunt. eodemque stimulo cum multi in ciuitate B. Thomæ se Lusitanis & Christianis accolis vendidissent, tria millia ex ijs ad Christianorum numerum accesserunt.

C O L L E G I V M.

Salfetanum.

E Socijs quattuordecim, qui in Salfetanis sedibus commorantur, sex fere in Castro Rachol, ubi de erigendo collegio deliberatum est, viuunt. Aucta in his oris Christiana res est tum Christianorū numero, tum præsidijs ad eam rem quam maximis. Tria sunt excitata templa, quorum ades, quanquam de nostris incolit nemo, propterea quod minus idonea visa est habitatio, eo tamen ad sacrificandum nostri se conferunt; in ijsque celebrata sunt hoc anno baptismata quadringenta. Sed multo sunt quæ sperantur, quam quæ obtinentur maiora: sic pollicetur fusus ille nostrorum sanguis in Coculino pago, quorum mortes, etsi in omnem Societatem perlata iam sunt, tamē quo sit earum memoria diuturnior, ac ne rem tantam recentissimus quisque desideret; faciendum mihi putauimus

ut eam hic, quemadmodum & à P. Valignano Prouinciali, & ab alijs accepta est, fusius tamen, quam instituta breuitas patitur, exponerem.



GLORIOSA RODVLPHI A QVAE VIVAE, ET

sociorum mors, pro religio-
ne Christi in Salseta-
nis Insulis obita.



Ex litteris P. Alexandri Valignani
Prouincialis, & aliorum.



*Quoniam, quæ fuerit Rodulphi profe-
ctio ad Regem Mogoris superiores
litteræ tradiderunt; planius hisce lit-
teris fiet, quam sibi viam munierit ad
tam illustrem Martyrij palmam; si
prius, quis eius profectionis exitus
fuerit, exponatur. Fuit apud hunc Regem tres am-
plius annos, partim solus, partim cum vno & altero
socio. Hic quamuis multa adiret vitæ pericula, pro-
pterea quod regio tota Mahometanis atque Ethnicis
continetur; tamen Diuina providentia factum est, ut
barbarorum semper manus effugeret. Quo quidem
tempore omnis eius cura atque opera in eo ponebatur
ut Regem illum eosq. Populos ab Idolorum super-
stitione ad Christiana sacra traduceret. Itaque sæpe
cum Rege solus de Christianis legibus & institutis age-
bat, sæpe ea de re, Rege ipso præsentem, cum eius Sacer-
dotibus differebat; interdumque noctes totæ in his al-*

tercationibus terebantur. Sane ea erat disputatis tum scientia, tum gratia, ut in admirationem raperet vniuersos. Rex etsi in amplectenda Religione duro semper fuit ingenio (obstabant enim vitiorum illecebræ multæ & cupiditatum lenocinia, quibus erat maxime deditus) intelligebat tamen vana esse, quæ dicerentur à suis, nihilque ab eis solidi aut firmi contra Christi religionem afferri. Rodolphus toto illo triennio, quo apud Regem fuit, postremo præsertim anno, quo sine comitibus est versatus, antiquorum patrum similem vitam egit. Victus ei erat aridus & perexiguus; statis diebus inter hebdomadam abstinebat à cibis: sæpe voluntarias pœnas, ut Deum propitium Regi redderet, vltro subibat. Studia eius non libris, aut chartis, sed aut orando Deo, aut perdiscenda lingua Persica consumebantur. & quanquam precationi plurimum erat additus; tamen extremo illo tempore, quo inter Barbaros fuit, ei rei multo se dicauit ardentius. nocturna & diurna spatia orando continuabat: nec enim pedem efferre foribus consueuerat, nisi interdum adeundi Regis causa, sæpeq. euenit, ut cum se primis tenebris coniecisset in preces, in eodem mane vestigio, in quo primum institisset reperiretur. Labores, ægrotationes, incommoda, quæ inter barbaros pertulit, nec pauca fuisse, nec leuia. Sed ea tamen diuina solatia ac cœlestes dulcedines compensabant. ferunt enim solitum dicere, se extremis illis temporibus suæ inter Ethnicos moræ, magnam expertum esse tranquillitatem & pacem, ac tum deniq. ex animi vixisse sententia: ut plane nemo dubitet, quin eum Dominus ad eam gloriam, quam ei re-

ei reseruauerat, expoliret. siquidem ex Mogoris regno ea virtutum decora reportauit, vt non ex aliqua Barbarie, sed ex quadam quasi officina virtutis rediisse videretur. Sane apud ipsos quoq. Barbaros magno in honore fuit. quem propter eximiam eius animi submissionem specimenq. virtutis, Rex cum plurimū semper dilexit, tum omni significatione iudicioq. decorauit. sed cum Regis mentem vitiorum multitudo & ingentes spiritus auferrent, nec enim laborabat aliud, nisi vt tanquam Deus aliquis, aut magnus aliquis vates haberetur; Rodulphus Prouincialem per litteras admonet, quam frustra in eo Rege curādo suscipiatur labor, & quam non operæ precium videatur, in tam sterili solo, quod nihil redderet insudare. rescribit ad eum Prouincialis, vt data à Rege potestate Goamquā primum redeat. Rex & si potestatem nullam dabit initio, vt qui tantam morum suauitatem ipse quoque gustare iam cœperat, eum tamen partim iureiurando accepto, fore vt postquam cum Prouinciali egisset, ipso approbante reuerteretur, partim etiam precibus vītus, inusitata quadam officiū, humanitatisq. significatione dimisit. Abeunti cum multa offerret aureorū millia, ille funditus recusauit, quod diceret se, Religiosus cum esset, auro non indigere, nihilque aliud loco muneris postulare, nisi Christianum quendam Moschū cum coniuge liberisq. quos pæne Mahometanos seruitus diuturna reddiderat. Regina Mater id ferebat ægerrime. Rex tamen, pro eo quanti faciebat Rodulphum, eius postulationi facile concessit. Itaque Goam Christiani illi reducti Christianorum instituto iā viuunt
atque

atque hunc fructum inter ceteros è profectione sua Rodolphus tulit. Vt igitur Goam attigit vix dici potest, quàm vehementer eius insperato aspectu compleretur. exhilarati sint fratres, tum quia vnice diligebatur ab omnibus, tum quia ingens suspicio fuit, id quod ipse quoque suspicabatur, ne vel in seruitute retineretur, vel denique perimeretur. Quamdiu Goæ fuit nemo erat, qui eius sermone consuetudineq. satiari posset, nec modo nostris externisq. Christianis, sed ipsis quoque Ethnicis admirationi fuit. Elucebat in eo Christiana in primis humilitas, quæ tantum illi sanctimonix nomen domi forisque pepererat, vulgo vt Angelus diceretur. Cum itaque iam essent omnia ad decus Martyrum tempestiua, deessetq. Salsetano Collegio Rector, cõmodissimum visum est Prouinciali eum administrationi illi præficere, vt non tam suis fratribus dux esset ad vitam, quam signifer & Princeps ad mortem. Est Salsetana regio Peninsulæ instar, quæ ab Insula Goa quodam Maris tractu seiuncta, ab Vrbe ipsa Goa abest passuum millia non amplius nouem, à septentrione & Oriente latum flumen habet, ab Occidente mare Indicum, à meridie duobus riuulis & præruptis mōtibus à continente diuiditur. ambitur vsquequaque passuum millibus viginti, & Idalcanis regni finibus terminatur. Est autem Idalcan potens Mahometanorum Rex, qui superioribus temporibus, vt finē bellis, quæ cū Lusitaniæ Regibus, gerebat, imponeret, Salsetanas ijs terras, in quibus sex & sexaginta pagi numerantur, possidendas concessit. Ex eo tempore Salseta Lusitaniæ parent Imperio. Incolarum nume-

plus millium circiciter octoginta. in his multi Brachmanes Ethnicarum superstitionum magistri; ut mirum videri non debeat, si gens illa multos iam annos. Lusitanis subiecta regibus, nec longe distans à Goa, etiamnum in Idolorum cultu tam pertinaciter hæreat. In eas oras nullus ante annum 1560. Christianis concionatoribus patebat aditus. Tum primum à nostris socijs incultæ illæ desertæq. sylvæ diuino verbo excoli cæptæ sunt. Habet autem hic Societas Collegium discipulorum, nam quo commodiorem nostri nauibus operam Ethnicis, non in iisdem sedibus habitant vniuersi, sed in ecclesias sunt tributis complures. Earum sex numerantur præcipuæ, Curtalina, Verna, Margana, Orlina, Raciolana, Mormugana: quibus in singulis singuli Sacerdotes cum suo quisque ministro versantur, præterquàm in Raciolana sede, vbi fere cum duobus Sacerdotibus totidemq. Laicis residet Rector. Atque horum fidei ac procurationi Seminarium quoddam puerorum & Nosochomium, vbi Christiani curentur, est creditum. In hac loca postquam Societas penetravit non exiguum illa quidem Christianorum edidit fructum sed in eis tuendis augendisque varia sæpe ab Ethnicis tulit incommoda. Quæ causa fuit, cur Antonius Noronia Prorex anno 1567. ducenta amplius delubra, & in his sumptuosa nonnulla præter alias multas Idolorum ædes incendi, æquarique solo iusserit. Ethnicis rati id quod erat, tantas ruinas impulsu suasuq. nostrorum editas esse, iras scilicet in nos graues inimicitiasq. susceperunt. & quidem quoties vlciscendi se dedit occasio, eam semper auide arripuerunt. Nam bello

sæpius inter Lusitanos Mahometanosq. Idalcanis exorto ; cum his coniuncti Ethnici Christianorum templa domosque , quæ in Salfetanis agris erant , sacrilegis manibus incenderunt : magna etiam detrimenta Christianis ipsis intulerunt , quorum erat ferme numerus decem millium . Et quamquam recens firmata pax erat , quinque tamen ex iisdem pagis à Lusitaniæ deficientes imperio ad excitanda noua fana aliaq. Idolorum simulachra , publice adhibitis vt antea ritibus, redierunt . Quinetiam agere cum Prorege, Regeq. ipso non dubitarunt, sibi vt in eo perseuerare, suasq. superstitiones augere , suo arbitrato liceret . Quoniam igitur Alphonsi Pacieci opera factum nouerant, vt ea, quæ ab ipsis falso deferebantur ad Regem, illustrarentur & patefierent; eundemq. suis senserant obstare consilijs, hoc hominem acerbius oderant . Nec minori apud eos odio erat Petrus Berna, qui præterea illud effecerat, vt exercitus is, quem ad eos coercendos comes Franciscus Mascarenias miserat, ipsorum fana dirueret : non enim poterat ferre tantam creatoris iniuriam, vt qui honos rerum omnium opifici deberetur, is rebus creatis, atque adeo Diabolo ipsi tribueretur. Vaccam etiam quãdam, quæ loco numinis colebatur à Barbaris, interfecit, eiusque intestinis polluere vas propinquum non dubitauit, vbi se ad Idoli honorem abluere superstitiosa gens consueuerat. quæ vna omnium contumelia Barbaris est visa grauissima. atque iccirco Bernam vnum ex omnibus oderant acerbissime. Sed cum eos grauiter is, quẽ dixi exercitus diuexaret, pacis & veniæ causa ad

Pro-

Proregem mittunt, fidemq. suam, & tributa pristina pollicentur. quæ quanquam ex animo viderentur asserere; tamen per simulationem pacis vlciscendi tempus, occasionemq. captabant. Discesserat sub id tempus in Salseta Rodolphus vna cum Alphonso Pacieco, & in Curtalina sede substiterat. illuc Patres fratresque, quotquot in alijs erant dispersi sedibus, conuenerunt: Ibique semestribus confessionibus rite obitis, habitaq. à nouo Rectore cohortatione, sua quisque vota, vt ferebat tempus, instaurarunt. Nec longo interiecto spatio, cum de Ethnicorum conuersione, deq. inspiciendis nostrorum sedibus sedulo actum esset, Rodolphus vna cum socijs Coculinum statuit lustrare præcipue; tum vt deliniendis Ethnicorum animis eos sensim ad Christiana sacra traducerent, tum vt ad extruendum templum locandamq. crucem locum aliquem legerent. Dominico igitur die, qui dies fuit tertio Nonas Iulij Rodolphus, & Paciecus in arce Racioli, aliq. in alijs sedibus rem diuinam fecerunt. Nocte insequente duo illi, quos dixi Patres, simulq. Petrus Berna Italus, & Antonius Franciscus Lusitanus, vna cum Francisco Aranea, qui Gaspari Goensis olim Archiepiscopi Nepos erat, in Orliensem sedē conuenerunt. Interim Antonius Franciscus cursum sibi inscius ad præclarissimū mortis genus aperiens, scribit ad Coculini primarios, Rectore pestrīdie cum alijs Patribus eo venturū quare dent operam rogat, vt vniuersi conueniant, habere se, quæ cum illis ipsorum salutis causa vna communicet. Rescripsit ad eas litteras à Principibus vnus se quidem malis domesticis impeditos (exiit enim

inter

inter eos ex primarij viri cæde dissensio) conuenire minus cõmode posse, ac pro dignitate Patres excipere; si tamen oppidum liberet inspicere, id ipsorũ commodo fieri licere. Hisce nuntijs Barbarorum excitata perfidia, continuo inter se deliberat, quemadmodum Patres suorum Deorum euersores, suæ legis irrisores pessimis exemplis discruciatos enecet; ei scilicet Triumphos adornans, quibus pestem exitiumque moliebatur. Nostri Idibus Iulij suo quisque sacro peracto sui ignari discriminis Coculinum recta contendunt. Prosequebantur illius loci Christiani propemodum quinquaginta, Lusitanique in eo numero duo. Cumq. primos Coculini aditus attigissent, nemoque obuiam prodiret, placuit primarium quendam virum accersere, qui apud suos plurimum auctoritate valebat. is ubi accessit, & causas, cur nemo obuiam procederet, attulisset, abeundi veniam confestim petijt: Nostri, ut maneret, cum exorare non possent, quod is occupationes nescio quis prætenderet, dimiserunt. Eius repentinus discessus suspicionem scilicet attulit. Nostri tamen obeundo pago deliberare inter sese, qui maxime locus ad construendum templum, erigendumq. sacræ crucis trophæum videretur appositus. Quod dum Ethnici quidam, siue illi casu, siue explorandi animo aduenissent, animaduertunt; rem ad alios continuo deferunt. Interim Ariolus quidam, sine quo nihil isti moluntur, clamores edere, puluerem in aerẽ spargere, nec quid diceret satis perspicuum, nisi dumtaxat illud, aduenisse iam tempus, quo vlcisci violatum Idolorũ nomen oporteret iniuriasq. eas, quæ quotidie inferebantur

tur

tur à Patribus. Quapropter hostes facta manu, omnes qua transeundum nostris erat, viarum aditus intercludunt. Tum primum sensere sibi Ethnicorum animos alienos. ergo ut nascentibus malis occurrant, ad suas sedes reuocare se statuunt. Vix paululum redeundo processerant, cum hostium turbam post collem à tergo clamantem, ut in bellis fieri consuevit, exaudiunt: confestimq. euolant ex omni parte armati homines fere mille; alij lanceas concutiunt, alij arcus, & mucrones intentant, alij vociferantur, occide occide. Nostri vero interclusi insidijs dum partim trepidant, ut in re subita, partim ut in ardua sese effundunt in preces; Rodolphus hortatus dicitur socios, ut mortem pro religione tantopere expetitam, ac tam diuturna peregrinatione quæsitam, oblatam à Deo non modo non dubitanter, sed etiam ardentem exciperent. Aderant hostes in nostrorum cadem ardentes, & iam eminens arcus intorserant, cum Lusitanus quidam, ut se suosque defenderet in medium profilit, & sclopo, quem habebat, admonet manum. Sed ne illata vi barbaros in causa religionis irritasse videretur, reuocat hominem Paciecus negans tum depellendi, sed subeundi periculi tempus esse. Ipse obuiam procedit hostibus, passiq. ut in amplexu manibus, mira animi tranquillitate patria ipsorum lingua, ne quid perturbationis metuant, hortatur. Nondum cominus accesserat hostis, cum Christianus quidam, quo Rodolphus utebatur interprete, Rodolpho ipsi expeditum equum offert ad fugam, quæ tamen ille recusans, alijs potius comitibus dari iubet, se quidem talem mortem vitæ omni antepone. Inter

hæc verba adfuit illico hostium manus & ab eo cædis fecit initium. Huic poplites primo succidit. quo ille vulnere procumbens in genua, intentis in cælum oculis, diductaque suis ipse manibus veste, nudam præbuit hostili ferro cervicem. sed ne id quidem ad leniendam carnificis crudelitatem satis: In eas ipsas ceruices, quas Christi Martyr sponte nudarat duas ille graues ac mortiferas plagas imposuit. Ad has quarta accessit, quæ humerum à reliquo corpore penè discerpfit, & ad extremum iaculi vulnus in pectore. quibus quinque vulneribus, animam suo edidit Creatori, à quo totidem redemptus est plagis. Atque huc denique Rodulphum sua virtus prouexit, id quod tanto ardore semper expetijt; Nihil enim tam querebatur cum ex Mogoris regno reuertit, quam quod in medijs hostibus nunquam sibi fors similis obtigisset. Secundus casus est Franciscus Aranea, qui in ceruicibus magno accepto vulnere, lateraq. hastili trāsfixus, in veprem se abiecit exanimatus, nempe vt ad illustriorem Christi gloriam extremum spiritum reseruaret. Tertius occisus est Petrus Berna odium publicum Ethnicorū, qui in occipitio ita vulneratus est, vt ex vulnere pars dissecta penderet, altero etiam oculo telo traiecto, alteraq. aure media grauitervulnerata: Ac ne tum quidem siti crudelitatis extincta, inusitato feritatis genere in mortui membra sæuitum est. Meminerant ab hoc vaccam super Idoli sedem fuisse mactatam, ab hoc ignes fano circumdatos, & Deorum aras euersas. Hic dicere solitus est, quandiu sanguis in Coculino pago non funderetur Ethnicorum conuersionē fore

fore nullam, simulq. praesagire animo, sibi esse in ijs regionibus moriendum. Quarta fuit Pacieci palma, cui barbari lanceam cum adegissent in pectus, extensis continuo manibus Crucis in figuram, oculisq. sublatis in caelum alteri vulneri sese intrepidus offert; quod cum in iugulo accepisset, ex animis concidit. Postremus Antonius Fraciscus tum in capite, tum in reliquo corpore vulneratus, honestam vitam honestiore exitu decoravit. Huic accepimus quotidianum solenneq. fuisse, cum sacrificaret, a Deo enixe contedere, sibi ut eius causa liceret cruciatus martyrum experiri. Cæsi sunt deinceps, qui comites sese nostris adiunxerant, omninoq. cædes fuit fere viginti, nam reliqui è medijs hostibus euolarunt, ut esset, qui subitum rei nuntium domum nostris afferret. Tanto autem odio in Patres feritas barbarorum exarsit, ut non modo eorum comites maturam iam ætate viros, cædis periculo exaquarent, sed ne iumentorum quidem, aut puerorum neci temperauerint. Hac strage edita, initoq. nostrorum qui cæsi sunt numero, cum quattuor tantum essent inuenti, quos plures fuisse constabat, quintum sollicitè querunt. Nam Araneam, ut dixi, pro occiso relictum vepres abdidit. hunc postea à muliere pastoricia indicatum, extremo spiritu exanquem & confectum, & IESU nomen intrepide profitentem cum extraxissent, repente ad eum omnis generis multitudo conuolat, virorum, seminarum, puerorūq. magnis prælatitia clamoribus gestientium, qui quo plus Idolo suo haberent honoris, semel atque iterum semiuiui corpus extractum, circum Idolum raptant. Deinde ut eorum mos

est in reorum habenda questione, hominem altero tantum pede stare iubent, altero in sublime suspēso. Idolo supplicare cum iuberetur, Non sum, inquit, tam desipiens, quam vos, qui hæc iubetis, ut lapidibus ac lignis Dei honores habendos putem. Illi ira incitati certo eū in loco constituunt, quo eminus collimarent, in eumq. innumerabilem iaciunt telorum sagittarumq. multitudinem. atque inter iaculandum alia alijs subinde vocibus exprobrātes, hic demum templum edificabitis, inquit, Hic Cruces vestras figetis. Atque is furor fuit vniuersorum, ut ne pueri quidem puellæque in eius corpore lacerando, suisq. manibus, mucronibus, iaculis, & præacutis sudibus configēdo animum suum satiare possent; cum è suis vlciscēdis Idolis partem aliquam laudis sibi quisque conaretur appetere. Quare & arūdines, & veruta, & alia eiusmodi tela eius cruore madefacta vna cum reliqua occisorum sanguine suis consecrabant Idolis, eoq. ipso, ut eorum mos est, Deorum simulacra festis clamoribus inungebant. Deniq. ita confecto laniatoq. Francisco, vulneribus aliquot in cervice defixis, reliquum spiritum exhausserunt. Exacto per hæc scelera die, postridie prima luce intersectorum corpora, quæ strata etiam tum erant alijs quidem ad sepulturam concedi sua cuiq. permittunt; Nostrorum vero corpora per terram contumeliose tracta in puteum deiici aque plenum, ac ne in Christianorum manus venirent, spinis ac dumetis obtegi iubent. Duo præterea honesto loco nati adolescentes in societatem tam illustris martyrij aggregati sunt. Brachmanes erant ambo, & in nostris ædibus habitabant.

bitabant. eorum alter appellabatur Dominicus eiusdem Coculini oppidi incola; qui quoniam Patribus Idola, quæ comminuerent demonstrauit, ne huic quidem sui ciues pepercerunt. Alteri nomen erat Alphonsus, qui cum Pacieci Breuiarium gestaret in manibus, non prius sibi illud extorqueri passus est, quam utraque manus abscideretur. Interfectus est alius quoque Christianus vir honestus Franciscus Rhotbergius, itemque alius Paulus Acosta, Christianorum illius loci curator, & in adiungendis ad Christum Ethnicis iuuandisque Patribus sedulus administer. Ex duobus comitibus Lusitanis superstes relictus est alter, qui exceptus cuiusdam Ethnici misericordia, praesenti periculo ereptus est: alter vero scriba Regis qui Consalvus Rotherigius dicebatur, occisus. Atque hic fuit felix nostrorum Patrum obitus, qui amplificandæ promulgandæq. Christianæ Religionis causa, suas Redemptori vitas obtulerunt, ut sanguis sanguini redderetur. Hæc ut supra dixi Idib. Iul. acta sunt anno Millesimo quingentesimo octogesimo tertio. quo ipso die sunt ab hæreticis annis ante duodecim, Ignatius Azbedus comitesq. nouē & triginta, cū Brasiliam peterent, interfecti. Horum memoriam Goani Collegij socij, dum pijs precationibus pænisq. recolunt voluntarijs, hi ipsi de quibus scribimus, a Salsetanis Ethnicis maculabatur. Allatus est hic nuntius postera nocte, quam mors martyrum antecessit, nam, ut dixi, præpropera aliquorum fuga celeres etiam attulit nuncios. Acerbissima primo visa res est nostris, quod tanta Societati præsidia vno tempore essent erepta: sed cum de more se contulissent

lissent ad preces, tantam vim diuinæ dulcedinis acceperunt tantamq. lætitiā, ut hac atque illac è suis quisque cubiculis prodeuntes, eam inter se mutuo communicarent: cum vero ardorem præferrent obeūdi martyri, ut nouos martyres tum beatos, tum sanctos, alijque alijs nominibus appellarent. Ut autem Rotherigius Vincentius id temporis Prouincialis cum ceteris Patribus in Salseta proficisci constituit ad recuperanda humandaq. sociorum corpora; is fuit ardor vniuersorum, ut profectionem illam enixe omnes efflagitarent, magnusq. mæror inuaderet, si cui remanendum esset Goæ. non tamen omnibus, sed triginta duntaxat concessum est. Qui Coculinum cum peruenissent, atque vna cum Castri Duce occisorum corpora postulassent, patefacere ea initio barbari noluerūt: sed rebus omnibus frustra tentatis, dum tristes, mastiq. reditum parant, diuino consilio factum est, ut non sine sanctis corporibus, quæ deinde barbari protulerunt, abirent. Vix erat in Castro Raciolo, vbi tum nostri commorabantur, de martyrum exportatione nunciatum, cum aduentantibus ex oppido populus gratulabundus occurrir. Portabatur nobile feretrum à Duce, Lusitanisq. cumq. ad sacellum quoddam B. Antonio sacrum Castro ipsi propinquum vêtum est, præsto illico fuere patres, qui beata illa corpora frequenti populo, accensis cereis atque Candelis exciperent; præeunte choro modulate canentium canticum Zachariæ. In interiore sacello, tum ut studijs hominum ingentibus satisfaceret, tum ut aptius corpora ipsa componerentur; detractis integumentis multitudini ostensa sunt. Hic ea fuit om-
nium

nium lætitia significatioq. pietatis, ut è nostris multi se nunquam talem expertos esse confirmant. Et quamquam triduo ante necati martyres erant, atque in illius putei cæno eorum corpora delituerant, recentes tamen admodum visebantur, præcipueq. Rodolphus, cuius è vulneribus ita recens fluebat sanguis, ut si eam acceperisset. multi etiam de Rodulphi corpore confirmarunt, odorem ex eo quemdam efflari iucundum; in eoq. sanguinem, qui cum ex omni vulnere, tum è cervicibus manabat vberrimus, sic æstuasse, ac si succensis ignibus efferuesceret. Quæ res omnium animos vehementer accendit, tantusq. osculantium manus, pedesq. ac plâgas impetus fuit, ut iam tum cællestē Martyrum gloriam videre sibi quodammodo viderentur. Multi reliquiarum aliquid studiose quærebant, nec obsisti vlllo pacto potuit, quominus alij aspersis cruore sudarijs, alij reuulsis vnguibus capillisq. discederēt. ac Rodolpho quidē nullus nec in manibus, nec in pedibus remansit vnguis: tanta erat apud omnes eius existimatio virtutis. Corporibus apte cōpositis sollennis quædā instituta est supplicatio, ut quæ amplissime efferrētur. ea deportabantur à Patribus crebris cum funalibus canticisq. psalmorum, qui ad eam triumphī gloriam spectare potissimum videbantur. sed lachrymarū effusione tanta ex intimis orta lætitijs, ut nascentis Ecclesiæ memoriā representaret. Etenim spectaculum erat eiusmodi, ut vel pectus adamantinum frangeret & in lachrymas gemitusque dissolueret. Ad oppidi templum cum hac pompa delata nocte circiter media in arca prægrandi condita sunt, distincta, ac suis quæque

que ut internosci possent, notata nominibus. Ibi iacent in præsentia, quoad alio Patri nostro Generali transferri placuerit. Postridie eius diei P. Prouincialis pro gratijs agendis missæ sacrum cum cantu solenniq. ritu peregit, nec enim tale funus desiderare alias videbatur exsequias, si quidem pro fidei Catholicæ promulgatione proq. Idolorum signis euersis appetita mors erat. Quod & Ethnici fatebantur ipsi, & ex eorum liquet epistola quadam, in qua scriptum est, iccirco patres de se peremptos, quod in suis regionibus cogitarent Christianorum templa construere. Maxime perturbauit hic nuncius Goanam Ciuitatem, cui Rodulphi, Paciecicq. virtutes perspectæ iam erant. Quo circa ita sunt omnium animi in Ethnicos incitati, ut nisi pro regis nutus prudentiaq. reprimeret, ad expetendas illico pœnas, vlciscendamq. Martyrum cadem vniuersi concurrerent. Sed quoniam parricidæ illi ad Idalcanem Regem confugerunt; censuit Prorex conuiuendum esse in præsentia, & in aliud tempus pœnas tanti sceleris reseruandas. Erat Rodolphus Aquanius Ariensis Ducis filius annos natus tres & triginta, quarum dimidiam partem in Societate consumpserat. Aequalis ferme erat illi Paciecus Hispanus claro item loco natus: vterque magnis quibusdam donis instructus ad rem Indicam adiuuandam. Antonius Franciscus Lusitanus trigessimum agebat annum, fueratq. in Societate duodecim. Petrus Berna Italus è Gallia Cisalpina ipse quoque par erat ætate, sed sexennium in Societate confecerat; Nec multo inferior Franciscus Aranea laicus, qui duo de triginta natus annos vixerat in eadem

dem Societate decennium. Hi omnes, ut ipsi met Ethnicum cum admiratione narrabant, intrepidi mortem aut sublati in cælum manibus, aut flexis in terram genibus exceperunt. In omnibus flos vigeat ætatis, omniumque erat opera ad Dei ministerium Societatisque perutilis. Sed quoniam Christi vinea Martyrum sanguine madefacta vberiores semper fœtus fundit: certissima spes est fore, ut plus ponderis habeat fusus ille nostrorum sanguis ad propagandum & illustrandum Christi nomen, quam eorum sudores ac nervi, si vitam corpusque seruassent.

Habetis Patres Fratresque. Charissimi cum præclaros huius anni fructus, tum partus industriæ vestræ: quorum memoria, his notata litteris, si delectat; quanto tandem iucundius est meminisse, multo eos accuratius in librum vitæ referri: nihil est enim in benefactis hominum tam exiguum, modo referatur ad DEVM quod non ille tanto liberalius vberiusque compenset. Reliquum est igitur, ut quoniam quicquid præclare a nobis geritur, id vniuersum est Dei munus, ab eo precemur enixe, ut sua hæc in nobis munera & dona custodiat. Romæ ex Collegio Rom. Kalend. Maij MDLXXXV.

Omnium in Christo Seruus.

Nicolaus Orlandinus.







